

XXVII. 10. 37

GUILIELMI HARVEI
Medici Regij
EXERCITATIO ANATOMICA
de
Cordis et Sanguinis Motu.

Veritatem Tempus Manu ducit



Roterdami,
Apud Arnoldum Leers A° 1648.



GUILIELMI HARVEI

Doct: & Profess: Regii

Exercitatio Anatomica

De motu cordis & sanguinis.

Cum Praefatione

ZACHARIAE SYLVII

Medici Roterodamensis.

A C C E S S I T

Dissertatio de Cordis

Doct. JACOBI DE BACK,


Urbis Roterodami Medici ordinarii.



ROTTERDAMI


Ex Officinâ ARNOLDI LEERS.

CICLO XLVIII.



IN
G V I L I E L M U M
H A R V E I U M
Z A C H A R I A S S Y L V I V S .

Vivat Aristoteles, vivat Galenus
& ingens
Hippocrates, quorum fama perennis erit.
Vivat & Harveius, tam sanctas nempe tulerunt
Illi artes, quas nunc Anglus hic
ecce colit.



ZACHARIÆ SYLVII

Medici Roterodamenfis

P R Æ F A T I O

I N

G U I L I E L M I

H A R V E I I

Exercitationem Anatomicam.

Memorabile est, quod refert Aventinus Bojorum Scriptor, Bonifaciū quendam Moguntinum Episcopum, cū audiisset, Virgilium Salaburgensem Episcopum, pro concione eorum hominum mentionem facere, qui vestigia nobis adversa urgent, ita excanduisse: ut crimine impietatis Virgilium accusare non dubitavit: quod

(*). 3. anti-

P R Æ F A T I O.

*antipodibus inductis, novū etiam Christi-
stum non obscure videretur inducere.
Iuducio etiam ad Vtilionem Bojorum
Regem delato, Bonifacium à Zacha-
ria Pontifice litteras impetrasse ad Vti-
lionem: atque ita Virgilium Regio &
Pontificio calculo fuisse damnatum.
Simile etiam de Democrito narratur.
Democritus hic solertissimus operum
naturæ perscrutator, cum assidue se-
candis animalibus occuparetur, existi-
matus fuit insanus ab Abderitis; qui
miserati sortem hominis advocarunt
Hippocratem, ut illi medicinam face-
ret, mentemque alienatam restitueret.
Rogatus accurrit, & offendit Democri-
tum animalia secantem, quo specta-
culo mirum in modum oblectatus, om-
nes Abderitas insanire pronuntiavit,
solum sapere Democritum. Nunc au-
tem multi Abderitanae plebis pectora
habent,*

P R A E F A T I O.

habent, multi nunc Bonifacii & Villiones, qui nova inventa illorum, qui veluti magno quodam numinis afflatu, ad rerum causas indagandas & cognoscendas omnia sua studia contulerunt, tanquam inutilia calumnientur, tantumque consuetudinis semel inductæ vis potest, ut nullus in Barbariâ ullâ immaniore potentiam usurpasse videatur. Nimirum edidit nuper doctissimus vir Guilielmus Harvejus Medicus Regius & in Londinensi Medicorum Collegio Anatomia Professor, novam quandam & inauditam de motu cordis & circulatione sanguinis sententiam. Quæ compendio dicta sic se habet : primum se constringit cordis auricula, & in illâ constrictione sanguinem contentum in ventriculum cordis pellit : quo repleto cor dilatatur : mox hoc contrahit ventriculos & pul-

(* 4.)

sum.

P R A E F A T I O.

sum facit: quo pulsu conjectum in se sanguinem protrudit in arterias è sinistro ventriculo, è dextro in pulmones per venam arteriosam unde continuè per arteriam venosam in ventriculum sinistrum rapitur, & ab hoc propellitur in aortam, atque deinceps in totum corpus per arterias. Sanguis sic inhabitum corporis impulsus transit ab arteriis in venas rursus, remeatque in venam cavam, & ab hac in dextram cordis auriculam, deinde in ventriculum dextrum: & ita porro eundem circulum agit, quem ante, idque continuè. Vnde eum sanguinis motum vocat circulationem. Audacem scilicet hominem!

O Medica tranquillitatis turbato-
rem! vem!

O Medica reipublicæ seditiosum ci-
Qui sententiam post tot secula omnium
con-

P R Æ F A T I O.

consensu confirmatam, & tot Medicorum monumentis consignatam, & quasi per manus posteritati traditam primus convellere est ausus: quasi nemo tot ante secula sapuisset. Religiose quidem ut par est faciunt, qui antiquitatem venerantur: Minus autem, quam viris sapientibus dignum, qui, quasi omnium temporum hominumque communis non esset sapientia, vetustati eam tanquam propriam non sine posteritatis injuria adscribunt. Non enim inquit Lactantius, lib. 2. divinarum institutionum, cap. 8. quia nos illi temporibus antecesserunt, sapientiâ quoque antecesserunt; quæ si omnibus datur æqualiter, ab antecedentibus occupari non potest: sed illibabilis est tanquam lux & claritas Solis; quia ut Sol oculorum, sic sapientia lumen est cordis humani. Et profectò si illi, quorum be-

(* 5)

neficio

P R Æ F A T I O.

neficio & lucubrationibus Medicinam inventam & constitutam habemus in eâdem sententiâ cum reprehensoribus hisce fuissent, neque quicquam, nisi majorum judicio & calculo comprobatum, literis dignum judicassent, nunquam artes tam excultæ & elaboratæ in lucem prodiiissent. Verum cum veteres multa præclare invenisse, nonnulla verò minus exploratè percepta, quædam etiam planè incognita, ipsis fuisse persuasum haberent, non tam præclusam, quam munitam sibi vetustatis exemplo & diligentia, veritatis inquirenda viam arbitrati, erecto animo in id incubuerunt, ut eodem, quo illi, aut etiam longius perscrutando quidlibet, progredierentur. Hi ad eruendas abditas rerum causas quasi signum sustulere, & exemplo, ut sequeremur, præivere: Hæc quippe sapientiæ libertas est,

P R A E F A T I O.

est, ut nemini obnoxia, sui juris & mancipii sit. In hujus Republicâ & abrogare & derogare & obrogare, sine fraude cujusquam liceat: quam libertatem, si tollimus, semper in artium incunabulis harebimus: nec erit unde earum incrementa, aut proditis meliora unquam speremus. Quocirca nos aequitatem & humanitatem in nostris judiciis, quae de aliis facimus, desideramus. Si semper idem sentiendum & loquendum sit: nihil novi invenire liceat, neque quod res ipsa docet & ratio dicat, apprehendendum fuerit. Propterea priorum vestigia omnia premere, & eadem semper inculcare ridiculum est. Nec probat Galenus commentarium Anatomicum, nisi novi aliquid contineat. Pigri est ingenii contentum esse iis, quae sunt ab aliis inventa, siquidem mentis acrimonia nihil

(* 6).

h3l

P R Æ F A T I O.

hil non humanarum rerum subjicitur. Immenſi ſunt naturæ Theſauri & inexplicabilis ejus ſapientia, ut ea, quæ quotidie in lucem producuntur, viam præparent ad ſuccedentia inveſtiganda. Veritas quippe in multò altiore demerſa puteum eſt, quam ut paucis inde extrahi poſſit ſeculis. Verum eſt quod Aratus prodidit, non omnia ſimul edoctròs fuiſſe à Iove, ſed adhuc pleraque occulta manere, quorum aliqua dabit in poſterum. Galenus naturæ ſolertiam in humani corporis fabricâ tantam eſſe prædicat, ut cum eam magni viri diligenter & aſſidue perſcrutati ſint, non omnem tamen invenerint. Hinc Poëta eleganter cecinit,

Multa dies variuſque labor mutabilis avi

Rettulit in melius, non omnia grandior ætus,

Nes.

P R Æ F A T I O .

Nos quæ scimus, habet, seris venit.
usus ab annis.

Itaque cum sapere, hoc est, veritatem
querere omnibus sit innotatum, sapien-
tiam sibi adimunt, qui sine ullo iudicio
inventa majorum probant, & ab iis
pecudum more ducuntur, & in iis,
quod non vident, videre se temere glo-
riantur. Fabula ab Hiſtrionibus agi-
solita huic rei simillima mihi videtur :
Vano cuidã & simplici Thraſoni pan-
nus à nebulone sartore describitur per-
commodus, sed eo colore præditus, ut à
nothis & spuris conspici non possit. Ita-
que Thraſo cupidus emendi, pannum
sibi proponi jubet : nebulo protinus tan-
quam multarum ulnarum molem pro-
fert expansis palmis, ut mercatores hic
assolent, licia diducit, speciem mira-
tur, emptori suo prædicat & ostentat :
Hic Thraſo vanus, adulterii materni
suspi-

P R A E F A T I O.

*suspensione protinus tactus est : consi-
 teri tamen pudor vetat : itaque pan-
 num , quem nullum videt , qui nullus
 etiam est , se videre & admirari dicit ,
 & emit , vestemque sibi sarciri jubet .
 Hic sartor exultare gaudio & trium-
 phare incipit , pannum dividit , divisio-
 nis stridorem miris modis imitatur , ve-
 stemque hoc egregio invisi. invisibilis-
 que , ut (ita dicam) coloris panno con-
 sarcit : pretium denique accipit , &
 addicit . Hac (mihi crede) fabula in-
 credulis sine judicio , veritas & Histo-
 ria , non fabula est . Credunt : (quid
 enim Medicis tot aetatum seculorumque
 judiciis approbatis non credant ?) non
 vident tamen , nec omnino videre ;
 quod nihil est , possunt . Ne tamen idio-
 ta videantur , laudant , admirantur ,
 emunt pretio non solum pecunia , cujus
 jactura tolerari potest , sed temporis &
 vite ,*

P R A E F A T I O.

vita, cujus detrimentum nullo pecuniae pretio compensari potest. Sanè, ut quod res est dicam, parcius nobis fides auctoritati adjungenda, verum assensio cohibenda, & prater auctoritatem etiam ratio querenda vel ipsorum veterum Philosophorum & Medicorum exemplo & autoritate, & primum quidem divini illius Platonis, quem tanti facit Cicero, ut modo Philosophorum Homerum, modo Deum dicere non dubitet, apud quem ô Beate (inquit Socrates polo juveni de beatâ viâ differenti productis testibus) oratorum more convincere me contendis, quem admodum in judicio fieri solet, ubi alii alios tum convincere se opinantur, cum pro suâ causâ multos celebresque adducant testes: adversarius autem aut nullum, aut unum aliquem, cum ejusmodi probatio nullius ad veritatem sit

mo-

P R Æ F A T I O.

momenti, saepe enim ob falsorum testium multitudinē atque eorum etiam, qui alicujus rei & pretii esse videntur, quis injustè opprimitur: similiter & in charmide; Neque id considerandum, quis dixerit, sed utrum verè dicatur nec ne: Hac & similia apud Platonem passim. Quin & Aristotelem Magistri sui vestigiis hic prorsus insistentem attendamus, qui cū à veterum Philosophorum nemine, tum ne à Socrate & magistro Platone abstinuit. Contra ideas enim disputaturus inquit; etsi difficilis existit quaestio, quia nobis amici sunt ii, qui ideas induxerunt: tamen æquum est, veritatis retinendæ causâ suâ etiam decreta tollere, Philosophis praesertim. Etsi enim utrique clari sunt; tamen præclarum est pluris aestimare veritatem. An non hinc, quo loco Philosophorum vel gravissimorum

auto-

P R Æ F A T I O.

autoritas sit habenda, liquidò constare dicemus? cùm Socrates non tam Hippocratis aliorumque testium.; Aristoteles verò non tam Socratis & Platonis, quam rationis veritatisque momenta esse ponderanda atque æstimanda clamitet: præsertim cùm & Cicero, divinâ ingenii celeritate, singulæque judicio vir, qui propter crebras Platonis & Aristotelis laudes in utriusque verba jurasse posset videri, non invitus relicta Platonis Academia & Aristotelis lyceo, ad Stoicorum portum deflexerit. Credo etiam ad Cyrenæicorum Cynosarges, Epicureorum hortos, aliorumque Philosophorum scholas, pari libertate transiturum fuisse, Si quicquam cognitu dignum in illis comperisset & judicasset. Quin etiam discentes ab ejusmodi credulâ superstitione revocatos nominatim non tam
auto-

P R A E F A T I O.

*autoritatis, quam rationis momenta
 querenda esse admonet: quod obsit ple-
 rumque iis, qui discere volunt, auto-
 ritas eorum, qui docere se profitentur.
 Desinant enim, inquit, iudicium suum
 adhibere, id habent ratum, quod ab
 eo, quem probant, vident iudicatum.
 Quamobrem vera, quamvis nova Me-
 dicina principia cum Veterum opinio-
 nibus comparemus: plurima enim hic
 contraria comperiemus. Adhibeamus
 Anatomicam exercitationem Harvei:
 Experiamur quid hâc possumus adju-
 vari; nec sepias diutius imitemur: ut
 enim pisces illi, cum se peti à piscato-
 ribus senserint, effuso atramenta, quod
 illis est pro sanguine, infuscatâ aquâ
 abscondunt se, & piscatoribus iter vel-
 uti sepiunt atque intercludunt: nec sic
 videlicet cum veritate, cum luce, cum
 firmâ constantique ratione urgeamur
 & con-*

P R A E F A T I O.

*Et constringamur. Etenim turbida ista
 aqua residebit aliquando ; opinionum
 enim commenta. delebit tempus, natu-
 ra judicia confirmabit. Experimen-
 tum insigne hujus rei habemus in cla-
 rissimo viro Vopisco Fortunato Plem-
 pio artium & Medicina Doctore, at-
 que in Academia Lovaniensi practicen
 primo loco proficiente, cujus de Harveio
 judicium hic proponere libuit. Quod
 dedit, libr. 2. de fundamentis Medi-
 cine, cap. 7. Hac ejus verba : Nuper
 Anglia novam peperit de motu cordis
 opinionem, quam invulgavit Guiliel-
 mus Harveius edito, eâ de re peculiari
 libello. Sententiam suam multis plau-
 sibilibus rationibus adstruit, adeo ut
 jam multis doctis hodie arridere inci-
 piat ; nomineturque honoris causâ à
 quodam conterraneo suo circulator Mi-
 crocosmi, ad distinctionem alterius An-*

P R Æ F A T I O .

gli, qui primus Microcosmū circularavit. Primum mihi inventum hoc non placuit, quod & voce & scripto publicè testatus sum, sed dum postea ei refutando & explodendo vehementius incumbo, refutor & ipse & explodor: adeo sunt rationes ejus non persuadentes, sed cogentes: diligenter omnes examinavi, & in vivis aliquot canibus eum in finem à me dissectis verissimum comperi. Hoc ut facerem monitus quoque à clariss, VValeo Professore Leydensi, cujus viri candido sedatoque ingenio & judicio plurimū tribuo, multumque in hac ipsa materiâ acceptum refero. Mira judicii Metamorphosis! sperare hinc incipio & aliorum aequitatem, qui deposito omni odio, & agnito errore tandem cum Plempio bene sentire de Harveio incipient. Malitiosi & improbi animi est, errore delectari,
lucem

P R A E F A T I O.

lucem odisse, tenebras consecrari, industriam bonorum calumniari, quod vitium non nisi in foedissimas personas cadit & viles. Viles, adeo verè dictum, ut negemus, non dicamus bonam, sed mediocriter bonam altamque indolem, nunquam hâc labe fuisse aspersam. Vetus & nostrum avum excutite. Non aliter legetis, videbitis, audietis, quam tristes quasdam malignasque naturas, quas sydere suo Saturnus afflavit, aliis invidentes, sibi diffidentes pronas ad hoc vitium & factas. Videtisne minus illos canes, qui hospites allatrant, feras non tangunt? Tales deteriores isti hominum, qui ledere tantum nati & vexare. Nati, inquam, quia revera ad hoc vitium ita vergunt & inclinant, ut quies iis non sit, nisi aliis inquietis. Si dicerent reprehensores ejus, **Guilielmus Harveius veterum errores**

NOTA-

P R A E F A T I O.

notavit ac reprehendit, verum illi quidem dicerent: tum verò multo etiam verius, si adderent, Guilielmus Harveius diuturnâ & assiduâ rerum Anatomicarum observatione & meditatione proposuit è viâ Medicina spinas, filices, ceteraque impedimenta tollere, ut iter planum, simplex, expeditum, directum esset; quo facilius ad Medicina non modo veritatem & intelligentiam, sed etiam utilitatem & fructum perveniretur. Socratis sapientia vel Apollinis oraculo notissima est, inter cuius laudes, vel illa insignis ac precipua fuit, artium liberalium fines ad humana vita referre fructum, ut homines his artibus instructi prudentius de rebus agendis, paratiusque deliberatas ac promptius exequerentur ac conficerent. Hunc finem spectavit Harveius noster, veritatem solam & fructum

P R A E F A T I O.

Etum artis Medica indicavit. Videbat
 etenim ingens specilegum reliquum es-
 se, multa spatiosis natura latifundiis
 superesse, haecenus intacta aut imper-
 via, in quorum possessionem tanquam
 in vacuum sapientibus venire liceat.
 Verum non aliorum scriptis credidit
 Harveius, sed oculis fidelibus rerum
 Anatomicarum internunciis, quia me-
 lius airoſia comparatur Anatome,
 quam longâ lectione & profundâ me-
 ditatione. Nullus adductus jurare in
 verba Magistri, quibus & nos experti
 credimus: Eupompus pictor egregius
 interrogatus, quem antecedentium
 sequeretur, dixisse fertur demonstratâ
 hominum multitudine naturam ipsam
 imitandam esse, non artificem. Idem
 Harveius fecit, atque naturam per-
 scrutando eo pervenit, ut meritò non
 aliter atque Archimedes inventâ sub-
 eratis

P R Æ F A T I O.

arati auri obrusâ, magnâ voce exclamaret, ἔσθ' ἡ ἀλήθεια, ἔσθ' ἡ ἀλήθεια. Hæc vera & antiqua philosophiæ sacrosancta lex est: amicus Plato, amicus Socrates, magis amica veritas: Quare αὐτὸς ἔφη nunquam hic audiatur: nulla hominis excellentis autoritas pro argumento adferatur, nulli prærogativa sententia, sed meliori calculus adjiciatur. Denique dum alii antiquarum partes suscipiunt, nos veritatis cum Harveio causam agamus. Majorum inventa non vetustatis sed rerum veritate ponderantes æstimantesque, veritati congrua comprobemus, contraria rejiciamus. Edidimus in hunc finem denuo Harvei Exercitationem Anatomicam quæ anno 1628. Francofurti incuriâ Typographi vitiosè admodum edita fuit, quod Autor sæpè conquestus est, sentiens inde reprehensorum calumnias

ori-

P R Æ F A T I O.

originem traxisse, qui dicta ejus minus intelligentes, iniquo animo acceperunt, & publicè traducere conati sunt: edidimus inquam, seduloque operam dedimus, ut perplexis, confusis & mutilis, quantum fieri potuit, sublatis, restituta eadē exercitatio emendatè prodiret, usi hac in re opera Doctissimi DE BACK collega nostri amicissimi, cujus judicio plurimum tribuimus. Verumenimverò ut præsationis nostræ vela complicemus, imitemur, in honoribus præstandis rerum inventoribus, antiquitatem. Videlicet quondam apud seclum prius Medica inventio tam admirabilis fuit, tam dulcis experientia ut ejus autores aut planè pro Diis habiti sunt, velut Apollo & hujus filius Æsculapius, aut certè divinis honoribus digni sint æstimati, velut Asclepiades, quem Illyrici nuni-

(**)

mi

P R Æ F A T I O.

mis instar receptum, Herculi in honoribus aequarunt. Non equidem probo totum quod fecit antiquitas. Affectum sanè & iudicium laudo, quippe quæ rectè & senserit & declararit, nullum satis dignum præmium persolvi posse Medicina artis inventoribus. Itaque in sempiterno honore apud nos Doctor HARVEIUS esto, cujus doctrinâ patefactam viam habemus ad tantam Medica virtutis splendorem perspicendum, amandum, imitandum. Sapientissimi Syracidii modestam de suo instituto commendationem libere Harveio attribuamus. Ego ultimus vigilavi, tanquam is, qui spicas legit post messores, profeci gratiâ Domini, implevi torcularis lacum: considerate me mihi non laborasse, sed omnibus quarentibus eruditionem.

Sere-

Serenissimo & Invictissimo

C A R O L O,

*Magnæ Britannia, Fran-
cia, & Hybernia Regi, Fi-
dei Defensori.*



ERENISSIME REX,

Cor animalium, fun-
damentum est vitæ,
princeps omnium, Mi-
crocosmi Sol, à quo omnis vege-
tatio dependet, vigor omnis &
robur emanat. Rex pariter re-
gnorum suorum fundamentum,
& Microcosmi sui Sol, Reipubli-
cæ Cor est, à quo omnis emanat
potestas, omnis gratia provenit.

(* * 2)

Quæ

DEDICATIO.

Quæ de motu cordis hîc scriptæ sunt, Majestati tuæ (uti hujus seculi mos est) offerre eò magis ausus sum, quòd ad hominis exemplum humana pene omnia, & ad cordis, Regis plurima. Regi itaque non inutilis cordis sui notitia, tanquam actionum divinum Exemplarium: (sic parvis componere magna solebant.) Poteris saltem Regum optime, in fastigio rerum humanarum positus, unâ operâ & humani corporis principium & Regiæ simul potestatis Tuæ effigiem contemplari. Suscipe itaque humillime precor; Serenissime Rex usitatâ benignitate & clementiâ de corde nova hæc, qui ipse novus splendor hujus seculi & totum vere cor es, princeps virtute abundans, ac gratiâ;

DEDICATIO.


tiâ ; cui acceptum jure merito re-
ferimus , quicquid nostra Anglia
boni, quicquid vita nostra jucun-
di, habet.

Augustissimæ Majestati Tuae

devotissimus servus

GUILIELMUS HARVEIUS.

(* * 3) Excel-



Excellentiss. & Ornatiss. Viro D.

D. A R G E N T,

Collegii Medicorum Londi-
nens. Præsidi Amico suo sin-
gulari cæterisque Doct.

Medicis Collegis
suis amantiss.

S. P. D.

M E A M de motu & usu
cordis & circuitu san-
guinis sententiam E.
D. D. antea sæpius in
prælectionibus meis Anatomi-
cis aperui novam : sed jam per
novem & amplius annos multis
ocularibus demonstrationibus in
conspectu vestro confirmatam,
rationibus & argumentis illustra-
tam,

D E D I C A T I O .

tam, & ab objectionibus doctis-
simorum & peritissimorum A-
natomicorum liberatam, toties
ab omnibus desideratam, à qui-
busdam efflagitatam, in lucem
& conspectum omnium hoc li-
bello produximus. Quem nisi vo-
bis transmissum E. D. D. minus
sperarem prodire posse integrum
& tutum, cum penè omnium il-
larum observationum, ex quibus
aut veritatem colligo, aut errores
redarguo, è vobis plurimos & fide
dignos appellare possum testes,
qui dissectiones meas vidistis, &
ocularibus demonstrationibus eo-
rum, quæ hic ad sensum palàm
assevero, assistere candidè & asti-
pulare consuevistis. Et cum con-
tra receptam viam, per tot secula
annorum ab innumeris, iisque cla-

(* * 4)

rissi-

DEDICATIO.

rissimis doctissimisque, viris tritam & illustratam; sanguinē iter novum metiri suum & revolvere solus iste liber affirmaret; arroganter nimis factum, ne videretur, libellum istum per aliquot abhinc retro annos alioquin perfectum, vel in publicum exire, vel transfretare, si permissem, summopere verebar: Nisi prius vobis proposuissem, & per autopsiam confirmassem, vestris dubiis & objectionibus respondissem, & Præsidis ornatissimi censuram in favorem accepissem. Persuasissimum veruntamen habui, quod si coram vobis nostroque Collegio tot tantisque viris doctissimis nobilitato, propositum sustinere potuerim, ab aliis tum demum minus pertimescendum, & jam

DEDICATION.

& jam illud, quod mihi à vobis, ob amorem veritatis, contigit unicum solatium, ab omnibus aliis qui similiter sint philosophati non minus esse sperandum. Philosophi enim veri, qui amore veritatis & sapientiæ flagrant, nunquam se tam *σοφῆς*, sapientia plenos reperiunt, aut suo sensu abundant, quin veritati, à quocunque & quandocunque venerit, locum dent. Nec tam angusti animi ut credant quamvis artem aut scientiam adeo omnibus numeris absolutam & perfectam à veteribus traditam, ut aliorum industriæ, & diligentiae nihil sit reliquum: cum profiteantur plurimi, maximam partem eorum, quæ scimus, eorum, quæ ignoramus, minimam esse, nec ita traditionibus & præceptis

(** 5)

DEDICATIO.

ceptis quorumcunque addicti, in-
servire se patiuntur Philosophi, &
libertatē perdunt, ne oculis pro-
priis fidem adhibeant, nec ita in
verba jurant antiquitatis magi-
stre, ut veritatem amicam in aper-
tis relinquunt, & in conspectu
omnium deserant. Sed sicut cre-
dulos & vanos, omnia primā fa-
cie admittere & credere, ita ma-
nifesta sensui non videre, & Luce
meridiana diem non agnoscere,
stupidos & insensatos pariter exi-
stimant. Et non minus poëtarum
fabulas, & vulgi deliramenta,
quam Scepticorum epochen in via
philosophica declinare docent.
Omnes item studiosi, boni, ho-
nestique, nunquam ita passioni-
bus indignationis, invidiæ, obrui
mentem sinunt, quo minus au-
diant

DEDICATIO.

imen ostentare nolebam. Tum quod non ex libris, sed ex dissectionibus, non ex placitis Philosophorum, sed fabricâ naturæ discere & docere Anatomen profitear. Tum quod neque è veteribus quemquam debito honore defraudare, neque è posterioribus quemquam irritari æquum censeam, aut moliar. Neque cum iis, qui in Anatomicis antecelluerunt, & me docuerunt, manus conferrere, aut dimicari honestum putem. Accedit, quod nec falsitatis crimen, in quempiam veritatis studiosum mea sponte inurere vellem, nec quenquam erroris labe insimulare. Sed solam veritatem sector, & omnem tum operam, tum oleum eò contuli, ut aliquid bonis gratum, doctis commodum,

D E D I C A T I O.

dum, & rei litterariæ utile in medium proferre possim. Valete Domini D. Excellentiss. & Anatomico vestro favete

GVILIELMO HARVEO.

INDEX

I N D E X
C A P I T U M.

- Proœmium præcedit, quo demonstra-
tur, quod quæ hætenus scripta sunt
de motu & usu cordis & arteria-
rum minus firma sint. Pag. 1.*
- Caput I. Cause, quibus ad scriben-
dū quæ per motus fuerit. Pag. 27.*
- Cap. II. Ex vivorum dissectione qua-
lis sit cordis motus. Pag. 31.*
- Cap. III. Arteriarum motus qualis
ex vivorum dissectione. Pag. 40.*
- Cap. IV. Motus cordis & auricula-
rum qualis ex vivorum dissectione.
Pag. 46.*
- Cap. V. Cordis motus actio & fun-
ctio. Pag. 59.*
- Cap. VI. Quibus viis sanguis, è venâ
cavâ in arterias, vel è dextro ven-
triculo cordis in sinistrum defera-
tur. Pag. 70.*
- Cap.*

INDEX CAPITUM.

Cap. VII. Sanguinē de dextro ventriculo cordis, per pulmonum parenchyma permeare in arteriam venosam & sinistrum ventriculum.

Pag. 86.

Cap. VIII. De copiā sanguinis trans-euntis, per cor ē venis in arterias, & de circulari motu sanguinis. P. 100.

Cap. IX. Esse sanguinis circuitum, ex primo supposito confirmato. P. 106.

Cap. X. Primum suppositum (de copiā pertrans-euntis sanguinis ē venis in arterias, & esse sanguinis circuitum) ab objectionibus vindicatur, & experimentis ulterius confirmatur.

Pag. 120.

Cap. XI. Secundum suppositum confirmatur.

Pag. 125.

Cap. XII. Esse sanguinis circuitum, ex secundo supposito confirmato.

Pag. 143.

Cap.

PROOEMIUM

Quo demonstratur, quod, quæ hæ-
 Genus scripta sunt de motu &
 usu cordis & arteriarum,
 minus firma sint.

DE Cordis Arteriarumque
 motu, pulsu, actione, usu,
 & utilitatibus cogitanti
 opera-premium est, quæ
 prius ab aliis mandata sunt literis,
 evolvere; quæ vulgo jactata & tradi-
 ta, animadvertere; ut quæ recte dicta,
 confirmantur; quæ falsa, dissectione
 Anatomica, multiplici experientia,
 diligenti & accurata observatione
 emendentur.

Pene omnes huc usque Anatomici,
 A Me-

Medici, & Philosophi supponunt cum Galeno, eundē usum esse pulsus, quem respirationis : & una re tantum differre, quod ille ab animali, hæc à vitali facultate manet ; reliquis, vel quod ad utilitatem, vel quod ad motus modum spectat, similiter se habentibus. unde affirmant (ut Hieronymus Fabr. ab Aq. p. libro suo de respiratione nuperrime edito) quoniam non sufficit pulsus cordis & arteriarum, ad evitandum, & refrigerandum, à Natura pulmones circa cor fabricatos esse. Hinc patet quod, quacunque dixerint priores de Systole, & Diastole, de motu cordis & arteriarum, pulmones respicientes tradidisse.

Cum vero aliter se habeat motus, & constitutio cordis, quam pulmonum ; aliter arteriarum, quam pectoris : alios exinde, usus, & utilitates exoriri

exoriri verisimile est, differreque plurimum cordis, & similiter arteriarum pulsus & usus, à pectoris & pulmonum. Si enim iisdem usibus inserviant pulsus ac respiratio, & in Diastole introsument aërem in cavitates suas arteria (uti vulgo dicunt) & in Systole per poros carnis & cutis, fuligines emittant; nec non, medio tempore inter Systolem & Diastolem, aërem contineant; & quovis tempore aut aërem, aut spiritus, aut fuligines expellant; quid itaque respondebunt Galeno? qui librum scripsit, Natura sanguinem contineri in arteriis, & nihil præter sanguinem, nimirum neque spiritus, neque aërem, sicut ab experimentis, & rationibus in eodem libro facile colligere licet. Et si (dum in Diastole replentur arteria ab aëre introsumpto) in majori pulsu,

major subeat aëris copia ; sequetur magno existente pulsu, si totum corpus in balneum immergeris , vel aqua, vel olei, necessario pulsus statim aut minorem esse, aut tardiozem multo ; cum per corpus ambientis balnei, aërem intra arterias permeare difficile sit , si non impossibile. Similiter, cum omnes arteria tam profunda, quam cutanea, eodem tempore, & pari velocitate distendantur ; quomodo poterit aër tam libere, & celeriter per cutem, carnem, habitumque corporis in profundum pertransire, quam per cuticulam solum? Et quomodo Embryonum arteria forinsecus in cavitates suas aërem, per ventrem maternum , & per corpus uteri attrahent? Vel quomodo Phoca, Balena, Delphines, cetaceum omne genus & pisces omnes in profundo maris, arteriarum suarum Diastole & Systole,

PROOEMIUM. 5

Systole, per immensam aqua massam celeri pulsu aërem introsument, & emittent? Dicere vero quod aërem implantatum in aqua absorbeant, & in aquam fuligines suas reddant, figmento haud absimile. Et si in Systole arteria per poros carnis, & cutis, fuligines è cavitatibus suis expellant, cur non item spiritus, (quos dicunt etiam in illis contineri) cum spiritus multo tenuiores fuliginibus sint? Et si cum in Systole, tum in Diastole aërem arteria accipiunt, & reddunt, uti pulmones in respiratione; cur non & hoc faciunt inflicto per arteriotomiam vulnere? Sectione trachæ per vulnus, aërem ingredi, regredi, duobus contrariis motibus, palam est. Sectâ arteriâ statim uno continuo motu sanguinem vi protrudi, non vero aërem, vel ingredi, vel regredi, manifestum est. Si

pulsus arteriarum partes corporis refrigerant & eventant, uti pulmones ipsum cor; quomodo dicunt vulgo, arterias à corde in partes singulas vitalem sanguinem deferre refertissimum spiritibus vitalibus, qui partium calorem foveant, sopitum suscitent, & quasi absumptum resarciant? & quomodo (si ligaveris arterias) statim partes non modo torpent, frigent, & quasi pallida cernuntur, sed & tandem desinunt? quod secundum Galenum contingit, quia calore, qui per omnes partes superne à corde confluerat, privata sint: cum hinc pateat magis arterias calorem partibus deferre, quam refrigerium, & eventationem. Præterea quomodo Diastole simul spiritus à corde attrahat, ad calefaciendas partes, simulque ab externorefrigerium? Amplius, tametsi iisdem

dem usibus pulmones, arterias, & cor
inservire aliqui affirmant, tamen cor
spirituum officinā esse, & arterias spi-
ritus continere, & transmittere etiam
dicunt. Pulmones autem spiritus fa-
cere, aut retinere contra Columbi opi-
nionem, negant. Quin & cum Gale-
no, quod sanguis contineatur in arte-
riis, & non spiritus, contra Erasistra-
tum asseverant. Videntur istae opinio-
nes ita inter se pugnare, & sese invi-
cem refellere, ut omnes non merito
sint suspectae. Sanguinem in arteriis
contineri, & arterias solum sangui-
nem deferre tum experimento Gale-
ni, tum in arteriotomia, tum in vul-
neribus manifestum est, cum ab una
arteria dissecta, (quod Galenus lib.
quod sanguis continetur in arte-
riis, affirmat & plurimis in locis,) u-
nius semihorae spatio totā massam san-

guinis ab universo corpore, magna, & impetuosâ profusione exhaustam fore. Experimentum Galeni tale est: Si (inquit) funiculo arteriam utrimque ligaveris, & medio rescisso secundum longitudinem, quod inter duas ligaturas in arteria comprehensum erit, nihil præter sanguinem reperiēs: & sic eam probat sanguinem solum continere. Vnde etiam similiter nobis ratiocinari licet: Si eundem sanguinem, qui venis similiter ligatis, & rescissis inest, inveneris in arteriis (quemadmodum in mortuis, & aliis animalibus sæpius ego expertus sum.) eadem ratione similiter concludere nos possumus, arterias eundem sanguinem, quem vena, & nihil præter eundem sanguinem continere. Aliqui dum hanc dissolvere difficultatē tentant, spirituosum, & arteriosum esse

PROOEMIUM.

7

esse sanguinem affirmantes, tacite concedunt, arteriarū munus esse sanguinem à corde in universum corpus deferre, & repletas sanguine arterias esse (Spirituosus enim sanguis, non minus sanguis est.) Etiam sanguinem, prout sanguis, & qui in venis fluit, spiritibus imbuti nemo negat. Quamvis in arteriis sanguis uberiori spirituum copia turgeat, tamen existimandum est hos spiritus à sanguine inseparabiles esse, sicut illi, qui in venis; & quod sanguis, & spiritus unum corpus constituent (ut serum, & butyrum in lacte, aut calor & aqua in calidâ) quo replentur arteria; & cuius corporis distributionem à corde arteria præstant, & hoc corpus nihil aliud, quam sanguis est. Si vero hunc sanguinem in arterias, è corde per arteriarum Diastron attrahi dicunt;

A 5

viden-

guinis ab universo corpore, magna, & impetuosâ profusione exhaustam fore. Experimentum Galeni tale est : Si (inquit) funiculo arteriam utrimque ligaveris, & medio rescisso secundum longitudinem, quod inter duas ligaturas in arteria comprehensum erit, nihil præter sanguinem reperiēs : & sic eam probat sanguinem solum continere. Vnde etiam similiter nobis ratiocinari licet : Si eundem sanguinem, qui venis similiter ligatis, & rescissis inest, inveneris in arteriis (quemadmodum in mortuis, & aliis animalibus sæpius ego expertus sum.) eadem ratione similiter concludere nos possumus, arterias eundem sanguinem, quem vena, & nihil præter eundem sanguinem continere. Aliqui dum hanc dissolvere difficultatē tentant, spirituosum, & arteriosum esse

esse sanguinem affirmantes, tacite concedunt, arteriarū munus esse sanguinem à corde in universum corpus deferre, & repletas sanguine arterias esse (Spirituosus enim sanguis, non minus sanguis est.) Etiam sanguinem, prout sanguis, & qui in venis fluit, spiritibus imbui nemo negat. Quamvis in arteriis sanguis uberiori spirituum copia turgeat, tamen existimandum est hos spiritus à sanguine inseparabiles esse, sicut illi, qui in venis; & quod sanguis, & spiritus unum corpus constituent (ut serum, & butyrum in lacte, aut calor & aqua in calidâ) quo replentur arteria; & cuius corporis distributionem à corde arteria præstant, & hoc corpus nihil aliud, quam sanguis est. Si vero hunc sanguinem in arterias, è corde per arteriarum Diaστοlen attrahi dicunt;

videntur aſtruere , quod arteria ſua
diſtentione ſanguine iſto repleantur ,
& non aëre ambiente , uti prius : Nam
ſi etiam aëre ab ambiente repleri di-
cant , quomodo & quando recipient è
corde ſanguinem ? Si in Syſtole id
fiat , contingeret impoſſibile ; repleri ar-
terias , cum contrahantur ; vel repleri
& non diſtendi . Sin autem in Diaſto-
le , in duos uſus contrarios , & ſangui-
nem , & aërem , & calorem , & frigus
ſimul recipient ; quod eſt improbabile .
Amplius , cum affirmant , ſimul Diaſto-
len cordis & arteriarum eſſe ; & ſi-
mul Syſtolen ; alterum eſt inconve-
niens . Quomodo enim cum ſimul di-
ſtenduntur duo corpora ſic invicē con-
nata , alterum ab altero attrahat , vel
cum ſimul contrahuntur , alterum ab
altero recipiat aliquid ? Inſuper for-
ſan impoſſibile eſt , aliquid poſſe aliud
corpus

PROOEMIUM. II

corpus ita in seipsum attrahere ut distendatur; cum distendi sit pati; nisi, ut sponsia prius vi ab externis constricta, dum redeat ad constitutionem suam naturalem. Tale autem aliquid in arteriis posse esse, difficile est fingere. Sed arterias distendi, quia replentur, ut sacculi, & urres; atque non repleri, quia distenduntur ut folles, facile, & aperte demonstrare me posse, & palam ante hac demonstrasse existimo. Attamen (libr. quod sang. cont. in arter.) Galeni experimentum in contrarium sit se habet. Arteriam nudatam secundum longitudinem incidit, calamumque, vel fistulam concavam per vulnus immittit, & quo sanguis exilire non possit, vulnus obturatur. Quoadusque (inquit) sic se habet, arteria tota pulsabit, cum primum vero obdu-

Etum filum super arteriam & fistulam, in laqueum contrahens arteriæ tunicas, calamo obstruxeris; non amplius arteriam ultra laqueum palpitare videbis. Nec ego feci experimentum Galeni, nec recte posse fieri vivo corpore, ob impetuosi sanguinis ex arteria eruptionem, puto; nec obturabit sine ligaturâ vulnus fistula: nec per fistula cavitationem ulterius proflire sanguinem dubito. Tamen hoc experimento probare videtur Galenus facultatem pulsificam per tunicas arteriarum à corde manare; & arterias, dum distenduntur à facultate pulsifica, repleri, quia distenduntur ut folles; non distendi, quia replentur ut utres. Sed & in arteriotomia, & vulneribus contrarium manifestum est: sanguis enim saliendo ab arteriis profunditur cum impe-

impetu, modo longius, modo propius vicissim profiliendo, sed saltus semper est in arteria Diastole & non in Systole. Quo clarè apparet, impulsu sanguinis arteriam distendi. Ipsa enim dum distenditur, non potest sanguinem tanta vi projicere; potius aërem in se per vulnus attrahere deberet, secundum ea, quæ vulgò de arteriarum usu jactata sunt. Nec transities tunicarum arteria nobis imponat; facultatem pulsificam provenire à corde per ipsas tunicas: Nam in quibusdam animalibus arteria à venis nihil differunt; & in extremis partibus hominis, & parvis disseminationibus arteriarum, quales in cerebro, manu, &c. nemo per tunicas, arterias à venis poterit distinguere: eadem enim utrisque tunica. in aneurismate præterea ex incisa vel exesa arteria genito, eadem omnino pul-

pulsatio cum reliquis arteriis, & tamen non habet tunicam arteriae. Hoc mecum doctissimus Riolanus libr. 7 attestatur. Neque eundem usum pulsus ac respirationis quis existimet, quod iisdem causis uti respiratio, crebriores, majores, celeriores pulsus fieri cernat, ut cursu, ira, balneo, aut quovis calfaciente. Nam non solum illud experimentum est in contrarium (quod solvere Galenus nititur) cum ab immōdica repletionē pulsus existant majores, respirationes minores: sed & in pueris pulsus frequentes, cum respiratio interim rara. Similiter in timore, & curis, & anxietate animi; imo aliquibus in febribus, pulsus celeres, frequentes, respirationes vero tardiores. Hæc & hujusmodi incommoda positas opiniones de pulsu, & usu arteriarum, consequuntur.

sequuntur : non minus forsan etiam ea , quæ de usu , & pulsu cordis affirmantur , difficultatibus plurimis & inextricabilibus implexa sunt. Cor affirmant vulgo fontem , & officinam vitalis spiritus esse , quibus vitam singulis partibus largiatur ; & tamen negant , dextrum ventriculum spiritus facere ; sed præbere duntaxat alimentum pulmonibus : unde dicunt piscibus deesse dextrum ventriculum cordis , (& omnino omnibus deest , quibus non sunt pulmones :) & quod dexter ventriculus cordis , pulmonum gratia sit.

I. Cur (quæso) cum eadem pene constitutio sit utriusque ventriculi , eadem fabrica fibrarum , lacertulorum , valvularum , vasorum , auricularum , & eodem uterque in dissectionibus refarciatur sanguine , similiter
nigri-

nigricante, similiter grumescente: Cur (inquam) cum eadem sit utriusque actio, motus, pulsus, variis eos usibus tam differentibus, existimemus destinatos fuisse? Si valvula tricuspides tres sub dextri ventriculi ingressu, impedimento sint sanguinis regressui in venam cavam: & si semilunares tres illa in orificio arteriosa vena ut sanguinis regressum impedirent facta sint: cum similiter se habeant in sinistro ventriculo, similiter sanguinis tum egressui, tum regressui impediendo, factas esse, negemus?

2. Et cum magnitudine, forma, situ, omnino eodem pene modo in sinistro se habeant ventriculo, quo in dextro, cur dicunt hic spirituum egressui & regressui impedimento esse, in dextro vero sanguinis. Idem organon simile non videtur sanguinis & spirituum
motus

motus similiter impedire apte posse.

3. Et cum meatu, & vasa sibi invicem respondeant magnitudine, videlicet, vena arteriosa & arteria venosa, cur unum privato usui destinetur, videlicet alendis pulmonibus, alterum publico?

4. Et quomodo probabile est (ut notavit Realdus Columbus) tanto sanguine opus esse ad nutritionem pulmonum, cum hoc vas, (vena videlicet arteriosa) exuperet magnitudine utrumque ramum distributionis vena cava descendens in cruralem.

5. Et (quaeso) cum pulmones tam propè sint, & vas tam amplum existat, & ipsi in continuo motu, quid est quod dextri ventriculi pulsu opus sit? & quid est, quod Natura, gratia alendorum pulmonum, alterum ventriculum cordi adjungere necesse habeat?

Cum

Cum dicunt *sinistrum ventriculum*,
è *pulmonibus & dextro cordis sinu*, ma-
teriam attrahere, ad spiritus conden-
dos (aërem videlicet & sanguinem)
& pariter in aortam spirituosam san-
guinem distribuere: & hinc fuligi-
nes retro per arteriam venalem re-
mitti in pulmones, & spiritus in aor-
tam. Quid est quod separationem fa-
cit, & cur modo huc modo illuc spi-
ritus & fuligines citra permutationem
aut confusionem commeant? Si tri-
cuspides mitrales non impediunt re-
gressum fuliginum ad pulmones, quo-
modo impediunt aëris? Et quomodo se-
milunares prohibebunt regressum spi-
rituum (subsequente Diastole cordis)
ab aorta? Et omnino, quomodo dicunt
per arteriam venalem spirituosum san-
guinem distribui è ventriculo sinistro
in pulmones, nec interim impedire
tri-

tricuspidēs ? cum affirmarint aërem per idem vas à pulmonibus in ventriculū sinistrum ingredi, cuius regressui tricuspidēs has valvulas impedimento esse voluerunt. Deus bone ! Quomodo tricuspidēs impediunt aëris regressum, & non sanguinis ? Amplius, cum venam arteriosam, vas amplum, magnum cum tunica arteriæ factum, nō nisi privato & uni usui (videl. alendis pulmonibus) destinarint ; cur arteriam venalem vix pari magnitudine cum tunica venæ, molli, laxa, pluribus usibus (tribus, vel quatuor videlicet) fabrefactā asseverant ? Volunt enim per ipsam aërem è pulmonibus in sinistrum ventriculū permeare : volunt similiter è corde in pulmones fuligines per ipsam remeare : volunt spirituosī sanguinis portionem à corde per ipsam in pulmones ad ipsos refocillandos distribui.

Fuli-

Fuligines & aërem, à corde illas, ad cor hunc, per eundem tubulum volunt transmitti; cum tamen tam contrariis motibus, & usibus unum vas, & unam viam fabricare Natura solita non sit, nec videre uspiam contingat.

Si fuligines, si aërem hac via permeare & remeare contendunt, ut per Bronchia pulmonum: quare exsecta, vel incisa arteria venosa, neque aërem, neque fuligines reperire in dissectione possumus; & unde semper refertam crasso sanguine arteriam venosam istam videmus, & nunquam aëre: cum in pulmonibus aërem remanentem cernimus?

Si quis experimentum Galeni faceret, & cani adhuc viventi tracheam incideret, & follibus pulmones aëre impleret per vim, & distentos ligaret fortiter; mox dissecto pectore multam
aëris

aëris copiam in pulmonibus usque ad
 extimā illorum tunicam inveniet ; sed
 neque in arteria venosa, neque in si-
 nistro ventriculo cordis quidquam. Si
 aërem è pulmonibus, in cane viven-
 te, aut cor attraheret, aut pulmones
 transmitterent, multo magis hoc ex-
 perimento id facere deberent. Imo in
 administratione Anatomica inflatis ca-
 daveris pulmonibus, etiam aërem sta-
 tim huc ingredi (si ulli essent meatus)
 quis dubitaret ? Tam magni vero fa-
 ciunt hunc usum arteria venosa, vide-
 licet ad aërem è pulmonibus cordi de-
 ferendum : ut Hieron. Fabr. ab aq. p.
 bujus vasis causa pulmones factos fuis-
 se, & hanc esse precipuam pulmonum
 particulam contendat.

Sed amabo, si aëri deferendo arte-
 ria venosa condita esset, cur ejus con-
 stitutio est vena ?

Fistu-



Fistulis potius opus esset Natura, & quidem quales Bronchia sunt, annularibus, ut semper pateant, neque concidant, & ut omnino vacuæ sanguine permaneant, ne humor aëris transitum impediat, (uti manifestum est, quando pulmones, pituitâ Bronchiis vel infarctâ, vel paululū admissâ, laborant) sibilo & strepitu oborto dū respiramus.

Minus toleranda illa opinio, quæ (cum duplicem materiam aëream, & sanguineam necessariâ esse ad spiritus vitales efficiendos supponat) sanguinē, per mediastini cordis cæcas porositates, de dextro in sinistrū ventriculum transudare, aërē per magnū vas Arteriam venosam è pulmonibus attrahi, contendit: & proinde in septo cordis porositates plures esse, producendo sanguini accommodatas. Sed me hercule porositates nullæ sunt, neq; demonstrari possunt.

Septi

Septi enim cordis substantia densior, & compactior est quavis altera corporis particula, exceptis ossibus, & nervis. Sed si adessent foramina, quomodo (cum simul uterque ventriculus distenditur, & dilatatur) alterum ab altero quidpiam, aut sinistrum sanguinem à dextro exhaurire possibile esset? Et cur non potius dextrum spiritus ex sinistro, quam sinistrum sanguinem à dextro ventriculo per eadem foramina evocare crediderim. At mirum & incongruum certe, sanguinem per cæcos obscurosque ductus, & aërem per patentissimos eodem instanti commodius attrahi. Et cur quæso pro sanguinis transitu in sinistrum ventriculum ad cæcas & invisibiles porositates, incertas, obscuras confugiunt, quando adest per arteriam venosam tam patens iter? mirum mihi certe est, quod

quod per cordis septum, crassum, durum, densum, compactissimum viam facere, vel fingere potius maluerunt; quam per patens vas venosum, aut etiam per pulmonum substantiam raram, laxam, mollissimam, spongiosam. Præterea si per septi substantiam sanguis permeare potuisset, aut è ventriculis imbibiri; quid opus esset vena, & arteria coronalis ramulis ad ipsius septi nutritionem divaricatis? Quod notatu dignissimum, si in foetu (quando omnia rariora, molliora) Natura coacta fuit per foramen ovale sanguinem in sinistrum ventriculum è vena cava per arteriam venosam traducere: quomodo verisimile possit esse quod in adulto per cordis septum jam densius ætate factum, tam commode nulloque negotio transfundat?

Andreas Laurentius lib. 9. c. 11.

Quæst.

Quæst. 12. *authoritate Galeni de lo. affect. lib. 6. cap. 7. & experientia Hollerii fultus asserit & probat, è cavitate pectoris serositates, & pus Empyicorum in arteriam venosam absorptum, per sinistrum ventriculum cordis, & per arterias cum urina, vel cum facibus alvi posse expelli: recenset quineriam in confirmationem, casum cujusdam Melancholici, qui sæpius deliquium animi passus, à paroxysmo liberatus erat emissionem urinae turbida, foetida, acris: quo genere morbi tandem confectus, dissecto cadavere, talis substantia, qualem minge-
bat, neque in vesica, neque in renibus uspiam apparebat, sed in cordis sinistro ventriculo, & cavitate pectoris plurima: unde gloriatur se horum affectuum talem prædixisse causam. Ego autem non possum non mirari, cum ipse ma-*

B

teriam

teriam heterogeneam posse eodem tractu evacuari divinarat, & predicaverat: quod iisdem viis sanguinem è pulmonibus in sinistrum ventriculum secundum naturam deduci convenienter, cernere aut asseverare non potuit, aut noluit.

Itaque ex his, & hujusmodi plurimis patet, quod ea, quæ dicta antehac à prioribus de motu, & usu cordis; & arteriarum sunt, aut inconvenientia, aut obscura, aut impossibilia diligentius consideranti appareant. Utile proinde admodum erit paulo penitus rem introspicere; arteriarum & cordis motus non solum in homine, sed & aliis universis animalibus cor habentibus contemplari; quin etiam vivorū dissectione frequenti, multaue autopsia veritatem discernere, & investigare.

EXER-

EXERCITATIO ANATOMICA,

De motu cordis & sanguinis in Animalibus.

C A P. I.

Causa, quibus ad scribendum Autor permotus fuerit.



Um multis vivorū dissectionibus (uti ad manum dabantur) animum ad observandum primum appuli; quo cordis motus usum, & utilitates in animalibus per autopsiam, & non per libros aliorumque scripta invenirem: rem arduam plane, & difficultatibus plenam continuò reperi, ut (cum Fracastorio) motū cordis soli Deo cognitum fuisse, penè opinarer.

Nec enim quomodo Systole, aut Diastole fieret, nec quando, aut ubi dilatatio, & constrictio existeret, recte potui internoscere; propter celeritatem scilicet motus, qui in multis animalibus, nictu oculi, quasi trajecto fulgure, se in conspectum exhibuit, & subtraxit illico; ita ut modo hinc Systolen, illinc Diastolen, modo è contra, modo varios, modo confusos fieri motus, me existimabam cernere: unde animus mihi fluctuabat, nec quid vel ipse statuerem, vel aliis crederem, habebam; & motū cordis esse qualis Euripi fluxus, & refluxus Aristoteli, Andream Laurentium scripsisse non mirabar.

Tandem majori indies, & disquisitione, & diligentia usus, multa

multa frequenter, & varia animalia viva introspiciendo, multis observationibus collatis, & rem attigisse, ex hoc labyrintho me extricatū evasisse, simulque motum, & usum cordis, & arteriarum, quem desiderabam, compertum habere me existimabam. Ex quo non solum privati amici, sed etiam publice in prælectionibus meis anatomicis, Academico more, proponere meam in hac re sententiam non verebar.

Quæ aliis (uti fit) placebat, aliis minus: hi convellere, calumniari, & vitio vertere, quod à præceptis, & fide omnium Anatomicorum discesserim: Illi rem novam, cum inquisitu dignam, tum maxime utilem fore confir-

mantes, plenius sibi explicatam
poscere. Tandem amicorum pre-
cibus, ut omnes meorum labo-
rum participes fierent, partim
etiam aliorum permotus invidia,
(qui dicta mea iniquo animo ac-
cipientes, & minus intelligentes,
me publice traducere conaban-
tur) ut omnes de me, & de re ipsa
judicium ferant, hæc typis man-
dare publice, coactus fui: sed &
eo libentius, quod Hieronym.
Fabr. ab aq. p. cum singulas pene
animalium particulas, accurate
& docte peculiari tractatu deli-
neaverat, solum cor intactum re-
liquit. Denique ut si quid reipu-
blicæ literariæ ex opera mea uti-
le & commodum hac in parte
accederet, forsan recte fecisse me
constaret; nec aliū omnino iner-
tem

tem me vixisse viderent ; &, quod Senex ait in Comœdia,

„ (Nunquam quisquam ita bene subducta ratione ad vitam fuit,

„ Quin res, etas, usus aliquid apporet novi,

„ Aliquid admoneat, ut illa, quæ te scire credas, nescias,

„ Et, quæ tibi putaris prima, in experiundo repudies.)

illud forsan in cordis motu eveniet nunc; aut alii hinc saltem, hac data via, fœlicioribus freti ingeniis, rei rectius gerendæ, & melius inquirendi occasionem capient.

C A P. II.

Ex vivorum dissectione, qualis sit Cordis motus.

PRimum itaque in Cordibus, omniū adhuc viventium animalium

malium aperto pectore, & dissecta capsula, quæ cor immediate circumcludit, observare licet. Cor aliquando moveri, aliquando quiescere, & esse tempus in quo movetur, & in quo motu destituitur.

Hæc manifestiora in cordibus frigidorum animalium, ut bufone, serpentibus, ranis, cochleis, gammaris, crustatis conchis, squillis, & pisciculis omnibus. Fiunt enim manifestiora in cordibus calidiorum, ut canis, porci, si eousque attentè observaveris quoad emori cor, & languidius moveri, & quasi extingui incipiat; tum etenim tardiores, & rariores ipsius motus fieri, & longiores quætes, cernere aperte, & clare poteris; & motus qualis sit, & quo-

& quomodo fiat, commodius intueri, & dijudicare licet : In quiete, ut in morte, cor laxum, flaccidum, enervatum, inclinatum quasi jacet.

In motu, & eo quo movetur tempore, tria præ cæteris animadvertenda.

I. Quod erigitur cor, & in mucronem se sursum elevat ; sic ut illo tempore ferire pectus, & foris sentiri pulsatio possit.

II. Undique contrahi, magis vero secundum latera, ita, uti minoris magnitudinis, & longiusculum, & collectum appareat. Cor anguillæ exemptum, & super tabulam aut manum positum, hoc facit manifestum : æque etiam apparet in corde pisciculorum, & illis frigidioribus animalibus, quibus

bus cor coniforme, aut longiusculum est.

III. Comprehensum manu cor eo quo movetur tempore, duriusculum fieri: (à tentione autem illa durities est) quemadmodum si quis lacertos in cubitu manu comprehendens, dum movent digitos, illos tendi, & magis renitentes fieri percipiet.

IV. Notandū insuper in piscibus, & frigidioribus sanguineis animalibus, ut serpentibus, ranis, &c. illo tempore quo movetur cor, albidioris coloris esse; cum quiescit à motu, coloris sanguinei saturum cerni.

Ex his mihi videbatur manifestum; Motum cordis esse tentionem quandam ex omni parte, & secundum ductum omnium fibrarum,

rum, & constrictionem undique ; quoniam erigi, vigorari, minorari, & durescere in omni motu videtur, ipsiusque motum esse, qualem musculorum, dum contractio fit secundum ductum partium nervosarum, & fibrarum ; muscoli enim, cum moventur & in actu sunt, vigorantur, tenduntur, ex mollibus duri fiunt, attolluntur, incrassantur, & similiter
Cor.

Ex quibus observatis rationi consentaneum est, Cor eo quo movetur tempore, undique constringi, & secundum parietes incrassescere ; secundum vetriculos coarctari, & contentum sanguinem protrudere ; quod ex quarta observatione satis patet, cum in ipsa tensione sua, propterea quod

36 *Exercitatio Anatomica*

sanguinem in se prius contentum expresserit, albescit; & denuo in laxatione, & quiete, subingrediente de novo sanguine in ventriculos, redit color purpureus & sanguineus cordi. Verum nemo amplius dubitare poterit, cum usque in ventriculi cavitatem inflicto vulnere, singulis motibus sive pulsationibus cordis, in ipsa tensione, profilire cū impetu foras contentum sanguinē viderit.

Simul itaque hæc, & eodem tempore contingunt, tensio cordis, mucronis erectio, pulsus qui forinfecus sentitur ex allissione ejus ad pectus, parietum incrassatio, & contenti sanguinis protrusio cum impetu, à constrictione ventriculorum.

Hinc contrarium vulgariter
receptæ

receptæ opinioni apparet, secundum quam eo tempore, quo cor pectus ferit, & pulsus foris sentitur, una cor distendi secundum ventriculos, & repleti sanguine putatur: quanquam contra rem se habere intelliges, videlicet cor, dum contrahitur, inaniri. Nam qui motus vulgo cordis *Diaστοle* existimatur, revera *Systole* est. Et similiter motus proprius cordis *Diaστοle* non est, sed *Systole*; neque in *Diaστοle* vigoratur cor, sed in *Systole*; tum enim tenditur, movetur, vigoratur.

Neque omnino admittendum illud, (tametsi divini Vesalii adducto exemplo confirmatum de vimineo circulo scilicet ex multis juncis pyramidatim junctis,) cor secundum fibras rectas tantum
mo-

moveri, & sic (dum apex ad basin appropinquat) latera in orbē distendi, & cavitates dilatari, & ventriculos cucurbitulæ formam acquirere, & sanguinē introsumere, (nam secundum omnē quem habet ductum fibrarum, cor eodem tempore tenditur, constringitur) sed potius incrassari & dilatari parietes & substantiam, quam ventriculos; & dum tenduntur fibræ à cono ad basin, & apicem una ad basin trahunt, non in orbem latera cordis inclinare; sed potius contrarium, uti omnis fibra in circulari positione dum contrahitur versus rectitudinem. Et sicut omnes musculorum fibræ, dum contrahuntur & in longitudine abbreviantur, ita secundum latera distenduntur & eodem modo, quo
muscu-

musculorum ventres incrassantur. Adde, quod non solum in motu cordis per erectionem, & incrassationem parietum contingit ventriculos coarctari; sed ulterius (eo quod fibræ illæ sive lacertuli, in quibus solum fibræ rectæ (in parietibus enim omnes sunt circulares ab Aristotele Nervi dictæ,) sunt vario in ventriculis cordis majorum animalium, dum una contrahuntur, admirabili apparatu) omnia interiora latera veluti laqueo invicem compelluntur, ad contentum sanguinem majori robore expellendum.

Neque verū est similiter, quod vulgo creditur, cor ullo suo motu, aut distentione sanguinem in ventriculos attrahere, sed dum movetur & tenditur, expelli,
dum

40 *Exercitatio Anatomica*
dum laxatur, & concidit, recipi
sanguinem eo modo, quo postea
patebit.

C A P. III.

*Arteriarum motus qualis ex vi-
vorum diffinitione.*

ULterius in cordis motu ob-
servanda veniunt hæc, quæ
ad arteriarum motus, & pulsatio-
nes spectant

I. Eo tempore quo cordis fit
tentio, contractio, percussio pe-
toris, & omnino Systole, Arte-
riæ dilatantur, pulsum edunt, &
in sua sunt Diastole: Similiter eo
tempore dexter ventriculus con-
trahitur, & protrudit contentum
sanguinem, vena arteriosa pulsat,
& dilatatur cum reliquis arteriis
corporis.

II. Quan-

II. Quando sinister ventriculus cessat moveri, pulsare, & contrahi: cessat pulsus arteriarum; imo quando languidius tenditur, pulsus in arteriis vix est perceptibilis: & similiter, cessante dextro, in vena arteriosa.

III. Item secta quavis arteria vel perforata, in ipsa tentione ventriculi sinistri propellitur foras sanguis ex vulnere cum impetu.

Similiter secta vena arteriosa eodem tempore, quo dexter ventriculus tenditur, & contrahitur, exinde cum impetu sanguinem profilire videbis.

Similiter etiam in piscibus secta fistula, quæ è corde in bronchia ducit, quo tempore cor tendi, & contrahi videbis, eo una
etiam

42 *Exercitatio Anatomica*

etiam sanguinem exinde protrudi cum impetu.

Similiter denique (cū in omnī arteriotomia sanguis profiliendo exeat, modo longius, modo propius) saltum fieri in arteriarum Diaſtole, quo tempore cor pectus ferit, comperies; atque eo tempore, quo cor tendi & contrahi apparet, in ſua eſſe Syſtole & erectione, unaque ſanguinem expelli eodem motu.

Ex his videtur manifeſtum cōtra communia dogmata, quod arteriarum Diaſtole ſit eo tempore, quo cordis Syſtole: & arterias repleri & diſtendi, propter ſanguinis à conſtrictione ventriculorum cordis immiſſionem & intruſionem; quin etiam diſtendi arterias, quia replentur ut utres,
aut

aut vesica; non repleri, quia distenduntur ut folles. Et eadem de causa universi corporis arteriæ pulsant, videlicet, à tensione sinistri cordis ventriculi, sicut vena arteriosa à dextri.

Denique arteriarum pulsus fieri ab impulsu sanguinis è ventriculo sinistro, eo pacto, quo cum quis in chirothecam inflat, omnes digitos simul videt distendi, & pulsus emulari. Etiam secundum cordis tentationem pariter pulsant majores, vehementiores, frequentes, celeres, rythmum, quantitatem & ordinem servantes cordis pulsantis. Nec est expectandum, ut propter motum sanguinis, tempus, inter constrictionem cordis, & arteriarum (precipue magis distantium) dilationem

44 *Exercitatio Anatomica*

nem intercedat, ne fiant simul; cum eodem modo res se habeat, ut in inflatione chirothecæ, aut vesicæ, quia in pelvi (ut per tympanum, & in longis lignis) ictus, & motus simul sunt in utroque extremo. hinc Aristot. (3. Anim. c. 9. de respir. cap. 15.) *Palpitat intra venas (arterias intelligit) sanguis omnium animalium, pulsuque simul undique movetur: sic pulsant venæ omnes & simul invicem, propterea quod pendent omnes à corde; movet autem semper, quare & illa semper & simul invicem, quando movet.*

Notandum cum Galeno, à veteribus Philosophis venas pro arteriis, appellatas fuisse. Accidit aliquando me vidisse, & præ manibus habuisse casum quendam, qui mihi hanc veritatem apertissime

finè

simè confirmabat. Habuit quidam tumorem ingentem, pulsantem, Aneurisma dictum, in dextra parte juguli, prope descensum arteriæ subclaviæ in axillas, ab ipsius arteriæ exesione prognatum, qui summum indies incrementum capeſſebat, propter immiſſionem ſanguinis ab arteria ſingulis pulſationibus diſtensus: (quod ſectò poſt mortem cadavere deprehenſum erat) in illo pulſus ejusdem brachii exilis admodum, eo quod major ſanguinis portio & influxus in tumorem divertebatur, & interceptus fuit.

Quare ſive per compreſſionē, ſive per infarctū, vel interceptionem ſanguinis motus per arterias præpeditur, ibi ulteriores arteriæ minus pulſant, cum pulſus arteriarum

46 *Exercitatio Anatomica*

riarum, nil nisi impulsus sit sanguinis in arterias.

C A P. IV.

Motus cordis & auricularum qualis ex vivorum dissectione.

PRæter hæc circa motum cordis observanda sunt; quæ ad auricularum usum spectât. Quod Caspar Bauhinus (*Anat. l. 2. c. 21.*) & Johannes Riolanus (*Antrop. lib. 3. cap. 12.*) viri doctissimi, & Anatomici peritissimi observarunt & admonent, quod (si in viva sectione alicujus animalis cordis motum studiose observes) quatuor motus, loco & tempore distinctos, aspicias; quorum duo sunt proprii auricularum, ventriculorum duo. Pace tantorum virorum, quatuor sunt motus, loco, non vero tempore distincti. Simul

mul enim ambæ auriculæ movent, & simul ambo ventriculi, ut quatuor loco motus distincti sint duobus tantum temporibus, atque hoc se habet modo.

Duo sunt quasi eodem tempore motus, unus auricularum, alter ipsorum ventriculorum: nec enim simul omnino fiunt: sed præcedit motus auricularum, & subsequitur cordis; & motus ab auriculis incipere, & in ventriculos progredi visus est: cum jam languidiora omnia (emoriens corde, & in piscibus, & in frigidioribus sanguineis animalibus) inter hos duos motus, tempus aliquod quietis intercedit; & cor quasi suscitatum motui respondere videtur, aliquando citius, aliquando tardius; tandem

dem ad mortem inclinans, cessat motu suo respondere quasi capite duntaxat leviter annuit, & obscure adeo movetur, ut motus signum præbere pulsanti auriculæ videatur. Sic prius desinit cor pulsare, quam auriculæ, ut auriculæ supervivere dicantur; primus omnium desinit pulsare sinister ventriculus, deinde ejus auricula; demum dexter ventriculus, ultimo (quod etiam notavit Gal.) reliquis omnibus cessantibus & mortuis, pulsatur usque dextra auricula, uti ultimo in dextra auricula vita remanere videatur. Et dum sensim emoritur cor, videre licet, post duas vel tres pulsationes auricularum, aliquando quasi expergefactum cor respondere, & unum pulsus lente, & ægrè peragere & moliri.

Sed

Sed & præcipuè notandum, quod, postquam cessavit cor pulsare adhuc auricula pulsante, digito super ventriculum cordis posito, singulæ pulsationes percipiuntur in ventriculis; eodem planè modo, quo ventriculorum pulsationes in arteriis sentiri antea diximus, à sanguinis impulsu nimirum distentione facta; & hoc tempore, pulsante solum auricula, si forfice cordis mucronem absecuris, exinde singulis auriculæ pulsationibus sanguinem effluere conspicias: ut hinc pateat quomodo in ventriculos sanguis ingrediatur, non attractione, aut distentione cordis, sed ex pulsu auricularum immixtus.

Notandum est ubique omnes, quas voco, & in auriculis & in

C

corde

corde pulsationes, contractiones esse; & plane primo cōtrahi aurículas, & in consequentia, cor ipsum. Auriculæ enim, dum movetur & pulsat, albidiores fiunt, præsertim ubi paucò sanguine replentur (replentur autem, tanquã promptuarium & lacuna sanguinis, venarum motu compressivo, ad centrum declinante sponte sanguine) quin etiam in finibus & extremitatibus ipsarum, hæc albedo à contractione fieri vel maxime apparet.

In piscibus, & ranis, & similibus unum ventriculum habentibus cordis, (nam pro auricula vesicam quandam in basi cordis positam refertissimam sanguine habent) videbis vesicam primo contrahi, & subsequi postea cordis

dis contractionem apertissime.

At vero, & quæ his contrario modo se habent, à me observata adscribere huc, visum est. Cor anguillæ & quorundam piscium & animalium (etiam exemptū) sine auriculis pulsat: immo, si in frustra dissecueris, partes ejus divisas, separatim sese contrahere & laxare videbis, ita, ut in his, post cessationem motus auricularū, cordis corpus pulsum faciat & palpitet. Sed hoc fortè proprium vivacioribus, quorū radicale humidū glutinosum magis, aut pingue & lentum est, & non ita facile dissolubile. Hoc etiam apparet in carne anguillarum, quæ post excoriationem, exenterationem & in frustra dissectionē motum retinet.

In Columba certe experimēto
C 2 facto.

facto, postquam cor desierat omnino moveri, & nunc etiam auriculæ motum reliquerant per aliquod spacium, digitum saliva madefactum, & calidum cordi superimpositum detinui: hoc fomento (quasi vires, & vitam postliminio recuperasset) cor, & ejus auriculæ moveri, & sese contrahere, atque laxare, & quasi ab orco revocari videbantur.

Sed & præter hæc aliquoties à me observatum fuit, (postquam cor ipsum, & ejus auricula etiam dextra, à pulsatione quasi mortis articulo quiescebant) in ipso sanguine qui in dextra auricula continetur, obscurum motum, & inundationem, ac palpitationem quandam manifesto superfuisse; tamdiu scilicet, quam calore & spiritu

spiritu imbui videretur.

Tale quiddam evidentissime, in prima animalis generatione, intra septem dies ab incubatione, in ovo Gallinaceo, cernitur. Inest primum ante omnia gutta sanguinis, quæ palpitat, (quod etiam annotavit Arist.) ex qua incremento facto, & pullo aliqua ex parte formato, fiunt cordis auriculæ; quibus pulsantibus, perpetuo inest vita. Cum postea corpus delineari intermissis aliquot diebus, inceperit, tum etiam cordis corpus procreatur, sed per aliquod tēpus albidum apparet & exangue, nec, ut reliquum corpus, pulsus edit nec motum. Quin etiam in fœtu humano vidi, circa principium tertii mensis, similiter cor formatum, sed albidum & exangue,

C 3.

cujus

54 *Exercitatio Anatomica*

cuius tamen auriculis sanguis inerat uberrimus & purpureus ; sic etiam in ovo, jam adaucto & conformato foetu, simul & cor adaugeri & ventriculos habere, quibus sanguinem tunc recipere & transmittere occepit.

Ita ut si penitius introspicere quis velit, non cor esse primum vivens, & ultimum moriens dixerit, sed auriculas (& quæ in serpentibus, piscibus, & huiusmodi animalibus, pars pro auricula est) & prius quam cor ipsum vivere, & post etiam emori.

Imo an prius adhuc ipse sanguis, vel spiritus habeat in se obscuram palpitationem (quam post mortem retinere mihi visus est) & an cum palpitatione vitam incipere dicamus, dubitare contingit,

tingit : quandoquidem, & sperma animalium omnium (ut notavit Arist.) & spiritus prolificus palpitando exit, velut animal quoddam. Ita Natura in morte, quasi decursione facta, reducem (ut Arist. *de mot. ann.* c. 8.) agit, motu retrogrado, à calce ad carceres, eo unde proruit & sese recipit (cum animalis generatio, ex nō animali procedat in animal, tanquam ex non ente in ens) iisdem retro gradibus corruptio ex ente revolvatur in non ens; unde, quod in animalibus ultimo fit, deficit primum & quod primo ultimum.

Observavi quoque in omnibus pene animalibus cor vere inesse, & non solū (ut Arist. dicit) in maioribus & sanguineis, sed in minoribus, exanguibus, crustatis &

56. *Exercitatio Anatomica.*

testaceis quibusdā , ut limacibus , cochleis, conchis, astacis, gamma-
ris, squillis , multisque aliis ; imo
vespis, & crabronibus, muscis (ope
perspicilli ad res minimas discer-
nendas) in summitate illius parti-
culæ , quæ cauda dicitur , & vidi
pulsans cor, & aliis videndum ex-
hibui.

In exanguibus vero Cor lentè
admodum, rarisque ictibus pulsat,
(ut in aliis jam moribundis,) &
tardè sese contrahit, ut facile in
cochleis est cernere ; quorum cor
deprehendes in fundo illius orifi-
cii in latere dextro , quod se ape-
rire, & claudere eventationis cau-
sa videtur , & unde salivam ex-
puit, sectione facta in summitate,
juxta partem jecori analogam.

Sed notandum & hoc , hyeme
& fri-

& frigidioribus tempestatibus exanguia aliqua (qualis est cochlea) nihil pulsans habent, sed vitam magis plantæ agere videntur, ut etiam reliqua, quæ plant-animalia ideo dicuntur.

Notandum insuper, in omnibus animalibus, ubi cor inest, ibi etiam aurículas esse vel auriculis aliquid analogon: & ubicunque cor duplici ventriculo donatur, ibi duas semper adstare aurículas, non contra. Sed, si in ovo, pulli conformationem advertas, primum inest, ut dixi, tantum vesicula, vel auricula, vel gutta sanguinis pulsans; postea incremento factò absolvitur cor. Ita quibusdam animalibus (quasi ulteriore perfectionem non adipiscētibus) pulsans vesicula quædam.

dam, ^{instar} puncti cujusdam rubri vel albi, duntaxat inest, quasi principium vitæ: uti apibus, vespis, cochleis, squillis, gamma-
ris, &c.

Est hic apud nos minima squilla (quæ Anglicè decitur a Shrimp Belgice *een Garneet*) in mari & Thamesi capi solita, cujus corpus omnino pellucidum est: eam aquæ impositam sæpius præbui spectandam amicissimis quibusdam meis, ut cordis illius animalculi motus liquidissime perspiceremus, dum exterioris illius corporis partes visui nihil officerent, quo minus cordis palpitationem, quasi per fenestram, intueremur.

In ovo Gallinaceo post quatuor, vel quinque dies ab incubatione, primum rudimentum pulli
instar

instar nubeculæ videndum exhibui (nimirum ovo, cui cortex adimebatur, in aquam limpidam, tepidamque immisso) in cujus nubeculæ medio, punctum sanguineum palpitans tam exiguum erat, ut in contractione disparet & visum aufugeret, in laxatione instar summitatis acus appareret rubicundum: ita ut, inter ipsum videri & non videri, quasi inter esse & non esse, palpitationem & vitæ principium, ageret.

C A P. V.

Cordis motus actio, & functio.

EGo vero ex his tandem, & hujusmodi observationibus repertum iri confido, motum cordis ad hunc modum fieri.

Primum sese contrahit auricula, & in illa contractione sanguinem contentum, quo abundat, (tanquam venarum caput, & sanguinis promptuarium, & cisterna) in ventriculum cordis conjicit; quo repleto cor sese erigens, continuo omnes nervos tendit, contrahit ventriculos, & pulsum facit: quo pulsu immisum ab auricula sanguinem continenter protrudit in arterias; dexter ventriculus in pulmones per vas illud, quod vena arteriosa nominatur, sed revera, & constitutione & officio, & in omnibus arteria est; sinister ventriculus in aortam, & per arterias in universum corpus.

Isti duo motus, auricularum unus, alter ventriculorum, ita per
con-

consecutionē fiunt, servata quasi harmonia & rhytmo, ut ambo simul fiant, unicus tantum motus appareat, præsertim in calidioribus animalibus, dum illa celeri agitantur motu. Nec alia ratione id fit, quam cum in machinis, una rota aliam movēte, omnes simul movere videantur; & in mechanico illo artificio, quod sclopetis adaptant; ubi compressione alicujus ligulæ, cadit filex, percutit chalybem & propellit, ignis elicitur qui in pulverem cadit, igitur pulvis, interius prorepit, disploditur, evolat globulus, metam penetrat, & omnes isti motus, propter celeritatem, quasi in nictu oculi simul fieri apparent. Sic etiam in deglutitione, radicis linguæ elevatione, &
oris

62 *Exercitatio Anatomica*

oris compressione, cibus vel potus in fauces deturbatur, larinx à musculis suis & epiglottide clauditur, elevatur & aperitur summitas gulæ à musculis suis, (haud aliter quam faccus ad implendum attollitur, & ad recipiendum dilatatur) & cibus, vel potum acceptum transversis musculis deprimit, & longioribus attrahit : & tamen omnes isti motus, à diversis & contradistinctis organis facti, cum harmonia & ordine dum fiunt, unum efficere motum videntur, & actionem unam, quam deglutitionem vocamus.

Sic contingit plane in motione & actione cordis ; quæ deglutitio quædam est, & transfusio sanguinis è venis in arterias. Et si quis (dum hæc habuerit in animo)

cordis

cordis motum diligenter in viva dissectione animadverterit, videbit non solum, quod dixi, cor sese erigere, & motum unum fieri, cum auriculis continuum, sed undationem quandam & lateralem inclinationem obscuram, secundum ductum ventriculi dextri, & quasi sese leviter contorquere, & hoc opus peragere: quemadmodum cernere licet, cum equus potat, & aquam deglutit, singulis gulæ tractibus absorberi aquam, & in ventriculum demitti; qui motus sonitum & pulsum quandam, auscultantibus & tangentibus exhibet; ita dum istis cordis motibus, fit portionis sanguinis è venis in arterias traductio, pulsum fieri & exaudiri in pectore contingit.

Motus

64 *Exercitatio Anatomica*

Motus itaque cordis omnino ad hunc se habet modum, & una actio cordis est ipsa sanguinis transfusio; & in extrema usque, mediantibus arteriis, propulsio; ut pulsus, quem nos sentimus in arteriis, nil nisi sanguinis à corde impulsus sit.

An vero cor sanguini, præter transpositionem, & motum localem, & distributionem aliquid aliud addat, sive calorem, sive spiritum, sive perfectionem, postea inquirendum; & ex aliis observationibus colligendum. Hoc in præsentia sufficiat satis ostensum esse, in pulsu cordis sanguinem transfundi & deduci è venis in arterias per cordis ventriculos, & distribui in universum corpus.

Sed & hoc omnes aliquo modo
do.

do concedunt, & ex cordis fabrica, valvularum artificio, positione, & usu, colligunt: verum tanquam in loco obscuro titubantes cœcutire videntur; & varia, subcontraria, & non coherentia componunt; & ex conjectura plurima pronunciant, ut ante demonstratum est.

Causa maxima hac in parte hæsitandi, & errandi una fuisse mihi videtur, cordis cum pulmone in homine contextus. Cum venam ibi arteriosam in pulmones obliterari & similiter arteriam venosam, conspexissent: unde aut quomodo dexter ventriculus in corpus distribueret sanguinem; aut sinister è vena cava exhauriret, obscurum admodum illis erat. Hoc attestantur
Gale-

Galenī verba, *lib. de placitis Hippoc. & Plat. 6*, (dum contra Erasistratum de venarum origine & usu, & sanguinis coctione, invehitur) *Respondetis* (inquit) *ita esse effectum*, ut in jecore sanguis preparetur, atque inde in cor deferatur, ibi postea reliquam propria perfectionem absolutam accepturus: quod profecto ratione vacare non videtur. Nullum enim perfectum & magnum opus repente una aggressione fieri, totamque suam expolitionem ab uno instrumento acquirere potest. Quod si ita est, ostendite nobis vas aliud, quod e corde sanguinem absolute perfectum educat, atque ipsum ut arteria spiritum, in totum corpus dispenset. Ecce opinionem rationabilem non approbasse, & reliquisse Galenum, quia (præterquā quod viam transi-

transitus non videbat) vas reperire non poterat, quod in totum corpus è Corde sanguinem dispenseret.

Si quis vero ibidem pro Erasistrato, vel pro illa & nunc nostra, opinione (ipsius confessione Galeni) alias rationi consentanea, instaret, & arteriam magnam sanguinem, è corde in universum corpus dispensantem digito demonstrasset; quid divinus ille vir, ingeniosissimus & doctissimus responderet, miror, si arteriam spiritus dispensare & non sanguinem diceret? profecto Erasistratum non refelleret fatis (qui in arteriis spiritus duntaxat contineri arbitrabatur) sed sibi ipsi contradiceret interea, & id turpiter negaret, quod libro proprio acriter

68 *Exercitatio Anatomica*

ter esse contendit, contra eundem Eristratum, & multis & validis argumentis comprobatur, & experimentis demonstratur, quod sanguis contineatur in arteriis naturâ, & non spiritus.

Sin vero divinus vir (uti facit eodem loco sæpius) concederet, omnes arterias corporis à magna arteria oriri, & hanc à corde; quin etiam in ipsis omnibus sanguinē natura contineri, & deferri; & valvulas illas tres tricuspides in orificio aortæ positas, regressum sanguinis in cor prohibere, professus; & quod has Natura nequaquam præstantissimo visceri constituisset, nisi maximum aliquod ministerium illæ fuissent exhibituræ. Si (inquam) hæc omnia, & his ipsissimis verbis concederet Pater Medicorum, (uti facit recitato libro.)
quo-

quomodo negare posset, arteriam magnam istiusmodi vas esse, quod sanguinem (jam absolutam suam perfectionem adeptum) è corde in univèrsum corpus dispenset, non video. An adhuc forsàn hæsitaret, (ut omnes in hunc usque diem post ipsum,) quod, propter contextum, ut dixi, cordis cum pulmone, non videat vias, per quas sanguis è venis in arterias transferri possit?

Quod dubium etiam anatomicos (dum semper in dissectionibus inveniunt arteriam venosam, & sinistrum ventriculum cordis repletos sanguine, eoque crasso, grumescente, atro) non mediocriter perturbat; cum sanguinem, è dextro ventriculo in sinistrum, per septum cordis, transfundere,

dare, coacti sint affirmare: sed hanc viam antea refutavi. Jam ideo via paranda est & aperienda, qua inventa, nulla esset difficultas, quæ quempiam (credo) inhiberet, quo minus quæ ante proposui (de pulsu cordis, & de dispensatione sanguinis in universum corpus per arterias) concedere, & agnoscere facile posset.

C A P. VI.

Quibus viis sanguis, è vena cava in arterias, vel è dextro ventriculo cordis in sinistrum deferatur.

CUM errandi occasionē præbuisse probabile sit, quam in homine vident (ut dixi) cordis cum pulmone connexionem: in hoc peccant, qui, (dū de partibus animalium, uti vulgo omnes Anatomici

tomici faciunt ; pronunciare & demonstrare, aut cognoscere volunt) unum tantum hominem, eumque mortuum introspiciunt, & sic, tanquam qui una reipubl. forma perspecta, disciplinam politicā componere, aut unius agri naturam cognoscentes, agriculturam se scire opinantur, nihilo plus agunt, quam si ex una particulari propositione, de universali syllogizare, darent operam.

Veruntamen, si in dissectione animalium æquè versati essent, ac in humani cadaveris anatome exercitati, res hæc (quæ in dubio omnes perplexos retinet) palam absque omni difficultate, mea sententia, elucesceret.

In piscibus, in quibus unus tantum ventriculus cordis (ut non habent

habentibus pulmones) res primum satis manifesta est. Vesicam enim sanguinis, in basi Cordis positam, auriculæ nimirum analogon, sanguinem in cor immittere, eundemque cor denuo per fistulam sive arteriam, vel arteriæ analogon, apertè transmittere, tum visu, tum secta arteria (exinde sanguine singula pulsatione cordis profiliante) oculis palam confirmari posse constat.

Idem etiam deinde in omnibus animalibus, in quibus unus duntaxat ventriculus, vel quasi unus, non difficile est cernere; ut in bufone, rana, serpentibus, lacertis; quæ etsi pulmones aliquo modo habere dicuntur, ut quæ vocem habent (de quorum pulmonum artificio admirando, & de cæteris ejus-

ejusmodi, permultas apud me observationes habeo , quæ non sunt hujus loci) tamen ex autopsia eodem modo in illis è venis in arterias sanguinem pulsu cordis tractum esse, palam est, & via patens, aperta, manifesta, nulla difficultas, nullus hæsitandi locus. In his enim perinde se res habet atque in homine; si septum cordis perforatum, aut ademptum esset, aut unus ex utrisque fieret ventriculus, nemo credo dubitasset, qua via sanguis è venis in arterias transire potuisset.

Cum vero major numerus animalium non habentium pulmones sit, quam habentium; & similiter major numerus sit, unum tantum ventriculum cordis, quam habentium duos: proclive est sta-

D

tuerè

74 *Exercitatio Anatomica*

tuere in animalibus *Ἰνὶ τῷ πλὸν*
ut plurimum, & in univ^{er}sum,
sanguinem aperta via è venis in
arterias per cordis sinum trans-
mitti.

Consideravi autem mecum,
quod etiam in embryonum eo-
rum, qui pulmones habent, idem
apertissime constat.

In foetu vasa cordis quatuor
(videlicet vena cava, vena arte-
riosa, arteria venalis; & Aorta,
sive arteria magna) alio modo
uniuntur, quam in adulto: quod
omnes Anatomici norunt satis.

Primus contactus & unio ve-
nae cavæ cum arteria venosa (quæ
fit priusquam cava, in dextrum
ventricul^{um} cordis, se aperiat, aut
venam coronalem emittat, pau-
lulum supra egressum ab hepate)

Ana-

Anastomosim lateralem exhibet, hoc est, foramen amplum, patens, ovali figura, pertusum, è cava in arteriam illam pervium; ita ut (tanquam per unum vas) per illud foramen sanguis de vena cava in arteriam venosam, & auriculam cordis sinistram, usque in ventriculum sinistrum, liberrime & copiosissime dimanare possit. Insuper in illo foramine ovali, è regione, quæ arteriam venosam respicit, operculi instar membrana tenuis & dura est, foramine major, quæ postea in adultis, operiens hoc foramen & coalescens undique, istud omnino obstruit & prope obliterat. Hæc, inquam, membrana sic constituta est, ut, dum laxè in se concidit, faciat ad pulmones & cor viam, resur-

pinetur, & sanguini à cava affluenti cedat quidem, at ne rursus in cavam refluat, impediat. Ut liceat existimare, in embryone sanguinem continuo debere per hoc foramen transire de vena cava in arteriam venosam, & inde in auriculam sinistram cordis, postquam ingressum fuerit, remeare nunquam posse.

Altera unio est venæ arteriosæ (quæ fit postquam vena illa, è dextro ventriculo egressa in duos dividitur ramos) estque tanquam, duobus dictis, tertius truncus & quasi canalis arteriosus, ab hinc in arteriam magnam obliquè ductus, & perforatus: ut in dissectione embryonum quasi duæ aortæ, vel radices arteriæ magnæ è corde exorientes duæ, appareant.

Cana-

Canalis hic in adultis similiter sensim attenuatur, tabescit, & penitus tandem, ut venâ umbilicalis, exsiccat, & aboletur.

Iste canalis arteriosus nullam membranam in se habet, sanguinis motum hinc, vel illinc impediens. Sunt enim in orificio illius venæ arteriosæ (cujus iste canalis, uti dixi, propago est) valvulæ sigmoides tres, quæ intus foras spectant, & sanguini, è dextro ventriculo hac via in magnam arteriam fluenti, cedunt facile; cōtra vero ab arteria quidquam, aut à pulmonibus, in dextrum ventriculum ad amussim clausum, remeare omnino impediunt. Ut hic etiam arbitrari consentaneum sit in embryone, dum cor sese contrahit continuo sanguinem

nem è dextro ventriculo hac via in arteriam magnam invehit.

Quod vulgo dicitur, has duas uniones tam magnas, patentes & apertas, nutriendorum pulmonum causa, factas fuisse tantum, & in adultis (cum jam pulmones propter ipsorum calorem & motum, copiosius nutrimentum desiderarent) aboleri & consolidari, commentum improbabile est & male cohærens. Et similiter, quod dicunt, cor in embryone ferriari & nihil agere, nec movere, unde Natura hos transitus facere, alendorum pulmonum causa, coacta erat, falsum est: cum in ovo, cui gallina incubuit, & in embryonibus recenter ex utero exfectis, autopsia pateat, tum cor movere, sicut in adultis, tum naturâ nulla
tali

tali necessitate urgeri. Cujus motus non solum hi oculi sepe testes, sed & Aristoteles attestatur ipse (*l. de spir. 3.*) Pulsus (inquit) per initia statim in constitutione cordis emergit, quod in sectione vivorum, & pulli formatione ex ovo deprehenditur. Quin & observamus has vias (tam in hominum genere, quam in cæteris animalibus) non solum apertas & patentes esse, usque ad tēpus partus (ut annotarunt Anatomici) sed etiam permultos post menses, imo in aliquibus per aliquot annos, ne dicā toto vitæ curriculo; veluti in anserē, buccagine & avibus plurimis & animalibus, præsertim in minoribus. Quæ res imposuit forsan Botallo, ut assereret, se novum transitum sanguini, de vena cava in sinistrū ventricu-

lum cordis invenisse : & fateor ,
me quoque (cum in mure majori
jam adulto hoc primū ipse repe-
ri,) tale quid statim existimasse.

Ex quibus intelligitur, in em-
bryone humano, quin & in aliis,
in quibus istæ uniones non abo-
lentur, idem ipsum accidere ; ut
cor suo motu, per patentissimas
vias, sanguinem de vena cava in
arteriam magnā, apertissimè tra-
ducat, per utriusque ventriculi
ductum. Dexter siquidem san-
guinem ab auricula recipiens, in-
de per venam arteriosam, & pro-
paginem suam (canalem arterio-
sam dictam) in magnam arteriam
propellit. Sinister similiter, eo-
dem tempore, mediante auriculæ
motu, recipit sanguinem (in illam
sinistram auriculam deductum,
scilicet,

scilicet per foramen ovale, è vena cava) & tentione sua, & contractione, per radicem aortæ, in magnam itidem arteriam simul impellit.

Ita in embryonibus (dum pulmones otiantur, & nullam actionem aut motum habent, quasi nulli forent) natura duobus ventriculis cordis quasi uno utitur, ad sanguinem transmittendum. Et similis est conditio embryonum pulmones habentium, (dum adhuc pulmonibus non utuntur) ac est eorum animalium, qui pulmones non habent.

Itaque tam clare in his etiam elucescit veritas, quod cor suo pulsu sanguinem, è vena cava, in arteriam magnam traducat & transfundat, perque tam paten-

D 5. res,

tes & apertas vias, ac si in homine, quod dixi, ambo ventriculi (eorum septo adempto) adinvicem pervii essent facti. Cum itaque majori ex parte animalibus omnibus, quodam tempore, patentissimæ istæ extent viæ, quæ transmissioni sanguinis per cor inserviunt: restat ut illud perquiramus. Aut, cur in quibusdam animalibus (ut in homine) iisque calidioribus & adultis, per pulmonum substantiam illud fieri non existimemus, quod in embryone natura per eas vias (illo tempore, quo pulmonum nullus erat usus) quas, ob defectum transiri per pulmones, coacta videbatur facere, antea effecit? Aut, cur melius sit (natura enim semper quod est melius, facit) in adolescenti-

centibus, sanguinis, transitui naturam omnino occlusisse vias parentes illas, quibus antè in embryone & foetu usa fuerat, & omnibus aliis animalibus utitur, nec alias ullas pro illo sanguinis transitu aperuisse, sed sic omnino impedire?

Ita jam eo res cessit, ut iis, qui in homine quærunt vias (quibus sanguis, è vena cava in sinistrum ventriculum & arteriam venosam, permeat) majus operæ pretium esset, & rectè magis factum videretur, si, ex dissectione animalium, veritatem investigare vellent, ad causam inquirendam, cur in majoribus & perfectioribus animalibus, iisque adultis, natura sanguinè transcolari per pulmonum parenchyma potius velit,

D 6

quam,

84 *Exercitatio Anatomica*

quam, ut in cæteris omnibus, per patentissimas vias : & tum, nullam aliam viam & transitum excogitari posse, intelligerent. Sive hoc sit, quod majora & perfectiora animalia sint calidiora, & cum sint adulta, eorum calor magis (ut ita dicam) ut igniatur & suffocetur, sit proclivis, & ideo trannare, & trajici per pulmones, ut inspirato aëre contēperetur, & ab ebullitione & suffocatione vindicetur, opus sit, sive quid aliud tale. Sed hæc determinare, & rationem omnem reddere, nihil aliud agere est, quam propter quid pulmones facti sunt, speculari. Atque hæctenus de his, horumque usu & motu, & de eventatione omni, & aëris necessitate & usu, & cæteris hujusmodi; & de variis organis
& dif-

& differentibus, hujus causa in animalibus factis. Tametsi multamquam plurimis observationibus à me deprehensa sint, tamen, ne nimium à proposito, de motu & usu cordis hoc loco aberrando, aliud agere & stationem relinquere, rem interturbare & subterfugere videar; hæc proprio tractatu convenientius exponenda relinquam; & quæ restant, ut ad propositum scopum revertar, confirmare pergam.

In perfectioribus nimirum & calidioribus animalibus, iisque adultis (ut in homine) sanguinem de dextro ventriculo cordis per venam arteriosam in pulmones, & inde per arteriam venosam in sinistram auriculam, & subinde in ventriculum cordis sinistrum per-

permeare, primum posse, deinde ita fieri contendo.

C A P. VII.

Sanguinem, de dextro ventriculo cordis, per pulmonum parenchyma, permeare in arteriam venosam, & sinistrum ventriculum.

Fieri autem hoc posse, & nihil esse quo minus fiat, satis constat, cum, quomodo aqua per terræ substantiam permeans, rivulos & fontes procreet, confideremus; aut, quomodo per cutem sudores, per parenchyma renum urina fluat, speculemur. Animadvertendum est in iis, qui aquis spadensibus utuntur, vel de la Madonna (ut ajunt) in agro Patavino, vel alijs acidulis, aut vitrio-

triolatis, vel qui ad congios ingurgitant potum, ut, una aut altera hora, per vesicam emingant totum; debet ista copia aliquantulum in concoctione immorari; debet per jecur (ut, singulis diebus bis, ingesti alimenti succum omnes consentur facere) debet per venas, per renum parenchyma, per ureteres in vesicam profluere.

Quos itaque audio negantes, posse sanguinem, imò totam massam sanguineam, per pulmonum substantiam, æque ac succus alimentalis per jecur, permeare; tanquã impossibile sit, & nullo modo credibile. Existimandum, quod hoc genus hominum (cum Poëta loquer) ubi volunt, concedunt facile posse; ubi nolunt nullo modo;

obscure

do : hic ubi opus est verentur, ubi nihil opus, ibi non verentur affirmare.

Jecoris parenchyma densius multo est, & similiter renū, quam pulmonum, quod rarioris multo texturæ, & si renibus & jecori conferatur, spongiosæ est.

In jecore nullum impellens, nulla vis cogens; in pulmone expulso dextri ventriculi cordis impingitur sanguis; cujus impulsu distendi vasa, & porositates pulmonum necesse est. Præterea pulmones in respirando elevantur & concidunt (*Galen. de usu part.*) quo motu necesse est, ut porositates & vasa aperiantur & claudantur; ut in spongiis contingit, & in omnibus particulis habentibus constitutionem spongiosam, quando

quando constringuntur, & rursus dilatantur. Contra jecur quiescit, nec ita dilatari & constringi visum est.

Denique si per jecur, totum ingestorum succum, in venam cavam, tam in homine, quam in bove, vel in maximis animalibus, nemo est qui non asserit, pertransire posse; & hoc, eo quod pertransiisse aliqua nutrimentum, & permeasse in venas sit necesse, (si fieret nutritio) & nulla alia extet via, ac proinde hoc affirmare coacti sint; cur non iisdem argumentis, de transitu sanguinis in adultis his per pulmones, fidem similem haberent? & cum Columbo peritissimo, doctissimoque Anatomico idem assererent, & crederent, ex amplitudine, & fabrica
vaso-

vasorum pulmonum? eo, quod arteria venosa, & similiter ventriculus, repleti sint semper sanguine, quem è venis huc venisse necesse est, nulla alia, quam per pulmones, semita, ut & ille, & nos, ex antè dictis & autopsia, aliisque argumentis, palam esse existimamus.

Sed quando aliqui sunt, qui nisi adductis authoritatibus, admittunt, iidem ex ipsius etiam Galeni verbis, hanc veritatem confirmari posse sciant; scilicet, non solum posse sanguinem, è vena arteriosa in arteriam venosam, & inde in sinistrum ventriculum cordis, & postea in arterias transmitti, sed, ex continuo pulsu cordis, & pulmonum motu inter respirandum, hoc fieri.

Sunt

Sunt in orificio venæ arteriosæ, valvulæ tres sigmoides, sive semi-lunares, quæ omnino sanguinem, in illam venam arteriosam immissum, non sinunt remeare in cor; quod omnes norunt.

Harum valvularum necessitatem & usum Galenus his verbis explicat, (de usu part. 6. c. 10.) *In toto est (inquit) mutua Anastomosis, atque osculorum apertio arteriis simul cum venis; transumuntque ex sese pariter sanguinem & spiritum, per invisibiles quasdam atque angustas plane vias. Quod si os ipsum venæ arteriosæ, itidem semper patuisset, nullamque natura invenisset machinam, quâ claudere ipsum, cum est tempestivum, ac rursus aperire queat; fieri nunquam potuisset, ut per invisibila, atque exigua oscula, sanguis (contracto thorace)*

race) in arterias transumeretur. Neque enim similiter omnis ex quovis attrahitur, neque emittitur: sed quemadmodum quod leve est, facilius eo quod gravius, dilatatis instrumentis attrahitur, iisdem autem contractis exprimitur: ita & per latam viam celerius aliquid, quam per angustam trahitur ac rursus emittitur. Cum autem thorax contrahitur, pulsa atque intro compressa undique fortiter, qua in pulmone sunt venosa arteria, exprimunt quidem quam celerrime, qui in seipsis est, spiritum; transumunt autem per subtilia illa oscula sanguinis portionem aliquam, quod nunquam accidisset profecto, si sanguis per maximum os (cujusmodi est vena arteriosa) ad cor retro remeare potuisset. Nunc vero reditu per os magnum intercluso, dum comprimitur undique, destillat quidpiam
in ar-

in arterias per exigua illa orificia. & paulo post sequente capit. Quanto thorax contendit vehementius sanguinem elidens, tanto membrana (videlicet valvula sigmoides) exactius os ipsum occludunt, & nihil remeare sinunt. quod & eodem Capitulo decimo paulo antè. Nisi valvula essent, triplex sequeretur incommodum; ita sanguis ipse frustra longum hoc curriculum subinde emetiretur: in Diastolis quidem pulmonis, adfluens & (quæ in ipso sunt) venas omnes refarciens, in Systolis vero, quasi æstus quidam maritimus, instar Euripi, motum identidem, huc atque illuc reciprocans; qui haudquaquam sanguini conveniret: at hoc videri posset exiguum. Quod vero interim ipsius quoque respirationis utilitatem labefactet, id non amplius pro parvo est habendum, &c.

(Et

94 *Exercitatio Anatomica*

(Et paulo post.) Atque etiam tertium secutum fuisset incommodum, haudquaquam contemnendum, cum sanguis retro in expirationibus remigrasset, nisi opifex noster membranarum Epiphysin fuisset fabricatus. Unde concludit Cap. II. Communis autem ipsorum omnium, videlicet valvularum, est usus, ut materias retro remigrare prohibeant; utrarumque verò proprius, educentium quidē ē corde materias, ne amplius ad ipsum remeant; inducentium verò, ne amplius ex ipso effluant. Non enim volebat natura vano labore cor fatigari, neque in eam partem mittere, unde trahere praestiterat, neque rursus ex illa identidem ducere, ad quam mittere erat necesse. Proinde cum sint quatuor omnino officia, bina in utroq; vētriculō, alterum quidem inducit, alterum verò educit.

Et

Et paullo post: Porro cum vas alterū, quod tunica simplici constat, in cor infigatur, alterum, quod duplici, ex ipso producat: communē utrique locum, (videl. ventriculū dextrum Gal. intelligit, & ego eadem ratione similiter sinistrū ventriculū cordis) quasi lacunā quandā, parari necesse fuit, ad quā pertinentibus utrisque, per alterum quidem trahatur sanguis, per reliquum vero emittatur.

Quod argumentum Galenus, pro transitu sanguinis per dextrum ventriculū de vena cava in pulmones, adducit; eodem nobis rectius, pro transitu sanguinis, de venis per cor in arterias, mutatis tantum terminis, uti liceat. Ex Galeni igitur, viri divini, patris Medicorum, locis & verbis clarè apparet, & sanguinem per pul-

pulmones de vena arteriosa, in arteriæ venosæ ramulos permeare, tum propter pulsum cordis, tum propter pulmonum & thoracis motum. (*Vide Hofmanni doctissimi Commentarium supra Galeni lib. 6. de usu part. Quem librum postquam hæc à me scripta essent, vidi.*) Quinetiam cor continuè in ventriculos, quasi lacunam, recipere & emittere sanguinem; & hujus rei causa, valvularum genera quatuor, duo inductioni, emissioni sanguinis duo inservire; ne aut sanguis Euripi in morem, inconvenienter agitetur huc, illuc; aut retro remeet, unde trahi præstiterat; & ex illa refluat parte, ad quam mitti erat necesse; & sic vano labore fatigatur, & pulmonum respiratio præpediatur.

tur. Denique clarè apparet assertio nostra, continuè & continenter sanguinè per pulmonum porositates permeare, de dextro in ventriculum sinistrum, de vena cava in arteriam magnam. Nam, cùm continuo, de dextro ventriculo immittatur sanguis in pulmones per venam arteriosam; & similiter continue è pulmonibus in sinistrum attrahatur, (quod ex dictis & valvularum positione patet) quin pertranseat continue, fieri non potest.

Et itidè, cùm semper & cōtinue ingrediatur sanguis in cordis ventriculū dextrū, & egrediatur (quod similiter de sinistro ventriculo & ratione & sensu patet) quin continuo pertranseat sanguis de vena cava in aortam, impossibile est.

E

Illud

Illud igitur quod in animalibus, majori ex parte & plane omnibus, dum adolefcunt, per patentiffimas fieri vias, ex diffectione manifefturn eft; in adultis his per pulmonum cæcas porofitates & vaforum ejus oscula, tam ex Galeni verbis, quam ex ante dictis, illud idem fieri æque manifefturn eft. Unde apparet quod quanquam unus ventriculus cordis, videlicet finifter, fufficiens effet fanguinis difpensationi per corpus, & educationi è vena cava, (quemadmodum etiam fit in omnibus quæ pulmonibus carent) natura tamen cum voluerit fanguinem ipfum per pulmones tranfcolari, dextrum ventriculum fuperaddere coacta fuit, cujus pulfu, per ipfos pulmones,
è vena

è vena cava in sinistri ventriculi locum, sanguis compelleretur. Et hoc modo, dextrum ventriculum pulmonum causa & ob translationē sanguinis, non ob nutritionem duntaxat, factum esse dicendum. Quandoquidem, tanto proventu annonæ, compulsu subministrato, & tanto puriore & spirituosiore (utpote immediate à ventriculis cordis subvecto) indigere alimento pulmones magis, quam aut cerebri purissimam substantiam, aut oculorum splendidissimam & divinam constitutionem, aut ipsius cordis carnem, (quæ rectius per arteriam coronalem nutritur) inconveniens omnino est existimare.

C A P. VIII.

*De copia sanguinis transeuntis, per
cor è venis in arterias, & de
circulari motu sanguinis.*

HUc usque de transfusione sanguinis è venis in arterias, & de viis per quas pertranscat, & quomodo pulsu cordis, transmittatur dispenseturq;: quorum forsàn aliquibus, qui antea sunt aut Galeni autoritate, aut Columbi, aliorumve rationibus, adducti, assentiri se dicent. Nunc vero, de copia & proventu istius pertranseuntis sanguinis, quæ restant (licet valdè digna consideratu) cum dixerò; adeò nova sunt & inaudita, ut non solum ex invidia quorundam, metuum malum mihi, sed verear, ne habeam

habeam inimicos omnes homines. Tantum consuetudo, aut semel imbibita doctrina, altisque defixa radicibus, quasi altera natura, apud omnes valet, & antiquitatis veneranda suspicio cogit. Utcumque jam jacta est alea, spes mea in amantium veritatis & doctorum animorum candore. Sanè cum, copia quanta fuerit, sæpius *mecū & serio* considerassem; tum ex vivorū (experiendi causa) dissectione, & arteriarum apertione, disquisitione multimoda; tum ex ventriculorum cordis, & vasorum ingredientium & egredientium symmetria & magnitudine; (cum natura nihil faciens frustra, tantam magnitudinem, proportionabiliter his vasibus frustra non tribuerit) tum ex concinno

E 3 & di-

& diligenti valvularum & fibrarum artificio, reliquaque cordis fabrica; tū ex aliis multis: & cum animo diutius evolvissem, quanta scilicet esset copia transmissi sanguinis; quam brevi tempore ea transmissio fieret; anne supeditare ingesti alimenti succus eam posset: animadverti tandem, venas inanitas & omnino exhaustas, & arterias ex altera parte, nimia sanguinis intrusione, disruptas fore; nisi sanguis aliquā viā ex arteriis denuo in venas remearet, & ad cordis dextrum ventriculum regrederetur.

Cœpi egomet mecum cogitare, an motionem quandam quasi in circulo haberet; quam postea veram esse reperi, & sanguinem, è corde per arterias, in habitum
cor-

De motu Cordis, &c. 103

corporis & omnes partes, protrudi & impelli, à sinistri cordis ventriculi pulsu (quemadmodum in pulmones per venam arteriosam à dextri) & rursus per venulas in venam cavam, & usque ad auriculam dextram remeare; quemadmodum ex pulmonibus per arteriam dictam venosam, ad sinistrum ventriculum, ut antè dictum est.

Quem motum circularem eo pacto nominare liceat, quo Aristoteles, aërem & pluviam circularem superiorum motum æmulari, dixit. Terra enim madida à Sole calefacta evaporat; vapores sursum elati condensantur; condensati in pluvias rursus descendunt; terram madefaciunt; & hoc pacto fiunt hic generatio-

nes & similiter tempestatum & meteororum ortus, à solis circulari motu, accessu & recessu.

Sic verisimiliter contingit in corpore, motu sanguinis, partes omnes sanguine calidiore, perfecto, vaporoso, spirituofo, (& ut ita dicam) alimentativo nutriri, foveri, vegetari; in partibus sanguinem refrigerari, coagulari, & quasi effœtum reddi; inde ad principium, videlicet, cor, tanquam ad fontem sive ad lares corporis, perfectionis recuperandæ causa, reverti; ibi calore naturali, potenti, fervido, tanquam vitæ thesauro, denuo colliquari; & spiritibus (ut ita dicam) tanquam balsamo prægnantem, inde rursus dispensari; atque hæc omnia à motu & pulsu cordis dependere.

Ita

Ita cor principium vitæ & sol microcosmi (ut proportionabiliter sol cor mundi appellari meretur) cujus virtute & pulsu sanguis movetur, perficitur, vegetatur, & à corruptione & grumefactione vindicatur, suumque officium nutriendo, fovendo, vegetando, toti corpori præstat lar iste familiaris, fundamentum vitæ, *author omnium*. Sed de his convenientius, cùm de hujusmodi motus causa finali speculabimur.

Hinc, cùm venæ sint viæ quedam, & vasa deferentia sanguinem duplex est genus ipsarum; cava, & aorta; non ratione lateris (ut Aristoteles) sed officio; & non (ut vulgò) constitutione (cùm in multis animalibus (ut dixi) in

tunicæ crassitie, vena ab arteria non differat) sed munere & usu distinctæ: vena & arteria, ambæ à veteribus venæ non immerito dictæ, ut Galenus annotavit; eo quod hæc, videlicet arteria, vas est deferens sanguinem, è corde in habitum corporis; illa sanguinem ab habitu rursus in cor; hæc, via à corde; ad cor usque, illa; illa continet sanguinem crudiorum, effœtum, nutritioni jam redditum inidoneum; hæc, coctum, perfectum, alimentarium.

C A P. IX.

Esse sanguinis circuitum, ex primo supposito confirmato.

SEd ne, verba dare nos, dicat quispiam, & assertiones speciosas tantum facere sine fundamento,

mento, & non iusta de causa innovare : tria confirmanda veniunt, quibus positis, necessario hanc sequi veritatem, & rem palam esse arbitror.

Primò, continuè & continenter, sanguinem è vena cava in arterias, in tanta copia, transmitti pulsu cordis, ut ab assumptis suppeditari non possit, & adeo ut tota massa brevi tempore illinc pertranseat.

Secundò, continuè æquabiliter & continenter sanguinem, in quodcunque membrum, & partem, pulsu arteriarum, impelli & ingredi, majori copia multo, quam nutritioni necessarium sit, vel tota massa suppeditari possit.

Et similiter tertio, ab unoquoque membro, ipsas venas, hunc

tunicæ crassitie, vena ab arteria non differat) sed munere & usu distinctæ: vena & arteria, ambæ à veteribus venæ non immerito dictæ, ut Galenus annotavit; eo quod hæc, videlicet arteria, vas est deferens sanguinem, è corde in habitum corporis; illa sanguinem ab habitu rursus in cor; hæc, via à corde; ad cor usque, illa; illa continet sanguinem crudiorum, effœtum, nutritioni jam redditum inidoneum; hæc, coctum, perfectum, alimentarium.

C A P. IX.

Esse sanguinis circuitum, ex primo supposito confirmato.

SEd ne, verba dare nos, dicat quispiam, & assertiones speciosas tantum facere sine fundamento,

mento, & non iusta de causa innovare : tria confirmanda veniunt, quibus positis, necessario hanc sequi veritatem, & rem palam esse arbitror.

Primò, continuè & continenter, sanguinem è vena cava in arterias, in tanta copia, transmitti pulsu cordis, ut ab assumptis suppeditari non possit, & adeo ut tota massa brevi tempore illinc pertranseat.

Secundò, continuè æquabiliter & continenter sanguinem, in quodcunque membrum & partem, pulsu arteriarum, impelli & ingredi, majori copia multo, quam nutritioni necessarium sit, vel tota massa suppeditari possit.

Et similiter tertio, ab unoquoque membro, ipsas venas, hunc

sanguinem perpetuò retroducere
ad cordis locum.

His positis, sanguinem circum-
ire, revolvi, propelli & remeare,
à corde in extremitates, & inde
in cor rursus, & sic quasi circula-
rem motum peragere, manife-
stum puto fore.

Supponamus (vel cogitatione,
vel experimento) quantum san-
guinis, sinister ventriculus in di-
latatione (quum repletus sit) con-
tineat sive ξij. sive ξiij. sive ξj. s.
ego in mortuo reperi ultra. ξij.

Supponamus similiter, quanto
minus in ipsa contractione, vel
quando sese contrahit, cor conti-
neat, & quanto minorē ventricu-
lus capacitātē habeat in ipsa con-
tractione, & inde quantū sangui-
nis in arteriam magnā protruda-
tur ;

tur: (protruditur in systole enim aliquid semper, quod antè demonstratum est cap. 3. & omnes fatentur, ex fabrica valvularum persuasi) verisimili conjectura ponere licebit, in arteriam immitti partem vel quartam vel quintam, vel sextam, & ad minimum octavam.

Ita in homine, protrudi, singulis cordis pulsibus, supponamus unciam semis, vel drachinas tres, vel drachmam unam sanguinis, qui, propter impedimentum valvularum, in cor remeare non potest.

Cor una semihora plus quam mille pulsus facit; imo in aliquibus, & aliquando bis, ter, vel quater mille. Jam multiplicatis drachmis, videbis una semihora
aut

aut millies drachmas tres, vel drachmas duas, aut uncias quinques centum, aut talem aliquam proportionatam quantitatem sanguinis, per cor in arterias transfusam, quæ major est copia quam in universo corpore contingat reperiri. Similiter in oве, aut cane, si pertransit (esto) scrupulus unus, in una cordis contractione; tum una semihora mille scrupuli vel circiter libræ tres & semi sanguinis transeunt, in quorum corpore plerumque non continetur plus quatuor libris sanguinis; hoc in oве expertus sum.

Ita penè, supputatione facta, secundum quam nimirum conjectare possimus transmissi sanguinis copiam, enumeratis pulsationibus, videtur omnis quantitas san-

sanguineæ massæ pertransire, de venis in arterias per cor, similiter per pulmones.

Sed esto, quod non una semihora, sed integra, vel una die, utcumque velis, fiat; manifestum est plus sanguinis per cor, ejus pulsu transmitti continuè, quam vel ingestum alimentum suppetitare, vel in venis simul contineri possit.

Nec est dicendum, quod cor in sua contractione aliquando protrudat, aliquando non, vel quasi nihil & imaginarium quid. Hoc à me antè refutatum est, & præterea sensui contrarium est & rationi. Si enim, dilatato corde, repleri necesse est ventriculos sanguine; contracto, necesse est protrudere semper & non parum,

rum , cùm & ductus non parvi
& contractio non pauca sit con-
venit: in quavis propulsione simi-
liter proportio sanguinis exclusi,
(videl. subtripla, sextupla, vel sub-
octupla) debet esse ad ante con-
tentum, & in dilatatione replen-
tem; uti se habet capacitas con-
tracti ventriculi ad illam, quæ est
dilatati: & cum in dilatatione
non contingit repleri nihilo, vel
imaginario, ita in contractione
nunquam nihil, vel imaginarium
expellit, sed semper aliquid se-
cundum proportionem contra-
ctionis. Quare concludendum, si
uno pulsu in homine, vel ove,
vel bove, cor emittat drachmam
unam, & mille fiant pulsus in una
semihora, contingere eodẽ tem-
pore, libras decẽ & uncias quin-
que

que transmissas esse; si uno pulsu drachmas duas lib. 20. & ξ . 10; si semi-unciam lib. 41. & ξ . 8; si unciam lib. 83. & ξ . 4. contingere in una semihora transfusas (inquam) esse de venis in arterias.

Sed quantum, in unoquoque, protrudatur singulis pulsationibus, & quando plus, & quando minus, & qua de causa, accuratius post hæc, ex multis observationibus, à me forsan palam fiet.

Interim hoc scio, & omnes admonitos velim, quod aliquando uberiori copia pertransit sanguis, aliquando minore; & sanguinis circuitus quandoque citius, quandoque tardius peragitur, secundum temperamentum, ætatem, causas externas & internas, & res naturales & non naturales, somnum,

114 *Exercitatio Anatomica*

num, quietem, victum, exercitia, animi pathemata, & similia.

| Verum enimvero, cum per pulmones & cor, vel minima copia transeat sanguis, longè uberiori proventu, in arterias & totum corpus deducitur, quam ab alimentorum ingestione suppeditari possibile sit, nisi regressu per circuitum facto.

Hoc etiam palam fit sensu, vivorum dissectionem intuentibus, non solum aperta magna arteria, sed (quod confirmat Gal. in ipso homine) si quævis vel minima arteria dissecta fuerit, unius penè semihoræ spatio, totam sanguinis massam, è toto corpore, tam venis quàm arteriis, exhaustam fore.

Similiter Laniones, hoc satis attestari possunt, quando, rescissis
arte-

De motu Cordis, &c. 115

arteriis jugularibus, in mactando bove, unius horæ quadrante minus, totam sanguinis massam exhauriunt, & vasa omnia inanita reddunt: in membrorum excisione & tumorum, ex larga sanguinis profusione, itidē comperimus aliquando brevi contingere.

Nec perstringit hujus argumenti vim, quod, per venas effluere (in jugulatione & in membrorum excisione) æque sanguinem, si non magis, quam per arterias, dicat quispiam, cū contra se res habeat. Venę enim quia subsidunt, quia in ipsis nulla vis cogens foras, & quia impedimento valvularum compositio est (ut postea patebit) parum admodum reddunt: arteriæ vero impetu impulsū sanguinem foras,

ras, largius, impetuosius, tanquam cum syphone ejectum, profundunt. Sed experienda res est; omissa vena & incisa jugulari arteria in ove, vel cane; quanto impetu, quanta protrusione, quam cito, omnem sanguinem, è toto corpore, tam venis, quàm arteriis, cōtingat inaniri admirabile videbitur. Arterias autem nullibi sanguinē è venis recipere, nisi transmissione facta per cor, ex antedictis, patet. Quare, ligando aortam ad radicem cordis, & aperiendo jugularem, vel aliam arteriam, si arterias inanitas & solum venas repletas conspexeris, mirari non convenit.

Hinc causam aperte videbis, cur in Anatome tantum sanguinis reperiatur in venis, parum
vero

vero in arteriis; cur multum in dextro ventriculo, parum in sinistro, (quæ res forsan antiquis dubitandi præbuit occasionem & existimandi, spiritus solos in illis concavitatibus contineri, dum vitæ superstes animal esset) causa forsan est, quod, de venis in arterias, nullibi datur transitus, nisi per cor ipsum & per pulmones. Cùm autem expiraverint pulmones & moveri desiverint, de venæ arteriosæ ramulis in arteriam venosam, & inde in sinistrum ventriculū cordis, sanguis perineare prohibetur; (ut in embryone ante notatum est, prohibitum fuisse ob defectum motus pulmonum, oscula & porositates cœcas & invisibiles aperientis & claudentis) cùm vero una cum pulmonibus

nibus cor non desinat moveri, sed postea pulsare & supervivere pergat: contingit sinistrum ventriculum & arterias emittere, in venas ad habitum corporis sanguinem & per pulmones non recipere, ac proinde quasi inanitas esse.

Sed hoc etiam, in rem nostram, non parum facit fidei, cum hujus nulla alia causa (nisi quam nos ex nostra suppositione asserimus) adduci possit.

Præterea hinc patet, quo magis, aut vehementius arteriæ pulsan, eo citius, in omni sanguinis hæmorrhagia, inanitum iri corpus.

Hinc etiam in omni lipothymia, omni timore, & hujusmodi, quando cor languidius & infirmius, nullo impetu pulsat, omnem

nem contingit hæmorrhagiam sedari & cohiberi.

Hinc etiam est, quod corpore mortuo, postquam cor cessavit pulsare, non poteris, vel è jugularibus, vel cruralibus venis & arteriis apertis, ullo conatu, massæ sanguineæ ultra partem mediam elicere. Nec lanio, si bovi (postquam ejus caput percusserit, & attonitum reddiderit) jugulum prius non secuerit, quam cor pulsare desierit, totum sanguinem exhaurire inde poterit.

Denique, hinc, de Anastomosi venarum & arteriarum (ubi sit & quomodo sit, & qua de causa) neminem hætenus rectè quidquam dixisse, licet suspicari. ego in illa disquisitione jam sum.

CAP. X.

*Primum suppositum (de copia pertranseuntis sanguinis è venis in arterias, & esse sanguinis circuitum)
ab objectionibus vindicatur,
& experimentis ulterius confirmatur.*

HActenus primum suppositum confirmatum est, siue res ad calculum revocetur, siue ad experimenta & autopsiam referatur. Videlicet: quod sanguis pertranseat in arterias, majori copia continue, quam ab alimento suppeditari possit, ita ut, tota massa brevi spatio illac pertranscunte, necesse sit, ut circuitus fiat & sanguis regrediatur.

Verum si quis hic dicat, quod magna copia possit pertransire, & non necesse circuitum fieri, cum
ab

ab assumptis resarcire contingat; & exemplo esse lactis in mammis proventum: vacca enim una die lactis congios tres, vel quatuor, vel septem, vel amplius reddit; mulier itidem duas, vel tres heminas alendo infantem unum vel duos, singulis diebus præbet, quod ab assumptis restitui manifestum est. Respondendum, quod cor tantundem vel amplius, una hora vel altera, computatione facta, remittere, constet.

Sin vero nondum persuasus, instaret usque, dicendo; quod, licet dissecta arteria, quasi data & aperta via, præter naturam contingat sanguinem cum impetu effundi; non tamen ideo contingere, integro corpore & non dato exitu, & arteriis plenis vel secundum

dum naturam constitutis, tantam copiam pertransire tam brevi spatio, adeo ut regressum fieri sit necesse. Respondendū, quod, ex ante dicta computatione, subducta ratione, apparet, quantum cor repletū ulterius contineat in sua dilatatione quam in constrictione, tantundē (majori ex parte) singulis pulsationibus emitti, & proinde in tanta copia, pertransire integro corpore, & secundum naturam constituto.

Sed in serpentibus & piscibus quibusdam, ligando venas per aliquod spatium infra cor, videbis spatium inter ligaturā & cor valde cito inaniri, ita ut regredi sanguinem (nisi autopsiam neges) asserere necesse habeas. Postertus etiam idem clare patebit in
secun-

secundi suppositi confirmatione.

Hæc omnia uno exemplo confirmantes, concludamus, quo fidè oculis propriis adhibere unusquisque possit. Si anguem vivum dissecuerit, videbit plus quam per integram horam cor placidè, distinctè pulsare, & sese tanquam vermem in constrictione (cùm oblongum sit) secundum longitudinem contrahere, propellere; in systole albidiori colore esse, contra in diastole; & reliqua pene omnia, quibus evidenter hanc veritatem confirmatam iri diximus. (hic enim omnia longiora & distinctiora magis sunt) Sed hoc peculiariter & luce clarius meridiana experiri licet; vena cava partem inferiorè cordis subingreditur, exit arteria parte superiori,

jam comprehensa vena cava vel tenaculis, vel digito & pollice, sanguinisque cursu intercepto, per aliquod spatium infra cor, videbis, à pulsu statim pene inaniri illam partem intra digitos & cor; sanguine exhausto à cordis pulsu, simul cor albidiori multo colore esse; etiam in dilatatione sua, ob defectum sanguinis minus esse, & languidius tandem pulsare, sicut emori denique videatur: contra statim, soluta vena, color & magnitudo redeunt cordi. Postea si relinquas venam, & arterias similiter, per aliquam distantiam à corde, ligaveris vel compresseris; videbis contra, illas vehementer turgere in parte comprehensa, & cor ultra modum distendi, purpureum colorem contrahere usque

usque ad livorem, & tandem opprimi sanguine, sic ut suffocatum iri credas: soluto vero vinculo, rursus ad naturalem constitutionem, in colore, magnitudine, pulsu redire.

Ecce jam, duo sunt genera mortis, extinctio ob defectum, & suffocatio ob copiam: hic ad oculos utriusque exemplum habere licet, & dictam veritatem autopsia in corde confirmare.

C A P. XI.

Secundum suppositum confirmatur.

SECUNDUM confirmandū à nobis, quod ut clarius intuentibus appareat, annotanda sunt experimenta quædam, ex quibus patet sanguinem in quodcunque membrum per arterias ingredi,

F 3 & per

& per venas remeare; & arterias vasa esse deferentia sanguinem à corde, & venas vasa & vias esse regerendi sanguinis ad cor ipsum; & in membris & extremitatibus sanguinem (vel per anastomosis immediate, vel mediate per carnis porositates, vel utroque modo) transire ab arteriis in venas; sicut ante in corde & thorace à venis in arterias: unde in circuitum moveri, illinc huc, & hinc illuc, è centro in extrema scilicet, & ab extremis rursus ad centrum, manifestum fit.

Postea quin etiam, computatione facta, similiter manifestum ibidem est, de copia, quod neque ab assumptis possit suppeditari, neque ad nutritionem necessario requiratur.

Simul

Simul etiam de ligaturis manifestum est, quomodo eas attrahant; quod neque calore, neque dolore, neque vi vacui, neque ulla, ante hac cognita, causa fieri potest; & similiter ligaturę quam commoditatem & usum afferre possunt in medicina; quomodo hæmorrhogiam supprimant, & provocent; & qua de causa gangrenas & mortificationes membrorum inducant; & sic in castratione animalium quorundam, & tumorum carnosorum & verrucarum exemptione usui sint.

Enimvero, quod nemo harum omnium causas & rationes recte assecutus sit, hinc factum est, licet omnes ferè, ex antiquorum sententia, in morbis curandis, proponant & consultant ligaturas;

turas ; pauci tamen, earum administratione , curationibus suis vix aliquid adjuventi afferant.

Ligatura alia stricta est , alia mediocris.

Strictam ligaturam dico , cum ita arcte undique constrictum membrum sit fascia, vel laqueo, ut , ultra ipsam ligaturam nullibi, arterias pulsare percipiatur. Tali utimur in membrorum excisione, fluxui sanguinis prospicientes : tali etiam utuntur in castratione animalium, & tumorum ablatione ; qua ligatura, affluxu alimenti & caloris omnino intercepto, tabescere & emori testiculos, atque ingentes sarcofes, & postea decidere, videmus.

Mediocre[m] vero dico ligaturam, quæ undique membrum comprimit,

primit, sed citra dolorem; & sic, ut ultra ligaturam aliquantulum arteriã pulsare sinat; qualis, in attractione & in sanguinis missione usus est: nam licet supra cubitum fiat ligatura, tamen, arterias in carpo aliquantulum pulsare, tactu percipies, si recte in phleboto-mia fiat ligatura.

Jam experimentum fiat in brachio hominis, vel adhibita fascia quali in sanguinis missione utuntur, vel ipsius manus fortiore comprehensione; quod quidem commodius fit in macilento corpore, cui venæ sunt ampliores, & quando (calefacto corpore) calent extrema, & major quantitas sanguinis in extremitatibus est, & pulsus vehementiores: omnia enim ibi evidentiora apparebunt.

Facta itaque stricta ligatura (quam arcte fieri, & quis eam ferre, possit, constringendo) observare licet, primum, ultra ligaturam videlicet versus manum, non pulsare in carpo vel uspiam arteriam; deinde, immediate supra ligaturam incipere arteriam, altius suam diastolem habere, & magis vehementius pulsare, & prope ipsam ligaturam, æstu quasi quodam intumescere (ac si fluxum interceptū & transitum inhibitus percurrere, & referare conaretur) magisque quam par sit, ibi repletam apparere: interea manus suum colorem retinet & constitutionem; solum tractu temporis refrigerari aliquantulum incipit, nihil vero attrahitur in eam.

Post-

Postquam per aliquod spatium permanlit ista ligatura & derepente paululum solvitur in mediocrem, quali, ut dixi, in sanguinis missione utuntur: observandum est manum totam statim colorari, & distendi, & ejus venas tumidas, & varicosas fieri; & spatium decem vel duodecim pulsationum arteriæ, multo sanguine impulso, atque impacto, refertissimam manum cerni, & ab illa ligatura mediocri, multam copiam sanguinis affatim attractam iri absque dolore, vel calore, vel fuga vacui, vel ulla alia antehac commemorata causa.

Si quis interea, in ipso illius solutionis momento, prope ligaturam, digitum ad arteriam jam pulsantem applicaverit, quasi

F 6

subtus.

subtus præterlabentem sanguinem sentiet.

Ipse porro, cujus in brachio fit experimentum, ab ipsa mutatione ligaturæ strictæ in mediocrem, planè calorem & sanguinem pulsu ingredientem, quasi semoto obstaculo, illico sentiet; & aliquid, secundum ductum arteriarum, tanquam confestim inflatum, & sparsim per manum transmissum, percipiet, & continuo calefieri manum & distendi.

Quemadmodum in stricta ligatura, arteriæ supra distenduntur & pulsant, non infra, & venæ minores fiunt; ita in mediocri, venæ infra ligaturam turgent & renitentes fiunt, supra vero nequaquã, & arteriæ minores sunt. Imo, si venas tumidas compresse-

ris,

ris, (nisi valde fortiter) vix, aut supra ligaturam sanguinem diffundi, aut venas detumeri, conspicies.

Ita ex his, cuius diligentius observanti, facile est noscere, sanguinem ingredi per arterias: ipsarum enim stricta ligatura nihil attrahitur, manus colorem servat, nihil influit, neque fit distensio; ipsis verò paululum solutis (ut in mediocri ligatura) vi & impulsu affatim sanguinē intus trudi, manum tumidam fieri, manifestum est. Ubi sanguis profluit, ut in mediocri ligatura, ipsæ pulsant scilicet; ubi vero non, ut in stricta, pulsant nequaquam, nisi supra ligaturā. Interim venis compressis, nihil per ipsas defluere potest; cuius hoc est signum, quod infra
liga-

ligaturam tumidioreſ multo ſunt, quam ſupra, & quam dempta ligatura ſolent eſſe. Hinc quod compreſſe, nihil ſuperioribus ſuggerant, & quod ligatura impediat reſreſſum ſanguinis per venas ad ſuperiora, eaſque infra ligaturam tumidas faciat permanere, clarè patet.

Arteriæ verò in iſto caſu, non obſtante mediocri ligatura, vi & impulſu cordis, ab internis corporis partibus, foras ultra ligaturam, ſanguinem trudent. Hæc eſt differentia ſtriçtæ ligaturæ à mediocri, quod illa (ſtriçta ligatura) non ſolum tranſitum ſanguinis in venis, ſed in arteriis interceptiat; hæc (quæ mediocris) vim pulſificam, quo minus ultra ligaturam ſe exporrigat, ad extimasque

masque corporis partes propellat sanguinem, non impediat.

Adeo ut sic ratiocinari liceat: mediocri ligatura quando venas turgidas & distentas esse, & manum plurimo sanguine impleri videmus, unde fit hoc? Aut enim per venas, aut per arterias, aut per cœcas porositates, infra ligaturam sanguis advenit: è venis, non potest: per cœcos ductus, minus: ergo per arterias, secundum quod dictum, necesse est. Per venas influere non possit patet; cum non exprimi retro sanguinem contingat supra ligaturam, nisi ablata omnino ligatura: tunc subito omnes venas detumescere, & sese in superiores partes exonerare, manum dealbari, & sursum omne prius collectum & tumorem & sanguinem affa-

affatim evanescere, videtur.

Amplius; sentiet ipse, cui ita post multum spatium ligatū corpus aut brachium erat, & manus tumidæ pauloque frigidiores inde redditæ; sentiet (inquam) de solutione mediocris ligaturæ, frigidum quid sursum, usque ad cubitum vel axillas, obrepere, una scilicet cum revertente sanguine: quem ego frigidi sanguinis recursum (post sanguinis missionem) ad cor usque (soluta vinculo) causam esse lipothymia arbitrarer; quam etiam robustis aliquando supervenire vidimus, & maxime à solutione ligaturæ: quod vulgo dicunt à conversione sanguinis fieri.

Præterea, cum statim, à solutione strictæ ligaturæ, in medio-

cri immiffione sanguinis per arterias, continuo venas intumefcere videmus infra ligaturam comprehenfas, non autem arterias; fignum eft fanguinẽ ab arteriis in venas, & non contra, permeare; & aut anafomofin vaforum effe, aut porofitates, carnis & partium folidarum, pervias fanguini effe. Item fignum eft, venas plurimas inter feſe communicare, cum, ligatura mediocri fupra cubitum facta, multæ attollantur fimul & turgeant, ex una vero venula, ſcalpello exitu fanguini dato, omnes ſtatim detumefcant, & in illam unam feſe exonerantes, ſubſidant fimul penè omnes.

Hinc unusquiſque poteſt cauſas attractionis, quæ fit per ligaturas, & forſan omnis fluxionis, cogno-

138 *Exercitatio Anatomica*

cognoscere; videlicet (quemadmodum in manu, per ligaturam, quam dico mediocrem) quando compressę sunt venę sanguis exire non potest; interea si per arterias vi (scil. cordis) impingatur, dum non potest exire inde, ut repleatur & distēdatur pars, necesse est.

Alias enim qui fieri posset? Calor, dolor & vis vacui attrahunt quidē, sed ut impleatur tantum pars, non ut distendatur, aut tumefiat ultra naturalem constitutionem: sed ob infarctum & arcte impactum vi sanguinem, tam violenter & tam subito opprimi membrum, ut caro continui solutionem pati, & vasa disrumpi ceruantur, nunquam aut calore, aut dolore, aut vi vacui fieri posse, credibile aut demonstrabile est.

Insu-

Insuper ligatura contingit attractionē fieri, absque omni dolore, calore, aut ulla vi vacui. Quod si à dolore aliquo accideret sanguinem attrahi: quo modo ad cutitū, ligato brachio, infra ligaturā, intumescerent & manus & digiti, & venę varicosę fierent, cūm propter ligaturę compressionē eo pervenire sanguis per venas non possit; atque quare supra ligaturam, neq; tumoris aut repletionis signum, neque venarū turgescentię, neque attractionis, aut affluxus vestigium omnino appareret.

Sed est attractionis infra ligaturam, & tumefactionis ultra naturę modum, in manu & digitis, hæc causa manifesta, nempe, quod sanguis cum impetu, & affatim ingrediatur, exire verò nequeat.

Hinc

Hinc omnis tumoris causa (ut est apud Avic.) & omnis redundantiæ opprimentis in parte; quia viæ ingressus apertæ, egressus clausæ, inde humorē abundare, & in tumorē partem attolli necesse est.

An hinc etiam contingat in tuberculis inflammatoriis, quod quousque tumor incrementum capescit, & non sit in ultimo statu, sentiaturo eo loci pulsus plenus, præsertim calidioribus tumoribus, in quibus incrementum derepente fieri solet, posterioris disquisitionis erit; uti an etiam hinc contingat, quod in me ipso casu expertus sum. Ego è curru delapsus, aliquantum fronte percussus, quo loco arteriæ ramulus à temporibus prorepat, statim ab ipsa percussione, spatio ferè viginti

viginti pulsationum, tumorem
ovi magnitudine, absque vel ca-
lore vel multo dolore, passus sum;
propter videlicet arteriæ vicini-
tatem, in locum contusum, san-
guis, affatim magis & velocius,
impingebatur.

Hinc apparet, qua de causa in
phlebotomia, quando sanguinem
lōgius proflire & majori impetu
exire volumus, supra sectionem
ligamus, non infra; quod si per
venas inde efflueret tanta copia à
partibus superioribus, ligatura il-
la non modo non adjuvaret, sed
impediret: etenim inferius ligan-
dum verisimilius esset, quo san-
guis inhibitus uberius exiret, si
ex partibus superioribus eo per
venas descendens emanaret. Sed
cum aliunde per arterias impel-
litur

litur in venas inferiores, in quibus regressus per ligaturam præpeditur, venæ turgent, & distentæ ipsum majori impetu per orificium elidere & longius ejicere possunt; soluta vero ligaturâ, viæque regressus aperta, ecce sanguis non amplius, nisi guttatim decidit; & quod omnes norunt, si vel vinculum solveris in administranda phlebotomia, vel infra ligaveris, vel stricta nimis ligatura membrum constrinxeris, tum tamquã ablato impetu non exit: quia scilicet via, ingressus & influxus sanguinis per arterias, intercepta est stricta illa ligatura; aut regressus liberior datur, per venas, ligatura soluta.

C A P. XII.

Esse sanguinis circuitum, ex secundo supposito confirmato.

HÆc cum ita sint, constat confirmatū iri etiam aliud, quod antea, per cor continuo sanguinem transire, dicebam. Videmus enim in corporis habitu, ab arteriis sanguinem in venas dimanare, non è venis in arterias: videmus insuper vel pene totam massam sanguinis exhauriri posse ab ipso brachio (idque una vena cuticulari scalpello aperta, si fiat ligatura decens:) videmus præterea, ita impetuose & affatim effundi, ut non solum brevi & cito evacuari, qui ante sectionem, in brachio infra ligaturam, comprehensus erat sanguis, sed ex toto brachio & toto corpore,

pore, tam arteriis quam venis, constet.

Quare confiteri necesse est primo; vi & impetu suppeditari, & vi impingi ultra ligaturam; (vi enim & impulsu exit) & proinde à cordis pulsu & robore; vis enim & impulsio sanguinis solum à corde.

Deinde, à corde provenire hunc fluxum, & per cor transitu facto è venis magnis, hâc effluere, similiter confiteri necesse; cum intra ligaturam sanguis per arterias ingreditur non per venas, & arteriæ nusquam sanguinem è venis recipiunt, nisi è sinistro ventriculo cordis.

Neque omnino aliter, ex una vena (factâ supra ligaturâ) tanta copia exhauriri ullo modo potuisset,

set, præsertim tam impetuose & affatim, tam facile, tam subito, nisi à cordis vi & impulsu consecutio fiat, dicto modo.

Et si hæc ita sint, de copia computationem facere, & de circulari motu sanguinis argumentari, apertissimè possumus. Si etenim in phlebotomia (eo quo solet prorumpere effusione & impetu) aliquis per semihoram provenire sineret sanguinem, nulli dubium, quin maxima ipsius parte exhausta, lypothymia & syncope adventarent, & non solum arteriæ, sed & venæ magnæ pene inanitæ forent: transire ergo rationabile est, semihoræ illo spatio, tantundem è vena magna per cor in aortam. Ulterius si quot uncia per unum brachium perfluant,

G

vel

vel quot in 20, vel 30 pulsationibus intra mediocrē ligaturā trudentur sanguinis, supputares; daret profecto existimandi copiam, quantum per aliud brachium interea, per utrumque crus, per colum utrinque, & per alias omnes arterias & venas corporis pertranseat; & quod his omnibus, fluxus, qui per pulmones & cordis ventriculos fit, novum continuo sanguinē suggerere, & per venas circuitum facere necessario debeat; cū tanta quantitas nec suppeditari ab assumptis possit, sed longe major sit, quam parium nutritioni conveniat.

Amplius observandum; quod in administranda phlebotomia quandoque contingat, hanc veritatem confirmari. Nam, rectē
bra-

brachium quanquam ligaveris, & scalpello debito modo dissecueris, apto orificio & omnibus rite administratis; tamen si timor, aut quævis alia causa, aut animi pathemate lipopsychia adveniat, ut cor languidius pulset, nullo modo sanguis exhibit, nisi guttatim: præsertim si ligatura strictior paulo facta sit. Ratio est, quia compressam arteriam languidior pulsus & impellens vis infirmior recludere & sanguinem infra ligaturam trudere, non valet: imo per pulmones deducere, aut è venis in arterias copiose transferre, enervatum & languidum cor non potest. Sic eodem modo, & eisdem de causis contingit, mulierum menstrua, & omnem hæmorrhagiam sedari. Ex contrariis

148 *Exercitatio Anatomica*

etiam hoc patet; quoniam, redintegrato animo, amoto metu, cum ad se redeunt, jam daucto robore pulsificante, arterias statim vehementius pulsare (etiam in parte ligata) in carpo moveri, & sanguinem per orificium longius proflire, continuo videbis.

C A P. XIII.

*Tertium suppositum confirmatur,
& esse sanguinis circuitum, ex
tertio suppositio.*

HActenus de copia pertrans-
euntis sanguinis per cor &
pulmones, in centro corporis, &
similiter ab arteriis in venas in
habitu corporis. Restat, ut ex-
plicemus, quomodo per venas ab
extremitatibus, ad cor retro san-
guis remeet, & quomodo venæ
sint

sint vasa deferentia eundem, ab extremitatibus ad centrum: quo facto, tria illa proposita fundamenta pro circuitu sanguinis, fore aperta, vera, stabilia, & ad fidem sufficientia faciendam, existimamus.

Hoc autem, ex valvulis (quæ in venarum cavitatibus reperiuntur,) illarum usu, & ocularibus experimentis, satis erit apertum.

Clarissimus Hieron. Fabr. ab Aquapend. peritissimus Anatomicus & venerabilis senex, (vel, ut voluit doctiss. Riolanus, Jac. Sylvius) primus in venis membranæas valvulas delineavit, figura sigmoides vel semilunares, portiunculas tunicæ interioris venarum, eminentes & tenuissimas. Sitæ sunt distantibus in locis, va-

rio modo in variis hominibus , ad venarum latera connatæ ; sursum, versus radices earum, spectantes, & in media capacitæ ambæ (ut plurimum enim duæ sunt) se invicem respicientes, atque debite contingentes, ut extremitatibus cohærere ; copularique aptæ sint, & , ne quid à radice venarum in ramos, vel à majoribus in minores remearet, omnino impédiant: ita sitæ sunt, ut sequentium cornua, præcedentium convexorum media (& sic versis vicibus) respiciant.

Harum valvularum usum inventor non est assecutus, neque alii, qui dixerunt ; ne pondere deorsum sanguis in inferiora subito ruat. Sunt namque in jugularibus deorsum spectantes, & san-

sanguinem sursum prohibentes ferri: nam ubique spectant, à radicibus venarū, versus cordis locum. Ego, ut alii etiam, aliquando reperi in emulgentibus & ramis mesenterii, venam cavam & portam spectantes. Adde insuper, quod in arteriis nullæ sint; & notandum, quod canes & boves omnes habeant valvulas, in divisione cruralium venarū, ad principium ossis sacri, vel in ramis iliacis prope coxendicem, in quibus, nil tale timendum, propter erectam (ut in homine) staturam.

Nec ob metum apoplexiæ (ut alii dicunt) sunt in jugularibus valvulæ; quia materia, in somno, per arterias soporales, influere in caput prona est.

Nec ut sanguis in divaricationibus

nibus subsistat, nec in ramos exiles, vel in magis apertos, & capaces totus irruat; nam positæ etiam sunt ubi nullæ divaricationes; licet frequentiores conspiciantur, (fateor) ubi divaricationes sunt.

Nec ut motus sanguinis à centro corporis retardetur; verisimilius enim est tardè satis sua sponte, è majoribus in minores ramulos intrudi, à massa & fonte separari, aut è locis calidioribus in frigidiora migrare. Sed omnino valvulæ factæ sunt, ne, à venis magnis in minores, moveretur sanguis & sic illas dilaceraret, aut variocosas efficeret; néve à centro corporis in extrema, sed potius ab extremitatibus ad centrum progrediretur. Itaq; ab hoc
mo-

motu valvulæ tenues faciliè occluduntur, & sibi contrarium omnino supprimunt: sic enim posita & ordinata, ut si quid per cornua superiorum minus prohiberetur transitu, sed quasi per rimas elaberetur, convexitas subsequantium transversim posita id exciperet, & sisteret ne ulterius transiret.


Ego illud sæpissime in dissectione expertus sum, si, à radice venarum initio facto, versus exiles ramos specillum immitterem (quanto potuerim artificio) ob impedimentum valvularum longius impelli, non potuisse: contra vero forinsecus à ramulis radicem versus, facillimè. Pluribus in locis, valvulæ binæ ad invicem ita posita & aptata sunt, ut ad amuf-


154 *Exercitatio Anatomica*

sum (dum elewantur) in media venæ cavitate cohæreant, & uniantur, extremitatibus & convexis, invicē; ut neque visu cernere, neque satis explorare rimulam aut coitum liceat: contra vero forissecus intro immissio stylo cedunt, & (valvularum, quibus cursus fluminum inhibentur, in morem) facillimè reclinantur, ut motū sanguinis, profectum à corde & vena cava, intercipient, & ad amussim pluribus in locis (elevatæ invicem dum clauduntur) omnino inhibeant & supprimant; neque sursum ad caput, neque deorsum ad pedes, neq; ad latera brachii, sanguinē à corde moveri (ita sunt constitutæ) usquā sinant; sed motui omni sanguinis, qui à majoribus venis auspiciatus in minores desi-

definit, aduersentur & obsistant :
ei vero qui à venis exilibus inci-
piens in majores definit, obse-
cudent, liberamque & paten-
tem viam expediant.

Sed quo veritas hæc apertius
elucescat; ligetur brachium su-
pra cubitum vivo homini, tan-
quam ad mittendum sanguinem;
A A : per intervalla apparebunt,
præcipuè in rusticis & varicosis,
tanquam nodi quidam & tuber-
cula, B. C. D. D. E. F. non solum
ubi est divaricatio, E. F. sed etiam
ubi nulla; [C. D.] & isti nodi à
valvulis fiunt. Hoc modo appa-
rentibus in interiore parte ma-
nus vel cubiti, si à nodo O. infe-
rius, pollice vel digito compri-
mendo, sanguinem deduxeris ad
H. 2. figur. videbis nullum (inhi-
bente





158 *Exercitatio Anatomica*

bente omnino valvula) subsequi
posse; & venæ portionem, (H. O.
secundæ figuræ) intra tuberculum
& digitum detractum, oblitera-
tam, & tamen, supra tuberculum
vel valvulam, satis distentam;
(O. H.) immo si ita detractum
sanguinem & venam inanitam H.
retinueris, & altera manu venæ
(O. tertiæ figuræ) partem supe-
riorem distentam, deorsum com-
presseris (K. tertiæ) nulla vi cogi
aut impelli trans valvulam (O.)
posse videbis; sed quanto ma-
jori conatu, hoc feceris, vide-
bis tanto magis ad valvulam vel
tuberculum (O. tertiæ) venam
turgentem, distentam, & tamen
inferius vacuum esse (H. O. ter-
tiæ figuræ.)

Hoc, cum pluribus in locis ex-
periri

periri quis possit, apparet valvularum officium in venis idem esse, cum sigmoidum & tricuspidum, quæ in orificio aortæ & venæ arteriosæ fabrefactæ sunt; videlicet, ut ad amussim claudantur, ne retro sanguinem transeuntem remeare sinant.

Præterea ligato brachio uti prius A. A. & venis turgentibus, si infra tuberculum aliquod sive valvulam, venam firmaveris per aliquod spatium, (L. 4.) & postea sanguinẽ fursum, usque supra valvulam (N.), digito (M.) compuleris, vacuam illam partem venæ permanere videbis (L. N.) nec retro per valvulam regredi posse; (H. O. 2.) ablato vero digito (H. 3. vel L. 4. figuræ) rursus repleri ab inferioribus, & esse ut (D. C. 1.)
ut hinc

ut hinc sursum, ab inferioribus ad superiora & ad cor, sanguinem moveri in venis & non contrario modo, planè constet. Et licet aliquibus in locis à valvulis, quæ non ita ad amussim clauduntur, aut ubi unica solum est, transitus sanguinis à centro nō videatur prorsus impediri; tamen ut plurimum ita apparet; vel saltem, quod aliquibi negligentius fieri visum est, illud, ex subsequen- tium in ordine valvularum, vel frequentia, vel diligentia, vel alio modo videtur compensari; adeo ut venæ, viæ patentēs & apertæ sint, regredienti sanguini ad cor, progredienti vero à corde omnino occlusæ. Notandum autem hoc insuper, ligato ut prius brachio & venis turgentibus, apparentibus nodis.

nòdis sive valvulis, si infra aliquā valvulam, in loco ubi subsequenter inveneris, pollicem, qui venam firmet, applicueris, ne quid à manu sursum sanguinis progrediatur; digito tum sanguinem ab illa venæ portione, sursum supra valvulam [L. N] exprime; ut ante dictum est: & ablato digito [L.] finito rursus repleti ab inferioribus [ut D. C.] & rursus premēte pollice, identidem, sursum, exprime sanguinem [L. N. & H. O.] & hoc millies in brevi tempore facito.

Jam si rem supputaveris, quantum una compressione, sursum moveatur valvulā supprimendo, & facta per numerum millenarium multiplicatione, tantū sanguinis hoc modo per unius venæ par-

partē, in nō longo tempore, transmissū reperiēs, ut de circuitu sanguinis, & ab ejus celeri motu, te persuasissimum sensurus sis.

Sed ne hoc experimento naturæ viū afferri dicas; in longe distantibus valvulis, illud si feceris, observaverisque ablato pollice, quā cito, & quā celeriter, sanguis fursūm recurrat & venam ab inferiori parte repleat, illud ipsum exploratum tibi fore non dubito.

C A P. XIV.

Conclusio demonstrationis de sanguinis circuitu.

IAm denique nostram de circuitu sanguinis sententiā ferre, & omnibus proponere liceat.

Cū confirmatum sit, rationibus & ocularibus experimentis, quod

quod sanguis, per pulmones & cor, pulsu ventriculorum pertranseat, & in universum corpus impellatur & immittatur, atque in venas & porositates carnis obrepat, & per ipsas, undique de circumferentia ad centrum, ab exiguis venis in majores remeet; unde in venam cavam, ad auriculam cordis tandem veniat, tanta copia, tanto fluxu, refluxu, hinc per arterias illuc, & illinc per venas huc retro, ut ab assumptis suppeditari non possit, atq; multo quidem majori (quam conveniret nutritioni) proventu: necessarium est concludere, circulari quodam motu, in circuitum, agitari in animalibus sanguinem, & esse in perpetuo motu; & hinc fieri actionem sive functionem cordis

dis, quam pulsu peragit, & denique, motus & pulsus cordis, causam unicam esse.

C A P. XV.

Sanguinis circuitus rationibus verisimilibus confirmatur.

SEd hoc etiam subjungere non abs re fuerit, quod secundum communes quasdam ratiocinationes, ita est conveniens & necessarium. Primum (Aristot. de respirat. & lib. 2. & 3. de partibus animalium & alibi) cum mors sit corruptio propter calidi defectum, & viventia omnia calida, morientia frigida sint, locū & originem esse oportet caloris, (quasi lares focusque) quo naturę fomes, & primordia ignis nativi, contineantur & conserventur; à quo
calor

calor & vita in omnes partes, tanquam ab origine, profluant; alimentum adveniat & concoctio & nutritio, & omnis denique vegetatio dependeat.

Hunc autem locum, unde principium vitæ, cor esse (eo quo dictum est modo) neminem velim dubitare.

Sanguini itaque motu opus est, atque tali, ut ad cor rursus revertatur; nam in externas corporis partes amandatus, longe (ut Arist. 2. de part. anim.) à suo fonte, immotus coagularetur. (motu enim in omnibus calorem & spiritus generari & conservari videmus, quiete evanescere) Cum itaque sanguis in externis partibus subsistens, à frigore extremorum & aëris ambientis geletur & spiritibus

ritibus (uti in mortuis) destitutus sit: ut rursus à fonte & origine, tam calorem quam spiritus, & omnino præservationem suam repetat, & revertendo redintegret: necesse fuit.

Videmus, à frigore exteriori, extremitates aliquando algere, ut lividi & nasus & manus & genæ, quasi mortuorum, appareant, quia sanguis in ipsis (qualis cadaverum, locis pronis, solet decumbere) consistat, unde membra adeo torpida, & egrè mobilia evadunt, ut vitam penè amisisse videantur. Nullo modo profecto rursus (præsertim tam citò) calorem, colorem & vitam recuperarent, nisi novo ab origine, affluxu & appulsu caloris foverentur. Attrahere enim quomodo possent, quibus.

bus calor & vita penè extincti sunt? aut quibus meatus condensati, & gelato sanguine repleti, quomodo adveniens admitterent alimentum & sanguinē, nisi contentum dimitterent? & nisi omnino cor esset hujusmodi principium, unde (his refrigeratis) remanarent vita & calor (ut Arist. respirat. 2.) & unde novo, per arterias transmissio sanguine calido, spiritibus imbuto, quod frigefactum & effoetum est propelleretur, & omnes particulæ, calorem languidum & vitalem fomitem pene extinctum, repararent?

Hinc ita est, ut cæteris omnibus partibus & vitam restitui, & sanitatem recuperari, corde illaeso, contingere possit: corde vero vel refrigerato, vel vitio gravi aliquo

quo affecto, totum animal pati, & corruptum iri necesse est. Quando principium corrumpitur & patitur, nihil est (ut Aristot. 3. de partib. animal.) quod aut ipsi, aut cæteris quæ ab ipso pendeant, præbere auxilium potest. Et hinc obiter forsan petenda ratio est, cur mœrore, amore, invidia, curis & hujusmodi confectis, tabes & extenuatio contingant, aut cacochymia & proventus cruditatum, quæ morbos omnes inducunt & homines conficiunt: omne namque animi pathema, quod cum dolore & gaudio, spe, aut anxietate humanas exagitat mentes, & ad cor usque pertingit, & ibi mutationem à naturali constitutione, intemperie & pulsu & reliquis facit, illud in principio

cipio totum alimentum inquinando, & vires infirmando, minime mirum videri debet, quod varia genera morborum incurabiliū, in membris & corpore, subinde procreet; quandoquidem totum corpus, in illo casu, vitiatō alimento & inopia calidi nativi, laborat.

Præter hæc cum alimento vivunt omnia animalia interius cōcocto, necesse est concoctionem perfectam esse, simul & distributionem; & proinde locum & conceptaculum, ubi perficiatur alimentum & unde derivetur in singula membra. Hic locus autem cor est; cū solum ex omnibus partibus (quamvis in vena & arteria coronali privato usui) in cavitatibus suis tanquā in cister-

H nis,

nis, & promptuario (auriculis scilicet & ventriculis) publico usui, sanguinem contineat : reliquæ omnes partes, sui ipsius tantum causa & privato usui, in vasis duntaxat, habeant. Adde : cor solum ita situm & constitutum est, ut inde pulsu suo, in omnes partes (idque secundum justitiam & proportionem cavitatum arteriarum, unicuique particulæ inservientium) æqualiter dispense, distribuat, & indigentibus (quasi è thesauro & fonte) hoc modo largiatur.

Amplius ; ad hanc distributionem & motum sanguinis, impetu & violentia opus est & impulsore, quale cor est. Adde ; sanguis sponte sua versus principium (quasi pars ad totum, vel gutta
aquæ

aquæ sparsæ super tabulã ad massam) facile concentratur & coit: (uti à levibus causis solet celerissime frigore, timore, horrore & hujusmodi causis aliis) præterea, è venis capillaribus in parvas ramificationes & inde in majores exprimitur motu membrorum & à musculorum compressione: proclivis etiam est & magis pronus sanguis, ut à circumferentia moveatur in centrum, quam contra. (quamquam valvulæ impedimento nullæ forent) Unde sequitur; si principium relinquit, & loca stricta & frigidiora init, & contra spontaneum movetur sanguis, violentia opus habere & impulfore: tale cor solum est, quod dictum est modò.

C A P. XVI.

Sanguinis circuitus ex consequentibus probatur.

Sunt insuper problemata, quæ, Sex hac veritate suppositâ, tanquam consequentia, ad fidem faciendam (veluti à posteriore) non sunt inutilia, hæc licet multa ambiguitate & obscuritate involuta videantur esse : tamen & rationem & causas assignari facile patiuntur.

Videmus in contagione, ictu venenato, & serpentum aut canis rabidi morfu, in lue venerea, & hujusmodi, illæsa particula contacta, tamen totum habitum contingere vitari : lues venerea, illæsis aliquando genitalibus, primo omnium vel scapularum, vel capitis

pitis dolore, vel aliis symptomatibus, sese prodere solet. Vulnere, facto à morfu canis rabidi, curato, febrem tamen & reliqua horrenda symptomata supervenisse experti sumus. Quoniam, in particulam impressum contagium, una cum revertente sanguine ad cor ferri & totum corpus postea inquinare posse, hinc patet. In tertianæ febris principio, morbifica causa cor petens, circa cor & pulmones quando immoratur, anhelosos, suspiriosos & ignavos facit; quia principium aggravatur vitale & sanguis in pulmones impingitur, incrassatur, non transit (hoc ego ex dissectione illorum qui in principio accessionis mortui sunt, expertus loquor) tunc semper pulsus frequentes, parvi,

H 3

& quan-

174 *Exercitatio Anatomica*

& quandoque inordinati sunt; ab adaucto vero calore, attenuata materia, apertis viis & transitu facto, incalescit universum corpus, pulsus majores fiunt & vehementiores, ingravescente paroxysmo febrili. Calor, scilicet, præter-naturalis accensus in corde, inde in totum corpus per arterias diffunditur, una cum materia morbifica, quæ eo modo à natura exuperatur & dissolvitur.

Cùm etiam exterius applicata medicamenta vires intro exercent suas, ac si intro sumpta essent, (colocynthis & aloë ventrem solvunt, cantharides urinas movent, allium plantis pedum alligatum expectorat, & cordialia roborant, & hujus generis infinita) hinc constat forsan non irratio-

tionabiliter dici, venas per orificia, ab exterius admotis, absorbere aliquid & intro cum sanguine deferre, non alio modo, quam illæ in mesenterio, ex intestinis chylum exsugunt & ad jecur una cum sanguine apportant.

In mesenterio etiam sanguis, per arterias cœliacas, mesentericam superiorem & inferiorem, ingressu ad intestina progreditur: à quibus, una cum chylo in venas attracto, per illarum frequentissimas ramificationes in portam jecoris revertitur, & per ipsum in venam cavam. Sic contingit, ut sanguis, in his venis, eodē sit imbutus & colore & consistentia, qua in reliquis, contra quam plures opinantur. Nam duos contrarios motus in capillari propagine,

H 4 chyli

chyli sursum, sanguinis deorsum, convenienter & probabiliter fieri, existimare necesse est. Sed an non summa naturæ providentia hoc fit? si enim chylus cum sanguine, crudus cum concocto, equis portionibus confunderetur, non concoctio, transmutatio & sanguificatio exinde proveniret; sed magis. (cùm invicem activa & passiva sint) ex alteratorum unionemistio, & medium quid, (ut in cōfusione vini cum aqua oīnocration;) jam vero quando multo cum præterlabente sanguine, exigua portio chyli hoc modo admista sit, & quasi nulla notabili proportionem, contingit illud facilius quod (ut ait Aristoteles) cum una gutta aquæ indita vini dolio, aut e contra, totum non mistum, sed
vel

vel vinum vel aqua sit. Ita in venis meseraicis dissectis, chymus, non chylus & sanguis separati, sed confusi reperiuntur, & idem qui in reliquis venis sanguis colore, & consistentia ad sensum apparet. In quo tamen quia chyli quiddam incoctum (licet insensibiliter) insit, natura jecur apposuit, in cujus mæandris moras trahit ut pleniorē transmutationem acquirat, ne præmaturè crudum ad cor perveniens, vitæ principium obruat. Hinc in embryone penè nullus usus jecoris, ubi vena umbilicalis jecur manifestè integra pertransit; nam à porta jecoris extat foramen vel anæstomosis, ut sanguis regrediens ab intestinis foetus, non per jecur, sed in dictam umbilicalem

178 *Exercitatio Anatomica*

transiens, cor (una cum materno sanguine revertente à placenta uteri) petat, unde etiam, in prima foetus conformatione, jecur posterius fieri, contingit. Nos etiam, in foetu humano, observavimus, perfectè delineata omnia membra, imò genitalia distincta, nondum tamen jecoris posita penè fuisse rudimenta. Et sanè quousque membra (ut vel cor ipsum in initio) alba omnia apparent, & præterea in venis nequidquam ruboris continetur, nihil præter rudem quasi extravasati sanguinis collectionē loco jecoris videbis, quam contusionem quandam, vel ruptam venam existimares.

Sunt in ovo duo quasi vasa umbilicalia; unū ab albumine, integrum pertransiens jecur & ad cor
recta

recta tendens; alterum à luteo in venam portæ desinens; quippe contingit in ovo pullum, primum ex albumine tantum, formari & nutriri, à luteo vero post perfectionem & exclusionem: nam intra intestina in ventre pulli contentum, post multos dies ab exclusionem, potest luteum reperiri, & respondet nutrimento lactis cæterorum animalium. Sed hæc convenientius in observationibus circa foetus formationem; ubi hujus generis possunt esse problemata plurima; cur hoc prius factum, aut perfectum sit, illud posterius; & de principatu membrorum, quænam particula alterius causa sit; circa cor etiam plurima, uti cur primum (ut *Arist. de part. anim. 3.*) consistens factum sit &

habere videatur in se vitam, motum & sensum, antequam quidquam reliqui corporis perfectum sit: & similiter de sanguine, quare ante omnia; & qualiter principium vitæ & animalis in se habeat; cur moveri atque huc illuc impelli desideret: dein cujus causa cor factum fuisse videatur.

Eodem modo in pulsum speculatione; cur videlicet isti lethales aut contra; & in omnibus generibus, ipsorum causas & præfagia contemplando, quid isti significant, quid hi, & quare.

Similiter in crisi- & expurgationibus naturæ, in nutritione, præsertim distributione alimentii, similiter & omni fluxione.

Denique in omni parte medicinæ, Physiologica, Pathologica, Semeio-

Semeiotica, Therapeutica, cum quot problemata determinari possint ex hac data veritate & luce; quanta dubia solvi & quot obscura dilucidari, animo mecum reputo, campum invenio spatiosissimum, ubi longius percurrere & latius expatiari adeo possum, ut non solum in volumen excresceret, præter institutum meum, hoc opus: sed mihi forsan vita ad finem faciendum deficeret.

Hoc itaque loco (*sequente videlicet capitulo*) solummodo, quæ in administranda Anatome circa fabricam cordis & arteriarum apparent, ad suos usus & causas veras referre enitar: ibi enim quo me convertam, plurima, quæ ex hac veritate lucem recipiunt, & hanc vicissim illustriorem.

rem reddant; reperiuntur: quæ anatomicis argumentis firmata & exornata præ cæteris velim.

Est unum, quod, licet inter observationes nostras de lienis usu, locum habere deberet, tamen hic quoque obiter annotare non erit impertinens. A ramo splenico in pancreate deducto, è parte superiore, venæ oriuntur, coronalis postica, gastrica & gastroepiploica, quæ omnes plurimis furculis & ramificationibus in ventriculū (veluti mesentericæ in intestina) disseminantur; similiter, à parte inferiori illius splenici, deorsum in colon & longanoniem usque, deducitur vena hæmorrhoidalis: per has venas utrinque sanguis regrediens, & succum crudiorum secum (hinc à ventriculo aqueum,

aqueum, tenuem nondum perfecta chilificatione; illinc crassum & terrestriorem tanquam è sæcibus) reportans, in hoc ramo splenico, contrariorum permistione, convenienter attemperatur, & ambos hos succos difficilioris coctionis (propter contrarias tantum indispositiones) natura permiscendo, & multa copia calidioris sanguinis, à liene uberrime (propter multitudinem arteriarum) scaturientis, superinfusa, magis præparatos, ad jecoris portam adducit, & defectum utrorumque, tali venarum fabrica, supplet & compensat.

C A P.

CAP. XVII.

Confirmatur sanguinis motus & circuitus, ex apparentibus in Corde, & ex iis, quæ ex dissectione Anatomica patent.

COr non in omnibus animalibus invenio distinctam esse & separatam particulam; alia enim (quasi dicas) plant-animalia cor non habent; & quæ animalia sunt frigidiora, exiguæ corpulentia, mollioris texturæ, similis cujusdam constitutionis, (ut erucarum genus & Lumbricorum) & plurima quæ ex putredine oriuntur, non servantia speciem, iis cor non est, ut quibus impulsore non opus sit, quo alimentum in extrema deferatur; corpus enim connatum & unum, absque

absque membris indistinctū habent, sic ut contractione & relatione totius corporis, introsumant & expellant, moveant & removeant alimentum. Plant-animalia dicta, Ostrea, Mytili, Spongiæ & Zoophytorum genera omnia, cor non habent, pro corde enim toto corpore utuntur, & quasi cor, hujusmodi animal est.

In plurimis & penè omnibus insectorum generibus, propter corpulentiaæ exiguitatem, discernere non possumus rectè; attamen in apibus, muscis, crabronibus & hujusmodi aliquando (ope perspicilli) licet. Pulsans quiddam intueri, etiam in pediculis, in quibus & transitum alimenti per intestina (cum translucidum sit animal)

mal) instar maculæ nigræ cernere insuper clarè poteris, multiplicantis illius specilli ope. Sed in exanguibus & frigidioribus quibusdam, ut cochleis, conchis, squillis crustatis & similibus inest pulsans particula, (quasi vesicula quædam vel auricula sine corde) rarius contractionem & pulsum suum faciens, & quem non, nisi æstate aut calidiori tempestate, discernere licet.

In his ita se habet ista particula; impulsu aliquo opus est, ad alimenti distributionem, propter partium organicarū varietatem, aut densitatem substantiæ: sed rarius fiunt pulsationes, & quandoque omnino non, ob frigiditatem, prout conveniens illis est, quia dubiæ sunt naturæ, ita ut quandoque

que vivere, quandoque emori, videantur, & quandoque vitam animalis agere quandoque plantæ. Hoc etiam insectis videtur contingere, cum hyeme lateant, & quasi mortua occultentur, vel plantæ vitā tantummodo agant: sed an idem etiam quibusdā sanguineis animalibus accidat, ut ranis, testudinibus, serpentibus, hirsutinis, non injuria dubitare licet.

In animalibus paulo majoribus & calidioribus, utpote sanguineis impulsore alimenti, & vi forsitan majori pollente, opus est: proinde (uti piscibus, serpentibus, lacertulis, testudinibus, ranis & hujusmodi aliis) tum auricula, tum cordis ventriculus unus est datus. Unde & verissimum illud (Arist. *de part.*

de part. animal. 3.) quod nullum sanguineum animal careat corde, quo impulso validius & robustius redditur, & non solum ab auricula agitur alimentum, sed longius & celerius protruditur.

Qui in adhuc majoribus, calidioribus & perfectioribus animalibus (utpote plurimo ferventiori & spirituofo sanguine abundantibus) quo protruditur fortius, celerius, & impetu majori, propter corporis magnitudinem, aut habitus densitatem, alimentum, in his robustum cor magis & carnosius desideratur.

Et insuper, quia perfectioribus, perfectiori opus alimento, & uberiori calore nativo, ut alimentum concoquatur & ulteriorem perfectionem nanciscatur, illis
ani-

animalibus, pulmones habere & alterum ventriculū, qui per ipsos alimentum trumat, conveniebat.

. Sic quibuscunque insunt pulmones, illis duo ventriculi cordis dexter & sinister; & ubicunque dexter ibi sinister quoque inest, non è contra ubi sinister ibi dexter quoque: (sinistrum voco ventriculum, usu non vero situ distinctum, videlicet qui sanguinem in totum corpus diffundat non in pulmones solum) hinc sinister ventriculus per se cor efficere videtur, & in medio situs, scrobiculis altioribus ita insculptus & majori diligentia fabrefactus est; ut cor sinistri ventriculi gratia factum videatur, & dexter ventriculus quasi famuletur sinistro, nec ad conum ejus per-

pertingat, & tenuiori triplo pariete sit, & quasi articulationem quandam (ut Aristot.) supra sinistrum habeat & majorem capacitatem, utpote, qui non solum sinistro materiam, sed & pulmonibus alimentum præbeat.

Notandum verò, quod in embryone aliter se habeant ista, & non tanta differentia sit ventriculorum, sed (tanquam in nuce nuclei gemelli) æqualiter penè se habeant, & dextri conus ad sinistri summitatem pertingat, ut cor in his tanquam duplici apice in cono sit. Hæc fiunt quoniam in his (dum sanguis non transit per pulmones, utiq; de dextro cordis sinu in sinistrum) ambo ventriculi, per foramen ovale, & transitum arteriosum (ut dictum est) idem offi-

officium traducendi sanguinem, è vena cava in arteriam magnam, pariter præstant, & in univ-
sum corpus impellunt æqualiter,
unde æqualis constitutio. Cùm
vero pulmones usui esse, & unio-
nes dictas occludi, sit tempesti-
vum, tum hæc differentia ventri-
culorum incipit in robore, ut re-
liquis, esse; quia dexter duntaxat
per pulmones, sinister per totum
corpus impellit.

Sunt ultra hæc etiam in corde
lacertuli (ut ita dicam) sive car-
nosæ virgulæ, & fibrosi nexus plu-
rimi, (quos Aristot. *lib. de respir.*
& *de part. animal* 3. nervos vocat)
qui partim separatim diuerso mo-
do tenduntur, partim in parie-
tibus & mediastino (altis factis
scrobiculis) subcatim reconditi
sunt

sunt tanquam muscoli quidam parvi; qui ad robustiorem, & ad validiorem impulsum sanguinis, & constrictionem cordis, quasi succenturiantur & superadduntur cordi, ad ulteriorem expulsiorem sanguinis auxiliares, & ut (tanquam in navi funium diligens & artificiosus apparatus) corde undiquaque se contrahente, undique adjumento forent, & sanguinem plenius & validius è ventriculis expellerent.

Hoc autem manifestum ex eo; quod quibusdam animalibus sint, quibusdam minimè; & omnibus quibus sunt, illis plures & fortiores in sinistro, quam dextro: quibusdā animalibus, in sinistro sunt, dextro vero nequaquam: in hominibus, plures in sinistro quam dextro

dextro ventriculo, & plures in ventriculis quam auriculis, & aliquibus in auriculis quasi nulli: in torosis, musculosis & agrestibus corporibus, & durioris habitus plures, in tenellis corporibus & foeminis pauciores.

In quibus animalibus ventriculi cordis intus leves, omnino absque fibris & lacertulis, neque scrobiculis fissi sunt, (ut in avibus minoribus pene omnibus, serpentibus, ranis, testudinibus, & hujusmodi, perdica etiam, gallina, piscium maxima parte) in his neque nervi sive fibræ dictæ, neque valvulae tricuspides in ventriculis reperiuntur. Quibusdam animalibus dexter ventriculus intus levis est, sinister vero fibrosus illos nexus habet, ut in an-

fere , cygno , & avibus majoribus : in his eadem est ratio , quæ in omnibus ; cum spongiosis , rari & molles sint ipsis pulmones , ad protrusionem sanguinis per ipsos , vim tantam non desiderant ; proinde in dextro ventriculo aut non sunt illis fibræ , aut pauciores & infirmiores , nec ita carnosæ , aut musculos æmulantes : in sinistro vero sunt robustiores & plures , carnosiores & musculosi ; quia sinister ventriculus majori robore & vi opus habet , quo per universum corpus longius sanguinem profequi debet.

Hinc etiam medium cordis possidet , & triplo crassiores parietem , & robustior est sinister ventriculus dextro. Hinc omnia
ani-

animalia, etiam homines, quodensiori, duriori, & solidiori habitu sunt carnis, & quo magis carnosa & lacertosa habent extrema membra, & magis à corde distantia, eo magis fibrosum, crassum, robustum, & musculosum habent cor, idque manifestum est, & necessarium: quo contrariori textura, & molliori sunt habitu, & corpulentia minore; flaccidum magis, mollius, & intus minus (aut non omnino) fibrosum & enervatum cor gerunt.

Valvularum similiter usum considera; quæ ideo factæ, ne semel emissus sanguis in cordis ventriculos regeratur, & tam in orificio arteriæ quam venæ (dum sursum elevata, & invicem conjunctæ triquetram lineam, qualis ab hi-

rundinum morſu relinquitur, eſ-
 ſingunt) quo arctius obſerate, ſan-
 guinis refluxum arceant.

Tricuspidēs in introitu, venæ
 cavæ & arteriæ venoſæ janitores
 ſunt, ne, cū maxime impelli-
 tur ſanguis, retrolabatur; ea de
 cauſa non inſunt omnibus anima-
 libus, neque quibus inſunt, eadem
 naturæ ſolertia factæ apparent;
 ſed in aliis exactius, in aliis re-
 miſſius & negligentius claudun-
 tur, pro majori vel minori im-
 pulſione à ventriculorum conſtri-
 ctione. Ideo in ſiniſtro ventricu-
 lo, uti ad majorem impulſionem
 diligentior occluſio fiat, duæ tan-
 tum ſunt inſtar mitræ habentes,
 ut exactiſſimè claudantur, longè
 uſque in conum, per ejus me-
 dium, pertingētes lacertulas. Hæc
 res

res imposuit forsan Aristoteli, ut hunc ventriculum duplicē sectione per transversum facta existimaret. Ne retro in arteriam venosam labatur sanguis, & exinde robur sinistri ventriculi exsolvatur, in propellendo per universum corpus, ideo valvulæ istæ, mole & robore & exacta clausura, longè in dextro positas exsuperant. Hinc etiam necessario nullum cor sine ventriculo conspicitur, cum lacunar, fons & promptuarium esse sanguinis debeat. Idem vero in cerebro esse non semper contingit; avium enim genera, pene omnia, nullum habent in cerebro ventriculum, ut patet in anserē & cygno: horum cerebrū, quamvis à cuniculi cerebro pene magnitudine æque-

tur, cuniculi tamen ventriculos in cerebro habent, anser non habet. Similiter ubicunque cordis ventriculus unus, ibi una auricula appendet, flaccida, cuticularis, intus cava, sanguine referta; ubi duo ventriculi, duæ similiter auriculæ. Contra vero aliquibus auricula duntaxat inest animalibus vel saltem vesica auriculæ analogæ, vel vena ipsa dilatata (non autem cordis ventriculus) cordis loco pulsum faciens, uti apparet in crabronibus & apibus, & aliis insectis; quæ non solum pulsum habere, sed & respirationem in illa parte quam caudam nominant, experimentis quibusdam me posse demonstrare arbitror: (unde ipsam elongari, & contrahi contingit modo frequentius, modo rarius,

rarius, prout anhelosi magis videntur, & aëre magis indigere) sed de his in tractatu de respiratione. Auriculas similiter pulsare apertum est, & sese contrahere (ut antè dixi) & sanguinē in ventriculos conjicere; unde ubicunque ventriculus ibi auricula est necessaria: non solum, quod vulgo creditur, ut sit sanguinis receptaculum & promptuarium (quid enim opus est pulsatione ad retinendum?) sed motores primi sanguinis sunt auriculæ, præsertim dextra, primū vivens & ultimum moriens (ut ante dictum) quare necessariae, ut scilicet sanguinē in ventriculum subservientes infundant. Ventriculus verò continuo (seipsum contrahendo) jam antè in motu existentem sanguinem

nem commodius elidit, & violentius propellit; uti cum ludis, pilam fortius & longius, à reverberatione percutiendo quam simpliciter projiciendo, impellere poteris. Quin etiam contra vulgarem opinionem, quia, neque cor neque aliud quidquam, seipsum extendere sic potest, ut in seipsum attrahere sua diastole quicquam possit, (nisi ut sponsia vi prius compressa, dum redit ad constitutionem suam) sed omnem motum locale in animalibus primum fieri, & principium sumpsisse constat à contractione alicujus particulæ, ideo à contractione auricularum conjicitur sanguis in ventriculos ut ante patefeci, & inde à contractione ventriculorum ulterius projicitur & transfertur.

Quæ

Quæ veritas de motu locali, & quod immediatum organum motivum, in omni motu omnium animalium, quibus spiritus motivus (ut Arist. dicit *lib. de spiritu & alibi*) primo inest, sit contractile, & (quemadmodū *τεύγων* à *τεύω*, nuto) à contraho dicatur; & quod Aristoteles musculos cognoverit, cum operam omnem & motum in animalibus retulit ad nervos sive ad contractile, & proinde illas lacertulas in corde nervos appellaverit; si quando de motivis organis animalium, & de muscutorum fabrica, ex observationibus nostris, quandoque demonstrare liceat, palam arbitror fore. Quin institutum prosequentes, de auricularū usu (quem ad ventriculos implendos sanguine ante

I 5 demon-

demonstravimus esse) contingere videmus, quo magis densum, compactum cor, & pariete crassiore est, eo auriculas nervosiores & magis musculosas, ad impellendum & implendum, esse; quibus vero contra, iis tanquam vesica sanguinea, & membrana continens sanguinem apparet, ut in piscibus: ibi enim tenuissima & adeo ampla est vesica, quæ auriculæ loco est, ut super ipsam cor natare videatur: at quibus piscibus carnosior paulo illa vesica est, perbelle pulmones æmulari & ementiari videtur; ut in cyprino, barbo, tinca & aliis.

In aliquibus hominibus, torosis videlicet & durioris habitus, dextram auriculā ita robustam, & cum lacertulis & vario fibrarum

con-

contextu interius affabre concinnatam reperit: ut aliorum ventriculis robore videretur æquipollere: & mirabar sane quod in hominibus diversis, tanta esset differentia.

Sed notandum, quod in foetu auriculæ longè majores, quam pro proportionem insunt, quia, antequam cor fiat, aut suam functionem præstet, (ut antè demonstratum est) cordis quasi officium faciunt.

Sed quæ in formatione foetus observavi (ut antea retuli, & Aristoteles in ovo confirmat) maximam huic rei fidem & lucem afferunt. Primum, dum foetus, quasi vermiculus mollis, & (ut dicitur) in lacte est, inest solum punctum sanguineum, five vesicula pulsans, & quasi umbilicalis venæ

portio, in principio vel basi dilatata: postea cum foetus delineatus, jam corpulentiam quandam duriores habere incipit, ista vesica carnosior & robustior facta in auriculas (mutata constitutione) transit, super quas cordis corpus pullulare incipit, nondum ullum officium faciens publicum: formato vero foetu, cum jam distincta ossa à carnibus sunt, & perfectum est animal, & motum habere sentitur, tum cor quoque, intus pulsans habetur, & (ut dixi) utroque ventriculo sanguinem è vena cava in arteriam transfundit.

Sic natura perfecta & divina, nihil faciens frustra, nec cuiquam animali cor addidit, ubi non erat opus, neque, priusquam esset ejus
 usus,

usus, fecit; sed iisdem gradibus, in formatione cujuscunque animalis, transiens per omnium animalium constitutiones (ut ita dicam, ovum, vermem, foetum) perfectionem in singulis acquirit. Hæc alibi in foetus formatione, multis observationibus confirmanda sunt.

Denique non immerito Hippocrates, *in libro de corde*, ipsum musculum nuncupavit, cum eadem utriusque actio, & idem officium sit, videlicet seipsum contrahere, aliud movere, nempe contentum sanguinem.

Insuper ex fibrarum constitutione, motivæque fabrica, ut in musculis ipsis, cordis actionem & usum licet cernere. Omnes Anatomici cum Galeno annota-
runt,

runt, cordis corpus vario fibrarum ductu, videlicet recto, transverso, & obliquo fabricatum esse: at in corde elixo, aliter se habere deprehenditur fibrarum structura: omnes enim fibræ in parietibus & septo circulares sunt, quales in sphinctere; illæ vero, quæ sunt, in lacertulis secundum longitudinem expositis, obliquæ: sic fit, dum omnes fibræ simul contractæ sunt, ut contingat, & conum ad basin à lacertulis adductum esse, & parietes in orbe circumclusas, & cor undique contractum esse, & ventriculos coarctari; proinde, eum ipsius actio sit contractio, functionem ejus esse sanguinem in arterias protrudere, existimandum est.

Nec minus Aristoteli de principatibus

cipatu cordis assentiendū; à cerebro motum & sensum non accipere; nec à jecore sanguinē; sed principium venarū & sanguinis esse, & hujusmodi: cum qui ipsum redarguere conantur, illud principale argumentum omittunt, aut non intelligunt, quod cor nempe primum subsistens sit, & habeat in se sanguinem, vitam, sensum, motum, antequam aut cerebrum aut jecur facta erant, vel planè distincta apparuerant, vel saltem ullam functionem edere potuerant: adde; suis propriis organis ad motum fabricatis; cor, tanquam animal quoddā internum, diutius consistit: quasi, hoc primo facto, ab ipso postea fieri, nutriri, conservari, perfici, totum animal, tanquam hujus opus & domicilium,

lium, natura voluisset: cor (tanquam in republ. princeps) penes quem primum & summum imperium ubique gubernans sit; à quo tanquam ab origine & à fundamento omnis in animali potestas derivetur & dependeat.

At amplius circa arterias plurima similiter veritatem hanc illustrent & confirmant, quando consideratur cur arteria venosa non pulsatur, cum numeretur inter arterias; aut cur in vena arteriosa pulsus sentitur, quando pulsus arteriarum à sanguinis impulsionem est; aut quod arteria in sua tunicarum crassitie & robore tantum à venis differant, quia sustinent impetum impellentis cordis, & prorumpentis sanguinis.

Hinc

Hinc, cum natura perfecta nihil faciat frustra, & in omnibus sit sufficiens, quanto arteriæ propinquiores cordi sunt, tanto magis à venis in constitutione differunt, & robustiores sunt & ligamentosæ magis; in ultimis vero disseminationibus ipsarum, ut manu, pede, cerebro, mesenterio, spermaticis ita constitutione similes sunt, ut oculari tunicarum inspectione, alterum ab altero, internoscere difficile sit. Hoc autem iustis de causis sic se habet, nam quo longius arteriæ distant à corde, eò minore multo vi, ictu cordis per multum spacium refracto, percutiuntur. Adde, quod cordis impulsus, cum in omnibus arteriarum truncis & ramulis sufficiens sanguini esse debeat, ad

ad divisiones singulas quasi partitus imminuitur: adeo ut ultimæ divisiones capillares arteriosæ videantur venæ, non solum constitutione, sed & officio, & sensibile pulsum aut nullum aut nō semper edant, nisi cum pulsat cor vehementius, aut arteriola in quavis particula dilatata, aut aperta magis est. Inde fit ut in dētibus quandoque & tuberculis, quandoque in digitis sentire pulsum, quandoque non possimus. Unde pueros (quibus pulsus semper sunt celeres & frequentes) hoc uno signo febricitare certo observavi, & similiter in tenellis & delicatulis, ex compressione digitorum, quando febris in vigore esset, facile ex pulsu digitorum percipere potui.

Ex altera parte, quando cor languit.

languidius pulsat, non solum, non in digitis, sed nec in carpo, aut temporibus pulsum sentire contingit, ut in lypothymia, hysteri-
cis symptomatibus, asphyxia, debilioribus & morituris.

Hic ne decipiantur, monendi sunt Chyrurgi, quod, in amputatione membrorum, tumorū carnosorum excisione & vulneribus, sanguis vi prodeat quidē ab arteria, sed non semper cum saltu exeat; & quod exiles arteriæ nō pulsant, præsertim si ligatura compressæ fuerint. Præterea quod vena arteriosa non solū arteriæ constitutionē & tunicam habeat, sed **quod tam multū, in crassitie tunice,** non differat à venis, quam aorta; ratio est, quia majorem à sinistro ventriculo impulsū sustinet
aorta,

aorta, quā illa à dextro ; ideo tanto molliori tunicarū constitutione, quam aorta est, quanto dexter ventriculus cordis, & pariete & carne, sinistro infirmior ; & quantum pulmones in textura & mollitie, ab habitu corporis & carnis recedunt, tantum differt venæ arteriosæ tunica, ab aortæ. Semper hæc omnia ubique proportionem servant, in hominibus, quanto enim magis torosi, musculosi & durioris sint habitus, & cor habeant robustum, crassum, densum, & fibrosum magis ; tanto auriculas & arterias proportionabiliter in omnibus, crassitie & robore habent magis respondentes.

Hinc quibus animalibus, leves ventriculi cordis intus sunt, absque

que villis, aut valvulis & pariete tenuiore (ut piscibus, avibus, serpentibus, & quam pluribus generibus animalium) in illis arteriæ parum aut nihil à venis differunt in tunicarum crassitie.

Amplius pulmones tam ampla habent vasa, venam & arteriam, ut truncus arteriæ venosæ, excedat utrosque ramos crurales & jugulares: & tanto referti sunt sanguine, ut per experientiam & autopsiam, monitu etiam Aristot. (neque decepti inspectione eorum, quæ vidimus in dissectionis animalibus) scimus, quod ex eorum vulnere sanguis totus effluerit: causa est, quia in pulmonibus & corde promptuarium, fons & thesaurus sanguinis, & officina perfectionis est.

Cur

Similiter arteriam venosam, & sinistrum ventriculum abundare videmus (in Anatomica dissectione) tanta copia sanguinis, & ejusdem quidem coloris & consistentiæ, quo dexter ventriculus & vena arteriosa replentur, similiter nigricante & grumescente: quoniam illinc huc continenter peragrat pulmones sanguis.

Denique vena arteriosa dicta, vulgo constitutionem arteriæ, arteria venosa venæ, habent: quia revera, officio & constitutione & omnibus, illa arteria, hæc vena est, contra quam vulgo creditur. Præterea vena arteriosa tam amplum habet orificium: quia multò plus defert sanguinis quàm alendis pulmonibus sit necessarium.

Hæc

Hæc omnia phænomena inter
dissecandum observanda, & plu-
rima alia, si rectè perpenſa fue-
rint, antè dictam veritatem vi-
dentur luculenter illustrare, &
planè confirmare, ſimulque vul-
garibus opinionibus adverſari:
cum, quam ob cauſam ita conſti-
tuta ſint hæc omnia, diffici-
le cuiquam admodum
ſit (niſi quo nos
modo) expli-
care.

F I N I S.

[illegible]

2 1 4 1 2



JACOBI DE BACK

apud Roterodamenses

Medici ordinarii

Dissertatio de Corde,

In qua agitur

DE NULLITATE SPI-
RITUM,

DE HÆMATOSI,

DE VIVENTIUM CA-
LORE, &c.

Premissum

AD LECTORES AL-
LOQUIUM,

Annexa

Appendix pro circulatione
HARVEIANA.



ROTTERDAMI,

Ex Officinâ ARNOLDI LEERS.

c1o 1o c XLVIII.

In Exercitatione Anatomicâ ,
mendæ , quæ irrepsērunt ,
sic emendandæ.

(*) 4. *versâ* , lin. 8. lege in habitum.
(*) 8. lin. 13. lege Polo. (*) 9. *versâ* , lin. 8.
lege Medicinæ. (*) 12. lin. 2. lege specile-
gium. eâdem pag. lin. 12. lege nullius. Pag. 6.
lin. 21. lege externo refrigerium. Pag. 36.
lin. 12. lege sanguinem. Pag. 39. lin. 9. clau-
dens parenthesis ante ab ponenda. Pag. 42. lin. 3.
lege omni. Pag. 43. lin. 13. lege rentionem.
eâdem pag. & lin. lege pulsus. Pag. 66. lin. 9.
lege perfectionem. Pag. 89. lin. 17. lege hic.
Pag. 96. lin. 20. lege fatigetur. Pag. 105. l. 22.
lege tunicæ. Pag. 106. lin. 3. tollantur duo
puncta : Pag. 112. lin. 2. deleatur convenit.
Pag. 115. lin. 5. lege Excisione. Pag. 117. l. 9.
à musculorum. Pag. 185. lin. 3. lege laxatio-
ne. Pag. 214. lin. ultima deleatur cur.



*Reverendo Doctissimo Viro***GUILIELMO****HARVEIO****Medico Regio.**


Cogitanti mihi sub cuius
 nominis præsidio, nostra
 hæc de corde dissertatio
 lucem visura, honestius &
 majori cum decore, prodiret; nullo
 eam melius & potiori jure, dicendam,
 imo decorandam putavi, quam si non
 perituro tuo nomini, Doctissime Har-
 veie, consecraretur: nulli quam tibi
 decuit offerri, siquidem tibi soli in
 illam jus est, tibi soli sui ortus debet
 principium, te sine lucem non vidis-
 set, neque in publicum prodiisset un-
 quam: fateor candide, nisi tuo inven-
 to excitatus, invitatusque, neque ve-
 teris doctrinæ limites egrediendi, ne-
 que partium mihi naturam ulterius
 investigandi unquam data fuisset oc-
 casio. Eam itaque tibi lubens meri-
 toque

A

tóque dedico & voveo : in quo duo mihi præstare videor ; animi enim mei gratitudinem ostendo , Doctissimusq; Vir, incomparabili ingenii sui acumine acquisitæ doctrinæ fructus partem nanciscitur. Paucum equidem, ex nostra hac oblatione, tuo nomini, quod jam per integram Europam notum, ad Indos & longè diffitos orbis tractus, cælo evchitur, accedit ; plura debere scimus, sed quia in magnis voluisse sat est, sufficiat cum nostra hac dissertatione, dum majora facere non detur, oblatum tibi gratum animum. Petitionem oblationi annectimus enixè rogantes, ut quas penes te innumeras, tuâ diligentia reperitas, circa humani corporis fabricam, observationes habes, uti ex tuo edito examine liquet, earum nos participes facere, & communi usui exponere, omnesque veritatis amantes tibi multò devinctiores reddere, digneris ; præcipuè verò tuum

J. DE BACK.

AD



A D

LECTORES ALLOQUIUM,

In quo tractantur honores & reverentia artis inventoribus debiti : sentiendi libertas pluris habita : artis medicæ fundamentum veritas : Harveius circulationis sanguinis author : hac multa veterum statuta inversa : authoris scribendi causa : Medicinæ compendii brevis norma.



Vanti apud antiquos habiti, qui, sedulo nitentes, communi bono & concivium salutis invigilantes, coevis posterisque suos labores & inventa communicarent, statuta anti-

A 2

quitus

4 AD LECTORES

quibus præmia, tributique honores satis
 luculenter ostendunt. Medicina inven-
 tores inter Deos, qui studiis, liberali-
 busque artibus excellere inter Musas
 Pernaſique cultores numerati, divinis
 omnes honoribus afficiebantur. Hac
 semper, urbium, rerumpublicarum,
 regnorumque fundatoribus, cura fuit,
 ut hujusmodi præmiis tamquam ab-
 lectamento & stimulo ad meliores ar-
 tes & scientias subditorum ingenia in-
 citarent, nec in eo acquiescentes, sed
 magnâ ipsorum opera pluribus in locis
 instructa ades, quibus publicis alendos
 sumptibus, lautisque additis præmiis,
 doctrinâ excellentes ad se allicerent ex-
 traneos. Sunt & erecta ad erudien-
 dam juventutem gymnasia, quæ præ-
 ceptorum doctrinâ imbuta ad similes
 tendens honores, veterum inventis sua
 superaddere novis præmiis invitabatur.

Neque

ALLOQUIUM. 5

Neque artium inventorum meritū honoribusque posterorum sedula diligentia & conatu quippiam derogari iudicabatur, quasi, non integram, aut omnibus absolutam numeris, tradidissent artem; satius erat, ab ipsis jacta esse fundamenta, quibus tamquam tramite & via pedibus insistere artis filii, uti in scientiis aptè erudiri, vel sciendi amore seu desiderio flagrantes ad multò altiora evehi possent. Ab excusatione divinus Senex aphoristicam doctrinam incipit, Vita brevis, ars longa: bene pensā re, non solum unius vitam, sed omne ævum artis nostra longitudo superavit, quæ perfectionem nondum adhuc nacta, eandem apud posteros inveniet fortè nunquam; tam præcepti perscrutandi occasio, tantaque iudicandi difficultas est! præcipuè si certis animi devincti regulis ulterius ad verita-

6 AD LECTORES

tem indagandum excurrere impedian-
 tur. Hippocratis non satis æstimandus
 interpret, lib. 3. nat. facult. cap. 10.
 quisquis (non artis perfectionem sum-
 mam) quid supra vulgum scire de-
 siderat, ait, non naturâ modo, sed
 doctrinarum rudimentis præstare
 cæteris, veritatis tanquam infa-
 no amore teneri, nocte dieque
 contendere, quæque à clarissimis
 viris tradita sunt discere, judica-
 re, multoque tempore explorare,
 ac quæ rebus sensui patentibus
 consentiant, quæque rursus dis-
 sentiant considerare debere. Præ-
 terea idem Galenus tanti inquirendæ
 veritatis libertatem æstimat, ut 6. epi-
 dem. 4. aphor. 7. tyrannidem vocitet
 alicui sententiæ sine demonstrationi-
 bus decentibus quempiam teneri velle.
 Etiam 6. epid. sect. 2. aphor. 17. acri-
 ter

ALLOQUIUM. 7

ter reprehendit magistro sese alligantes & sine examine dedentes : Qui alicujus, inquit, seipso vel servos, vel liberos pronuntiarunt, hi, ubi scriptum ab ipso aliquid inventum est, confestim comprobant, tum temerè, tum inconsultè. Manifestum ex hisce est quam candide veritatis lucem clara hæc Medicina lumina, in artis Iatricæ decorem, & communem hominum salutem, dilexerint, ut veritatem inquirendi, rationes scrutandi, & de re qualibet ipsis ducibus sentiendi libertatem, tyrannidi & servitio præferant: horum enim claustris confractis & sui juris reddita (secundum Lucret.)

Vivida vis animi pervicit, &
extra

Processit longè flammantia mæ-
nia mundi :

A 4

Atque

8 AD LECTORES

Atque omne immensum peragra-
vit mente, animoque.

Unde refert nobis victor quid pos-
sit oriri,

Quid nequeat ; finita potestas de-
nique cuique

Quanam sit ratione ; utque altè
terminus hæreat.

*In horum Heroiùm relictâ doctrinâ, à
tenerâ adolescentiâ instructus & quasi
educatus, tradita ab ipsis dogmata seriò
sum amplexus, & quasi religio fuit ea
defendere : & merito, si quidem artis
Patres ejusdem nos filios crearunt : iis
debemus, quod in arte profecimus ; &
cognitionem, ad quam sumus eveñti,
ipsorum adjumento & traditorum ope,
acquisivisse fateri cogimur. Præterea
juramento Hippocratico astricti artis
filii sese invicem fratrum & quorum
auxi-*

A L L O Q U I U M. 9

*auxilio artem addidicere, parentum habere loco tenentur. Si itaque patri honorem & reverentiam debet filius, quid ni nos artis filii nostros patronos & genitores revereri colereque tene-
mur?*

*Horum monitu fixum mihi immo-
tumque in animo semper habui ad Do-
ctoratus honorem admissus, nihil in
praxi tentare, nisi ad hoc rationis exa-
mine inducerer; vel si ab alio quid-
quam benefactum dictumve audirem,
quin de re obviâ rationes investigare,
quibus ad minimum mihi ipsi satisfac-
eret, conarer. Tali mihi instructo ani-
mo, ante annos circiter quindecim con-
tigit in manus incidere Guilielmi Har-
veii exercitationem anatomicam de
motu cordis & sanguinis, cum jam
ante quinque vel sex annos in lucem
prodierat, quamplurimis insignis da-*

A 5

Stri-

10 AD LECTORES

*Et*rina viris in sententiam tractis. In hac (relictis plurimis veteris doctrinae statutis, cuius ego fundamenta jeceram) sanguinem non per venas ab hepate in singularum partium nutritionem, eandem attractione, moveri; sed, à corde per arterias, eundem, in totum corpus dicto usui, impelli, & superfluum per venas remeare, ut in corde denovo refocillatus (sic illi visum) & novis imbutus spiritibus, omnibus membris deintegrò reportaretur & circulari motu continuo sapius, idque parvo temporis spatio, reduceretur per eandem viam. Hanc ego rem novam examino, quæ primo aggressu facile refutari posse videbatur, sed iustâ exagitata trutinâ, adhibitâ cum ratione autopsiâ, inexpugnabilis, imo cogente veritatis stimulo, ambabus amplectenda ulnis reperiiebatur. Quid faciendum? Anne relin-

A L L O Q U I U M. IX

relinquendus Hippocrates, postponendusque Galenus? Minimè: si veritatem, rationibus, ipsisque sensibus munitam, sectamur, sumus Hippocratis, sumus Galeni. Nihil contemnendum, ait Senex, nihil judicandum temerè. Clarissimorum virorum scripta, hic, anne sensibus pateant, anne dissentiant, examinare jubet: veris fundamentis rationalis & dogmatica Medicina nititur, & nisi quod veritate comprobatum, firmum stabileque judicandum est. Accrevit indies hæc primo putata in Medicinâ hæresis, ut non solum Angliæ nativi soli Academiæ, sed & Germaniæ, Galliæ, Italiæ, & Belgii nostri Vniuersitates perambulaverit, & præter ingentem doctissimorum virorum numerum, etiam Professores pluribus in locis sibi addictos reddiderit: quorum nonnulli publicis

lectionibus, disputationibusque, nec non editis scriptis opinionem hanc tandem divulgaverunt perquam magno studiosorum applausu; uti vix reperias creatum Doctorem, cui sanguinis circulatio non innotescat, imo arrideat. Sed quemadmodum, ex uno supposito vero, mille desumuntur consequentia, cum ratione convenientes; atque, uni destructa, positiones innitentes mille vacillant & corruunt: sic contigit concessio, statutoque, sanguinis circulatorio motu, innumera veteris doctrinae statuta inverti; unde totus docendi ordo turbatus, præposterè & sine certâ methodo doctrina omnino cōfusè instituitur & addiscitur, quam, positionibus catenatim coherentibus & certo ordine instructis, stabiliri decet. Hac ratio est, quod omnes in aliquibus non satis convenientes, aut in causâ motus sanguinis, aut in ejusdem modo,

modo, aut in effectu dissentiant: vel rem tamquam nimis laboriosam & collegis invisam, ulterius non investigantes, relinquant; cum prius, rationibus & autopsia adducti & evicti, Harveii inventum de motu sanguinis suscepissent, & editis scriptis approbassent. Mihi verò cum hujus rei examen negligere, aut vacillantibus insistere pedibus, non satis decorum videretur; rationes, quo usque meo animo satisfactum foret, versare & perquirere suscipio, & partium actiones & usus, novo examine indagando, destructum ordinem brevi methodo redintegrare & illustrare tento. Sed cum tanto hoc non peragitur silentio, quin inter collegas, aliosque familiares ea de re quam sapissimè sint orti sermones; quin etiam in anatomicis demonstrationibus aliquando, qua de circuitu sanguinis oc-

CUR-

14 AD LECTORES

current attacta sint & ventilata : unde accidit, cum nonnulli ea, idque seria disquisitione, perscrutarentur, semper novis occurrentibus dubiis, ut à me sedulò & amicè petierint, ut, quæ de materiâ hac præmeditata haberem, publicis scriptis in communem usum divulgare vellem : quod quamvis mihi senescenti molestum foret, secundo supra trigesimum jam ferè elapso anno, quo me praxi dedidi, & , uti fit, theoreticam aliquo modo Medicinam reliqui, (si eam hac de circulatione materia non resuscitasset) & tam propriis negotiis, quam praxi occupato vix tempus superesset, quod huic operi largiri possem ; ut tamen amicis complacerem, me invitum recusantemque sivi exorari tandem, ed usque, ut Eximii Viri D. HARVEII, de cordis & sanguinis motu, tractatui, quem de novo

A R-

A L L O Q U I U M. 15

ARNOLDUS LEERS Biblio-
 pola vigilans praelo excudendum com-
 misit, quod ad eandem materiam fa-
 ciat, aliquid adderem. Dissertationem
 itaque de corde scribere sum aggressus,
 partim, quia cum Doct. Harveii ma-
 teria convenit; partim etiam, quia cor-
 dis examen esse exactius tractandum
 & seduliori curâ perscrutandum exi-
 stimo. Hujus enim opinata excellen-
 tia & splendor, tantum, cum Medico-
 rum, tum Philosophorum veterum &
 neotericorum mentes, tanquam fasci-
 no, devinxit, oculosque occaecavit, ut
 clarum veritatis lumen non videntes,
 nulla, nisi obscura & imaginatione con-
 cepta, pro veris recipiant. Mentibus
 itaque hasce caligines & cataractas
 oculis adimere dum aggredior, ne mihi
 imponatur unice rogo, me veteribus suos
 honores, artisque patribus debitam re-
 veren-

verentiam, fraternamque cum artis filiis concordiam velle diminuere, si pauxillum, quod mente concepi, tamquam in concilium vocatus, quando de reformanda Medicina methodo agitur, in medium adfero. Ne vero eam magis turbare velle videar (veluti si circulatorio motu introducto anima naturales & vitales confundi facultates mihi non satis sit) & veterem de corporis œconomia doctrinam omnino rejicere, & negatis spiritibus Hippocraticam corporis humani divisionem, ab omnibus hac usque receptam ejusque doctrina fundamentum, me invertere, accuser; isti malo fore remedium confido, si de eo in ipso me limine excusem & liberem. Analitica docendi methodus, ad humanæ naturæ indagationem explicationemque, semper commodior Medicina proceribus dum visa fuit,

A L L O Q U I U M . 17

fuit, ex Hippocratis scriptis divisionem desumpsere, quâ corpus in continencia, contenta & impellentia partiuntur. Continentia vocarunt partes solidas, contenta humores, impellentia spiritus. Sed quia, spiritibus quæ adscribitur substantia subtilitas, mobilitatem quidem & ad motum promptitudinem inducere possit, non vero activum motum; præterea quod, si aliqui dentur, contentorum nomine mereantur; vita etiam destituti, uti ab alio moveantur, necessum habeant; si divisionem suam firmam stabilitamque velint, aliud quid quærendum est, cui impellendi vis & potestas competat meliusque quadret. Fiet hoc, si viventem hominem in continens, contentum & impellens divides: per continens intelligendo corporis massam solidam, prout ab Anatomico tanquam subje-

ctum

18. AD LECTORES

Etum tractatur ; per contentum, sanguinem sive alimentarium humorem , prout à corpore sive substantia solida continetur. Neque est, quod inferamus, plures in corpore reperiri humores, cum omnes, quotquot sunt, faciant ad sanguinis constitutionem; vel enim concurrunt tanquam partes constituentes; vel ejus excrementa inutilia ad excretionem separata sunt. Impellentis nomine non spiritus, sed incorporea anima est insignienda, quæ, nam inepta contineri, est in toto & qualibet parte tota, cum omnibus suis facultatibus: ab hac omnis impetus & impulsio; hac vivificante & impellente, partes dispositæ actiones edunt & peragunt.

Generalem de homine doctrinam Antropologiam voco, partes cujus statuo, secundum hanc divisionem, Psychologiam, Somatologiam, & Hamatolo-

A L L O Q U I U M . 19

tologiam, in anima, corporis & sanguinis doctrinam: ab anima enim impellente, corpore disposito operante, sanguine adjuvante, seu tamquam medio concurrente, omnes, quotquot in homine spectantur, tam occultæ quam evidentes, peraguntur functiones.

Psychologia doctrina est, quæ animam humanam, ejusque effectus rimatur. Hæc est hominis pars motuum functionumque omnium insita causa, sine quâ homo constare non potest.

Animatum (forte animal) hinc dicitur, quidquid in se motus principium habet. Pro actionum & effectuum in corpore elucescentium diversitate, diversas animæ ponimus potentias & facultates.

Facultas est animæ agendi functionesque edendi per corporis actiones semet exerens vis & aptitudo.

Ani-

20 AD LECTORES

Animam in corpore tria præcipue moliri cernimus; vitam nimirum, vitam meliorem commodioremque, & tandem perennem: pro tribus hisce actionibus, tres ei præcipuas adscribimus facultates, sub quibus dein reliquas tamquam inservientes comprehendimus.

Vitam dum corpori anima procurat, illam vim, facultatem vitalem sive naturalem aut etiam vegetativam nuncupamus; fluxile verò, quod ipsi assiduo deperit, tamquam œconomus, novo pabulo resarciendo, quia sustentat & auget; œconomicam dicimus.

Hanc dividimus in præparatricem, dispensatricem & assimilatricem, quæ, magna ex parte, hac nostra dissertatione ventilabuntur.

Meliorem corpori vitam largitur, quando, sensu & motu, atque omnium maxime rationis beneficio, id decorat.

Ani-

ALLOQUIUM. 21

Animalem hanc vim, quâ à vegetabilibus animalia discernit, vocamus; ab hisce verò hominem, rationalem.

Perennem & perpetuam vitam dum in individuo, ob substantia, unde componitur, ineptitudinem, conservare non potest, id in alio, novam speciem producendo, efficere anima conatur, quam facultatem procreatricem appellamus.

Anima potentiis partes, quibus ea exeruntur, appropriatae sunt, quae veluti etiam humores, ab illa elaborantur & perfectionem acquirunt.

Quamobrem, cum animae facultatibus numeratis, functionum seu partium actionum etiam numerus sit evidens, easque opera & effectus consequantur, si Psychologiae brevibus verbis ordinem complexerim, eundem & in ceteris me demonstrasse confido.

*Antropologicā hanc scientiam quia
merè*

merè physica physiologiam, quæ verò affectuum doctrinam comprehendit, si-
 ve naturales, sive præternaturales sint,
 pathologiam appellandam existimo. Il-
 lis actiones corporis perquam benè per-
 aguntur; hisce verò læduntur; in hac
 classe de morbo, ejus causis & acci-
 dentibus; in illa de sanitate, causis &
 similiter accidentibus ejus agitur. Cu-
 rat autem therapeuticus sanitatem
 conservando & deperditam, si Deo
 visum, restituendo.

Compidiosa cujus norma narratio-
 nem dissertationi nostræ præmisimus,
 ut, quæ in ea examini subjicimus, non
 sine methodo prodire notum sit: in quâ
 etiam brevitatis adeo fuimus studiosi,
 ut illa, quæ in rerum obviarum descri-
 ptionibus ab aliis tradita & dilucidè
 satis explicata sunt, repetere super-
 fluum judicando prætereamus, eaque
 sola,

*sola, quæ ratione fulta à vulgò receptâ
opinionè discrepant proferamus. Po-
tuissem hæc phylologico.comitu & diser-
tiore stylo exornata prodire: sed*

Nobis non licet esset tã disertos


Musas qui colimus severiores.

*Neque etiam decet, materia enim hæc
tam longe à communi sententiâ diver-
sa, narrandæ fabulæ in modum, prolata
videretur: veluti faciunt, qui res viles
& abjectas, culicem, pediculum, asi-
num, rarâ eloquentiâ, quam summis
laudibus extollere gestiunt; aut absur-
da & sensuum omnium iudicio falsa,
veluti, mulieres non esse homines, aut
res multò absurdiores non solum defen-
dere, sed fucatis & sophisticis argu-
mentis veritatis similitudine vestire
conantur, ut per ea ingenii alacrita-
tem & in doctrinâ excellentiam osten-
tarent. Tale mihi in animo nunquam
fuit,*

24 AD LECT. ALLOQ.

fuit, neque aliâ de causâ quam amicorum instantiis adactus, nullâ arrogantiam aut contradicendi desiderio, sed solo veritatis studio inductus, hac ad veritatis, semper uniformis sibi que similis, incudem, regulam generalissimam & omnium normam, nullis sophisticis argutiis aut incognitis fictisve vocabulis obscurata, examinanda offerimus. Quæ rejicite, si veris rationibus & autopsiâ minime munita, si verò consideratione ea digna & amplectenda judicaveritis, iis fruimini & valete.


JACO-



JACOBI DE BACK
Dissertationis de Corde,
Sectionis primæ,

C A P U T I.

*De re quapiam laturus sententiam qualis : cor
 nondum bene perscrutatum : quanti illud æsti-
 marint veteres : ejus etymii expositio : unius
 partis in aliam nullum dominium : cor pars
 servilis : facultates non influunt.*

 U I de rei alicujus ve-
 ritate laturus senten-
 tiam est, neque illu-
 stris cujusdam viri au-
 thoritate, neque opinionis prius
 receptæ amore, neque ullius rei
 studio, moveri, sed iis, quæ ocu-
 lis videntur, manuum tactu perci-
 piun-

B

piun-

piuntur, & ab ipsâ autopsiâ depromptis rationibus confirmantur, fidere debet: quod solius imaginationis inventum, nullo sensu stabilitum est, licet communiter & ab omnibus ferè receptum sit, non adeo adhærere tenetur, quin potius evidentia, perceptibilibus, sensilibusq; rationibus comprobata amplectere velit.

Ratnm hoc ante omnia fiet, qui cordis fabricam, motum, & usum, veris certisque rationibus examinare statuit.

Momus Jovis opera reprehendens, inter cætera, fenestram in humano pectore requirebat, per quam, & cor, & quod in eo lateret conspici posset: sed toto aperto pectore, ipsoque corde viso, revisoque toties, tam vivo quam
emor-

emortuo, sedulis etiam & accuratis doctissimorum virorum exercitationibus, observationibusque adhibitis, decertatum nihilominus est ante nostra secula in hoc usque ævum, neque adhuc de illius motus causâ, effectu & usu inter viros graves & doctrinâ illustres convenit.

Sunt qui à semel receptâ opinionione nunquam desistentes, cum multis errare malunt, quam cum paucis bene sentire: alii relictâ autopsiâ, ea sequi gaudent, quæ neque visa, neque sensibus ullis comperta sunt unquam: quibus tamen tanquam fundamentis superstruunt innumera, quæ non aliter, quam è tripode Apollinis prolata, à viris equidem eruditissimis, sed etiamque sedulò amplectuntur, at-

que acriter sua quisque omni zelo, allatisque rationibus defendere pergunt : ut dubitares, cuinam parti palmam tradere debeas.

Præbuit nuper clarissimus ingeniosissimusq; Guilielmus Harveyus, Angliæ Regis Medicus peritissimus, & anatomes in Londinensi collegio Professor eximius, invento suo de cordis & sanguinis motu, occasionem ex hoc labyrintho tamquã Ariadnes filo evadendi : nisi ipse author, in servando veterum placita curiosior, cordi attributum principatum nimis religiosè esset veneratus.

Accessit, quod ævum hoc acutissimorum ingeniorum ferax, tam in arte nostrâ quam philosophiâ excellentium, obtulerit nobis incomparabili ingenio virum, extra-

traneum quidem, sed in hoc nostro Belgio degentem, qui doctissimis suis scriptis quamplurima veterum Philosophorum placita rejiciens, aliaque luce clariora dogmata exhibens, novam nobis de causâ motus cordis opinionem fabricavit, à Venerandi Guilielmi Harveii statuto nonnihil decedens, & quamvis cum illius de sanguinis circularis motus invento consentiat, in cordis tamē motus causâ non convenit, anne jure inter alia, quæ ante hac de corde tradita sunt, examinare aggrediar.

A longo jam ævo audivit cor, non tantum vitæ sed & universi corporis unicum esse principium, in quo suum Anima cæpit domicilium; & è quo tanquam fonte facultates & spiritus vitales scaturiunt.

riunt. Platoni hic irascibilis, Aristoteli verò vegetantis, sentientis, & ratiocinantis animæ sedes stabilitur. Præterea humidi officina, calorifque nativi focus & fomes, nostri corporis sol, cujus influxu omnia viscera calent & recreantur, esse gloriatur : adde : hic, ut ajunt, artificiosus Zenonis ignis continetur, hic divinus & cælestis calor servatur, quem Prometheus è cælo furatum, ut hominem vita donaret, Poëtæ fingunt; atque ideo primum movens primusq; motor dicitur, primaque & unica, si non conficiendi, saltem perficiendi sanguinis officina.

Propter tot dotes, tantasque dignitates totius corporis pars nobilissima, quæ digniorem sedem obtinens, tanquam monarcha proclama-

clamatur, microcosmici imperii habenas solus administrans.

*Haud multos regnare bonum est,
Rex unicus esto.*

Hinc cor à Græco κῆρ, contracto ex κίαρ, quod à κεν uro derivant: & Græcum καρδιαν, quasi κείρταν à quodā dominio & principatu dictum volunt: cū potius à verbo καρδαινα quod est moveo, vibro, deducatur: benè vernacula nostra lingua **hart** appellatur, quod durum Latinis sonat, quia inter partes molles & carnosas durum est: vel quia (nam **harden** durare significat) in actione sua & motu, sine fatigatione perseverando, durat.

Hiscē honoris titulis, imò pluribus, si non divinis & supernaturalibus (nam, cordis calore, sine

animæ adjumento , actiones in corpore omnes, præter cogitare, exeri, creditur) tanquam *Æsopica cornicula* aliarum avium amicta & decorata plumis, ab authoribus exornatur cor, tantâ confidentiâ & zelo, ut religio foret obloqui vel contradicere : sed videamus, an ne (quemadmodum illa, cum singulæ aviculæ jure merito suas repeterent plumas, exuta & nudata saltare non desiit) plus quam saltus ipsi superfuerit, cum, & anima & partes aliæ, sua receperint.

Unius partis in aliam principatum explodit Phrygius *Æsopus* in suâ, de membrorum pro primatus dignitate altercantium certamine, fabulâ.

Sed seriò : quomodo imperabit, quod ipsum agenti animæ pro
instru-

instrumento inserviens, toti corpori, omni tempore, sine mora, famulari natum est, & non aliter quam asinus molam trahens, prout instigatur tardius aut velocius, vel pro viribus fortius aut debilius, procedit?

At dices cordis operâ in vitâ, nos indigere non posse : vitamque à cordis motu incipere. Idem evenit in organi lusu, ubi famulus tubos & fistulas follibus primùm inflat, neq; sine istâ inflatione luditur, non tamen ille, sed qui sonos ritè modulatur, ludere dicitur.

Primatus, major dignitas, & perfectio, non ideo alicui parti competit, si ejus operâ prius anima indigeat, aut si ante alias fabricata sit : ostendunt suo exemplo hoc, umbilicus & secundinæ

34 DISSERTATIO

(fætus enim partes sunt) ante alia membra & ipsum cor formatæ, fætu verò perfecto & in lucem edito, indignæ & inutiles abjiciuntur.

Perfectiora non primâ aggrissione, sed morâ & longiore tempore talia evadunt.

Asserere facultates à parte quâpiam influere imaginarium, si non à ratione alienum: illæ enim, animæ ubique præsentis, ad agendum potentiæ sunt: hæc in toto & qualibet parte tota judicatur esse, cum omnibus suis facultatibus; & ubique, modo apta inveniat instrumenta, corporis omnes, tamquam artifex, actiones edere in confesso est.

Membra ejusdem animæ organa suam ad agendū aptitudinem,
cordi

cordi non magis , quam cæteris partibus , cum quibus communitatâ fruuntur, referre possunt: similitudinem temperiem , dissimilitudinem conformationem aptâ formâ, situ, numero & magnitudine constantem ; & utriusque convenientem unionem , à corde vel parte quapiam in aliam influere, neminem credere existimo.

Hæc & alia lævia sunt neque multifacienda tanquam rixæ inutiles: sed, spirituum elaborationem, sanguinis perfectionem, peculiariterque implantatum calorem, duarum priorum, ut & actionum omnium (quemadmodum censent) authorem, cordi attribui non posse, si evincatur, omnes facilè ipsi affectæ præeminentiæ evertentur & corruent.

CAP. II.

Spiritus etymii acceptio : ejusdem veterum definitio : in corpore tale non reperitur : veluti triplex in qualibet parte substantia, sic etiam in sanguine : spiritus & calor male confunduntur : spiritus substantia à sanguine inseparabilis : spiritus anima & corporis non est vinculum nec anima instrumentum proximum : animalis facultas per spiritus non ducitur in actum : quomodo sensationes fiunt.

Spiritus etymon variè accipitur, sed, qui hic in considerationem venit, nonnullis definitur : corpus tenuissimum, ac subtilissimum, calidum & purissimum, ex tenuissimâ & maximè sincerâ parte sanguinis genitū. Vel aliis, est substantia tenuissima & rarissima, ex sanguinis vapore & aëre genita, primum & proximum animæ in obediendis functionibus instrumentum.

Ex

Ex quibus definitionibus colligitur, spiritum esse substantiam quandam à sanguine diversam, per se & separatim subsistentem : quoniam ex ejus sincerâ & tenuissimâ parte ; vel ex ejus vapore & aëre genitus dicitur.

Sed ubinam, quæso, aliquid tale in corpore unquam repertum est ? deberet inveniri in corporis habitu, vel contineri vasis ei ascriptis, arteriis, venis, vel nervis : quod asserere imaginarium, neq; ullis demonstrationibus firmatum est.

In habitu, sive quâlibet parte corporis, consideratur quidem triplex substantia, spirituosâ, humorosâ, solidâ : sed illas separare est ipsam partis structuram invertere, non minus quam si, quod ex
qua-

quatuor elementis congestum est, in diversas ad sensum existentes substantias dividere, aliquis vellet: dissolutâ hac substantiarum compage, neque tantum viventis pars, sed corporis esse desinit.

Si in vasis reperiatur, erit hoc præcipuè ubi maxima ejus judicatur esse copia, in corde scilicet & arteriis. Sed Galeni autoritas, & experimentum ab ipsis sensibus petitum, cui maximè est habenda fides, contrarium edocet & nil præter sanguinem in arteriis contineri.

Si denudatam arteriam, supra infraque ligatam, inter duo vincula in longum aperias, nihil præter sanguinem invenies, tantâ copiâ effluentem, quantâ arteriæ capacitas comprehendere poterat.

Si,

Si, cum sanguine fluere, quis dicat, & tenuissimam esse partem illius, qui arteriis & venis continetur, facile hoc concedimus: sed interea concludimus, non esse aliquid à sanguine separatum; quomodo separatum esse posset, quod cum sanguine tam celeri motu agitur?

Credibile est partem esse æream, quâ dum destituitur, cruor, grumus & sanies vocitatur, sanguinis munere exequendo omnino ineptus, nam de substantiâ ejus est: hæc in sanguine etiam triplex est non aliter quam in qualibet parte, (crassamentum scilicet, humor, & spiritus) sed, sine formæ sanguinis destructione, inseparabilis.

Qui de spiritu differunt, cum
calore

calore adeo eum confundunt, ut, unum posse sine altero esse, negent : quin imo re & substantiâ unum esse, solâ ratione differre, totque calores esse, quot spiritus, debere statui contendunt; quemadmodum calor quidam fixus partibus singulis est connatus ab ortu primo, cujus ministerio naturales actiones eduntur; sic etiam spiritum à primis natalibus partibus singulis affixum & insitum esse omnium functionû ministrum; proinde, quot sunt partes substantiis & temperamentis differentes, tot esse spiritus fixos specie distinctos concludunt.

Sed quia hic singularum partium calor & spiritus, promptissimè & indefinenter evanescit, debuit, ut ajunt, à principibus
par-

partibus alius mitti, influens dictus, cujus continuo accessu, prioris jactura justè reparetur.

Quibus positis (quamvis calorem cum spirituosâ substantiâ sic convenire non concedimus) quæro, nam similia similibus nutriuntur & reficiuntur, quare sanguis, qui in vasis fluit, triplici dictâ substantiâ eâque inseparabili prædictus esse non dicetur? cum partes exinde constitutas nutriat & reficiat.

Neque statuendum existimo, spirituosam substantiam sine aliâ utrâque refocillari posse in nutritione, nisi suam partem ad justitiam proportionatam etiam accipiant.

Quæro etiam, cum spiritus, si-
ve substantia spirituosa pertineat
ad

42 DISSERTATIO

ad constitutionem partium & similiter sanguinis, quare distinctè considerabitur? nam, non coactè multiplicare entia, est præter omnium philosophorum edictum, & rationi repugnat.

Sed videamus cui bono, aut in quem usum spiritus hi animantibus datos existimant: ut sit animæ, ajunt, cum corpore vinculum; quia incorporea & immortalis hominis anima caduco corpori, nisi per intermedium, spiritum, copulari non posset.

Quasi verò substantia incorporea cum corpore solido nisi subtilioris interventu convenire non posset; dum tamen non majorem cum uno quam cum altero consensum habeat, omnino vana videtur esse illa assertio.

Ad-

Addunt proximum animæ esse instrumentum, quo actiones edit : sed anne hoc de insito, anne de influente dicitur? insitus de substantia partis est, five substantia ejus spirituosâ, quæ aliis combinata separatas actiones nullas edit : tribuitur solum partibus anima, ut, ad actiones edendas , impellens sit, non vero insitus spiritus : influens vero, dum non vivens, sed à sanguine inseparabilis sit substantia, nisi in partis substantiam cesserit, proxime nihil quicquam, ad actionem edendam , afferre potest.

Pars enim justâ temperie, concinnâ conformatione, & debitâ unionem instructa, animæ potentiâ vivificata, & sanguinis motu circulari calefacta immobilisque red-
dita

dita actiones quaslibet, meâ sententiâ, perficit.

Magna super facultates animales videtur posse moveri difficultas, quæ tam sensu quam motu peraguntur mediantibus nervis, hisce obstructis, compressis aut incisus, ipsâ parte manente integrâ, sensus tamen & motus tollitur, quia spirituum (uti asserunt) meatus impeditur; hi enim substantiæ tenuissimæ nervorû poros citissimè pereuntes & remeantes facultatem ad membrum & speciem sensibilem ad cerebrum gerunt & regerunt.

Re perspectâ & benè consideratâ itus ille & reditus spirituum, neq; etiam levissimæ auræ, quamvis liberæ, tam subitus, ne imaginatione quidem, esse posset.

Quare

Quare multiplicamus entia & confugimus ad non demonstrabilia? evidentia, quæ sensu percipi possunt, sectanda sunt.

Præstat, meo iudicio, id non à spirituum interceptione expectare; sed potius ab impeditâ, quæ cerebro cum nervis communis est, actione, mediante quodam, quo illi à cerebro imbuuntur, humore.

Nam censendum est, spiritus, non minus hic, quam alibi, substantiam esse spirituosam, è quâ nervi & succus nutritius, quo abundant, non aliter, quam aliæ partes, & ipse, sanguis compositi sunt; quæque, à carnosâ & solidâ omnino inseparabilis, sola subsistere non potest.

Sed ne quis dubitet de humoris hujus existentiâ, nervo vel punctum

Etiam solùm læso tantâ copiâ interdum exstillat, ut ab imperito Chyrurgo compesci vix possit.

Notandum enim, quemadmodum corpus continuò & indefinenter novo nutrimento refocillatur: sic & nervos perpetuò sine intermissione refici, non sanguine immediatè ex arteriis in ipsos deposito, quod fortè soli carni accidit, sed succo ipsis cum cerebro familiari, à quo eum copiosè accipiunt, tam ut ipsis cedat in nutrimentum, quam ut partibus aliis sensu præditis communicetur.

Nutrimentum à cerebro habere nervos præparatum evidenter demonstrant: primò quia sunt cerebro, ut & spinalis medulla, continui & sine læsione inseparabiles, & quasi substantiæ cerebri
me-

meningibus obducta portio, ut diceret cerebrum per totum corpus extensum esse.

Præterea quod nullas, visibiles ad minimum, arterias & venas habeant.

Neque de humoris hoc copioso proventu, qui continuò in nervos pulsu impellitur ; neque de impulsivâ vi in extremas partes eum moyente, quasi molle cerebrum tantâ potentiâ præditû non sit, movenda difficultas est : cùm per arterias carotides tantâ copiâ sanguis deferatur in cerebrum, imo multò majore, nisi foret in usum communem, quam indigeat ; tanta etiam vi impellatur, ut hoc, motu continuo pulsatorio, non aliter quam arteriæ ipsæ, inquietum pulset, & simul succum
sepa-

48 DISSERTATIO

separatoriâ suâ vi à sanguine (cujus superfluum venæ recipiunt) segregatum, vel suâ mole exprimente, vel sequentibus pulsibus moventibus, in nervos deponat.

Hisce positis facillimè concipitur quomodo moveantur sensus sive sensationes fiant.

Cerebrum in continuo existens motu, nervosque sibi habens continuos & per omnes sensibiles partes dispersos, cùm per eos alibilem succum movet, affectionem vel etiam levissimam ab objecto sensorio excitatam, etiam in parte extimâ, percipit.

Vix vel pars aliqua attingitur, vel visibili specie retina afficitur, quin inde cerebri motus alteretur: uti in chordâ extensâ, cùm
inter

inter pulsandum attingitur, sonum mutari animadvertimus.

Hæc actio cùm sit tam subita, (imo citior multo quam spirituum itus & reditus fieri posset) tamque perceptibilis & evidens; quis non judicabit plausibilis, & majori cum ratione statui debere (cùm hæc cerebri meningibus septi, &c. continua actio, nervis omnibus per partes sensibiles disseminatis, hoc nutritio humore mediante, sit communis) quando, propter nervi obstructionem, compressionem aut incisionem, partis actio læditur, id, ab actione illâ cerebri, cum nervis communi, læsâ procedere, quam ad imaginariam missionem & remissionem nullibi apparentium spirituum confugere: nam impeditâ nutrimenti im-

C

mis-

missione, cerebrum, quæ ultra ligaturam, aut nervi lēſionem fiunt, percipere, neque eo uſque voluntatem exerere valet.

Concludo itaque, cū neque in toto corpore talis ſubſtantia, quæ cum ſpirituū definitione convenit, reperiatur, neque quæ alicui fini ſpiritibus attributo competat, nec ſpiritus eſſe ullos, nec in corde elaborari poſſe, cujus rei plures rationes, quando in reſutandâ hæmatofi cordis occupabimur, ſeſe offerent, ad quod antequam deſcendamus operæ præſtium videtur, quomodo eam ordine peragi exiſtimo, narrare.

SECTIONIS II.

CAPUT I.

Sanguinis definitio: hæmatosis quid: quomodo peragitur: quomodo in fœtū exorditur: alendi aptitudo, non color, sanguinem facit: in una parte hæmatosis non perficitur: coctiones additione & detractione fiunt.

SANGUIS est venis & arteriis contentus, animalis naturæ familiaris humor, ad partium nutritionem, in se materiam aptam continens, toti corpori calorem, cum aliturâ, ad vitæ sustentationem administrans.

Humoris hujus elaboratio hæmatosis seu sanguificatio appellatur.

Duplici ea modo perficitur; prioris modi hæmatosis in ipsis partibus seu corporis totius habi-

C 2

tu per-

tu peragitur, quando sanguis multis reïteratis vicibus, corpus circulatorio motu permeando, multis in locis recrementa deponendo, partiumq; similitudinem tandem acceptando (neque potest ulibi melius similitudinem habere quam ab iis, quibus assimulari debet) præparatur, ut in ejus substantiam adaptari possit.

Alterius est noviter assumpti alimenti five cibi & potus præparatio, ut, cum priore mistus ad corporis penetralia sine noxâ admitti possit, ut ad nutriendum, cæteraque sanguinis munia præstanda, aptus reddatur.

Hæc, sine priori modo præparati sanguinis interventu, non perficitur; nam noviter assumptum non, nisi variis in locis requisitâ
addi-

additione , largâ dilutione , perfectâque mixtione subactum, tale evadit. A priore vitam inchoari , à secundâ verò sustentari incrementumq; sumere certum est.

In primo animalis exordio , quando omnia imperfecta & tam pusilla, ut soli Deo cognita, præ exiguitate, sensum nostrum effugiant , mecum colligo , humori primigenio sive prim' ingenito tantillum à matre advenientis humoris , quantum ejus exiguitas patitur, addi per vices & à calore homogenea congregante , separante verò heterogenea misceri & subigi, ut tandem ejus aliquantulū in venæ principium dilabens, illud in vesiculam attollat , quæ, dum renitens sese contrahit , vitæ conspicuum exorsum efficit.

Hoc processu, tantillo semper adveniente, quod priori usque diluitur & familiare redditur, hæmatosis inchoatur, & crescente animali ad vitæ finem perseverat.

Non existimo humori huic, tennello corpori apto, dum adhuc albet aut rubedinem nondum nactus est, sanguinis nomen quempiam denegaturum; nam alendi aptitudo, non verò rubedo, sanguinem facit: plurimum animalium sanguis non rubet; in adulatorum venis contentus magis vel minus sanguis esset, prout magis vel minus rubet.

Altera verò, quando assumptum alimentum in sanguinem convertitur, hæmatosis incipit: hoc enim à naturâ animalis omnino alie-

no alienum, per varias mutationes, quas coctiones vocant, familiare simileque primo debere reddi, ut in corporis substantiam cedere posset, notum satis est.

Omnes hæ coctiones in unum finem inservientes, aptando scilicet nutrimento, ut in sanguinem, corporis alituram, converti possit, hæmatosis causæ dici merentur: sed, cum à parte unâ tam diversæ functiones non peragantur, uni parti sanguificationem imponere est absurdum.

Galeno teste (de placit. Hippoc. & Plat. lib. 6. cap. 10.) *nulum perfectum & magnum opus, repente unâque aggressione fieri, totamque suam expolitionem ab uno naturali instrumento acquirere potest.*

Mutationum sive coctionum
C 4 harum

harum narrationem, quo scilicet ordine & modo, secundum meam opinionem, eæ peragantur, aggressurus solum, quæ fide merentur, quia cum autopsiâ, tum sensibilibus demonstrationibus, & ad probationem sufficientibus rationibus munita videntur, recitare decrevi.

Ante omnia scitum velim, quod nullam manifestam & stabilem, alimentû subeat coloris aut consistentiæ mutationem, nisi, vel additione rei utilis & convenientis, vel detractiōe inutilis & animantis naturæ repugnantis, eveniat: & quod nullâ in parte seu in membro, dici possit, coctionem fieri ad hæmatosin pertinentem, vel ad ejus perfectionem facientem, ubi alterutra additio aut detractio

tractio, vel utraque manifestè & evidenter non præstatur.

Hiscæ præmissis; in quibus partibus coctiones, & in quibus minimè fiant; quænam ad hæmatosin faciant & quæ non; nec non quæ perfectionem sanguini, quæve minimè tribuere potest; facillimè, & luce clarius innotescet: probationem sequens narratio, in singulis periodis, secum afferet.

CAP. II.

Alimenti prior coctio : mediante ventriculi humore ; non calore & contactu perficitur : ad cibi dilutionem non sufficere potum, qui ipse dilui debet : acidus sapor in ventriculo non à liene : anne aliquid à ventriculo feratur in liem : ejus usus.

A Ssumptum alimentum, oris salivâ aliquantulum imbutum, (ut tantò facilius ventriculi humorem admittat) linguæ, partiumque oris adjumento in œsophagum, atque ejus muscutorum, fibrarumque ope in ventriculum relegatur : ibi humore, quem interior tunica continuò exsudat, perfunditur, contrahendique ventriculi vi miscetur, quantumque potest subigitur.

Videtur, quò distenditur magis, eò rarior fieri dicta tunica ejus-

ejusque pori patentiores, & vice versa: quare major, quando aliquid in capacitate ad diluendum continet, humoris hujus affunditur copia, quam cum conciderit; tum enim & densatur, & diluendi necessitas tantum non urget.

A solo contactu colorem consistentiamve mutari, sine substantiæ additione vel detractiōe, ullâ naturali operatione visum fuisse non existimò: speculo alius ab objecti specie color induci videtur, & à calore aqua dilatatur, imò sævum liquatur: sed, recedente objecto & ablato calore, speculum colorem & quod dilatatum, liquatumve est ad naturalem consistentiam revertitur.

Calorem, quatenus homogenea colligit, & heterogenea dis-

jungit, ad coctionem facere confido; quamvis pisces, quorum interania & ipse sanguis frigent, escam integrè diglutitam cum ossibus perfectè digerunt, & sunt ultra modum rapaces.

Hujus sententiæ veritatē si quis ipsis oculis videre desiderat, justæ magnitudinis piscis stomachū intropiciat, quando alium integrum pro pastu ingurgitaverit, cujus, quoniam non totum corpus simul, sed partes exteriores & fundo ventriculi proximæ prius digestionē consumuntur, piscis diglutiti reliquias, aliquo elapso tempore, videbit, circum eas portionem digestam, & prope stomachi parietes, succum (mucosum quidem, sed escæ minus permixtum) noviter è tunicæ interioris poris,
suo-

fudoris instar, egressum ; ut eo magis dilutum, quod jam ferè digestum conspicitur, in intestina, per pylorum contrahendi vi ventriculi, protruderetur.

Decet equidem quod alienum est multo copiosoque humore familiari, ab ipso corpore deprompto, & qui novo allato nutrimento indefinenter sufficienterque restituitur, dilui (dum nullo melius modo simile reddi potest) ne dissimile ad penetralia permeans, nutriendas partes offendat : adde, quod, nisi in ventriculo cibus humore benè subigatur (dum alibi talis non reperitur, neque etiam talis uti in ventriculo elaborandi datur commoditas) primæ coctionis vitium non corrigatur postea à secundâ.

Sed

Sed ne quis à potu hoc fieri dubitet, certum est, ipsum etiam hoc succo semper dilui, antequam ventriculum egrediatur (non verò tam longo tempore ad hoc habere opus, siquidem citiùs mollia & potiùs liquida digeruntur crassius) nam aliquo post assumptione tempore vomitu rejectus crassior & muccaginosior conspicitur, nisi ventriculus malè affectus, & debilis coctionis fuerit, tunc enim liquidior & sæpe acidus prodit, quia benigno hoc succo destitutum ingestum omne acescit & corrumpitur.

Saporem hunc acidũ lieni plures attribuunt, immeritò equidem, dum ab hoc nil quidquam, neque limus, neque humor, neque spiritus acidus ad promoven-
dam

dam digestionē, aut incitandum appetitum, aliamve ob causam, ad ventriculū feratur : ratio est, quia nulla est via, neque ulli à liene in ventriculum immediati ductus.

Anne aliquid à ventriculo in lienem deferatur, asserere arduum est : scio existimare viros etiam graves & non contemnendi iudicii, portionem chyli tenuiorem sese insinuare in tunicarum ejus poros (simili modo quo imaginantur admitti ab intestinorū membranis & venis meseraicis tenue, quod post egressum è crasso residuo expressione separatur) & unà cum sanguine remeante per venarum gastricarum ramulos in lienem duci, ibique ex arteriis copiosissimis, in venas transeunti sanguini misceri, & à calore ejusdem

64 DISSERTATIO

dem lienis subactam, deinde per ductum splenicum, cum hæmorrhoidali in venam portæ & hepar confluere.

Hæc cùm obscura sint neque satis manifesta, iis adhibere fidem, aut contradicere non audeo: tunica ventriculi tantum videtur impedita emittendo humore ad coctionem requisito, ut suspicer, duobus contrariis motibus, è tunicæ poris in capacitatem, & è capacitatem in tunicæ poros, præcipuè dum chylicandum adhuc in eo hæret, uno eodemque tempore inservire non posse.

Nihil probat, quod venæ quæ in lienem feruntur ligatæ, in animali vivo, versus ventriculum intumescant; hoc enim omnibus venis ligatis est familiare detumescere

mesecere versus truncum, distendi
verò ramos.

Quantum ad illud ; venæ gastricæ in ramum inferuntur splenicum, & quidem in liene adhuc latitantem, sed lienis substantiam per eas missus sanguis non attingit, confunditur tantum cum ex eò egrediente, & cito motu, sine morâ in portam, diluendo chymo, è glandibus mesenterii ibi concurrente, fertur.

In hunc solum finem & usum (licet ipsi à viris doctissimis & Medicinæ proceribus plures attribuantur) lienem existimo fabricatum, ut scilicet sanguinẽ, quem copiosè à ramo arteriæ cæliacæ, (& præter sanguinem nihil, neque ab aliâ quapiam parte quidquam) accipit, per raram & spongiosam

66 DISSERTATIO

giosam suam substantiam percolatum, in portam deponat, ut ibi, unâ cum à reliquorum viscerum nutritione revertente, chymum paucû respectu affluentis sanguinis, suâ copiâ diluat : cujus tanta est necessitas, ut, quando obstructo liene, sanguinisque motu inhibito, chymus non aptè diluitur, corpus extenuetur à depravato nutrimento, lien verò, à stagnante sanguine, in majorem & molestam increascit molem.

CAP.

C A P. III.

Venarum lactearum usus : quis pancreatis : & glandularum mesenterii usus : chymosis vndior sanguificatio : quid chymus : sanguinis in jecore uterino præparatio : natura circa alimentum ordo.

IN intestina postquam est demissus chylus, peristaltico motu quod crassum est ulterius semper inovertitur, per rarum verò ipsorum corpus, variè arteriis & venis, tam vulgaribus quam lacteis, perforatum, quod tenue est exprimitur.

Hæ venæ scilicet lacteæ, in intestinorum sinu hiscentes, hoc, (præcipuè ipsarum maxima per pancreatis medium secundum longitudinem excurrens, manifesto & aperto ore, ipsi cum meatu biliario communi) lactis instar albicans

bicans in suos sinus admittunt, atque rursus à distentione sese liberare conantes, illæ in glandes mesenterii, hæc in pancreas elaborandum promovent. Manifestè hoc, cuilibet cum attentione & adhibitâ diligentia observanti, in canis vivi aperto abdomine, videndum se exhibet, ut nulli sit, quam propriis oculis, credendum.

Pancreas seu Callicreas, Pandenon alicui, nonnullis, propter candorem & mollitiem, lactes, dicitur. Corpus est carneum, enatum prope primâ lumborum vertebram, latum tres quatuorve digitos, à liene secundum suam longitudinem, humani ventriculi parti posteriori ejusque fundo subjacens, & renibus incumbens ad intestinum duodenum & hepatis
con-

concauum exporrigitur: præter glandulosam & mollem carnem, membranam quâ vestitur, arterias à cæliacâ, venas portæ continuas, nervos sexti paris propagines, habet & ductum per ejus carnem variè distributum ac divaricatum.

Ductus hic venarum lactearum maxima, magno, sibi cum meatu biliario communi, hiatu ab intestino jejunò satis conspicuè incipit, secundum corporis latitudinem & pancreatis longitudinem, calami scriptorii ferè crassitiem adæquans, extenditur: in cadavere nihil quicquâ, dum aperitur, continet, aliarum lactearum more, quæ tamen omnes, ob exiguitatem, & quod membranis quibus fulciuntur, nimis sint similes, inanità disparent, visumque nostrum

strum effugiunt; hic verò, propter magnitudinem & quia per carnem, à qua facile discernitur, excurrit, satis est conspicuus: in animali vivo, aliquot post pastum horis, aperto, albo humore impletus tumet, ligaturâ constriktus, intestinum versus intumet magis, ultra verò statim inanitur.

Cui quæso fini? Anne ut in nutrimentum pancreati cedat? Minimè: est enim humor hic ad nutriendum ineptus: dein arterias habet pancreas ex ramo cæliaco isti operi accommodatas, imò majores multo, quam parva ejus moles requirat: evidens signum etiam alteri usui & majori, scilicet communi bono, inservire: nam in molle & spongiosa carne.

carne depositus succus lacteus, sanguine (qui copiosius eò, ob dictam rationem, confluxerat) perfusus atque subactus, ejusdemque colorem & consistentiam nactus, in venas transfertur.

Non aliter de chylo hiatum hunc præterlapso censendum, è quo, contrahendi vi intestinorum, circumjacentium viscerum comprimente mole, nec non musculorum abdominis continuo motu, exprimitur chymus, & à venis lacteis recipitur in glandes deponendus, unde, in sanguinem supra dicto modo conversus, venulas intrat capillares, è quibus elapsus in venâ portæ magnâ undique, sed præcipuè è liene peculiariter eo muneri destinato, confluyente sanguinis copiâ, diluitur.

Ru-

Rudior hæc est sanguinis præparatio, quæ (si propter rubedinem aliquid sanguinis nomine meretur) hæmatosis est appellanda: sed quia nondum cuncta, quæ ad sanguinis constitutionem requiruntur, sed tantum primam dispositionem, nactus est, actio hæc chymosis potius dicenda videtur.

Chymus terrestris & siccæ partis cum humore permixtus, vel eorundem mediante calore percolatus succus est, talis dici potest illa materia, quæ venis lacteis continetur, & à chyli crassiore substantiâ segregata est; sed quia à Medicinæ proceribus pro chymo sumptum hoc est, quod à chylo separatum in venis meze-raicis adhuc hærens per irradiationem

tionem ab hepate rubro colore (ut ajunt) inficitur; nos etiam hanc materiam, adenibus pancreatis & mensenterii elapsam & venæ portę ramulis exceptam, chymum vocari posse existimamus: quemadmodum enim, ex sicci & humoris permistione, sapor, vel potius sapidum, constituitur, sic etiam, ex chyli tenuiore portione sanguine dilutâ, chymus seu succus sapidus, accommodatus, ut in sanguinem ulterius elaborari possit, conficitur, veterum chymo in venis mensenterii, rubescenti æquipollens.

Chymosi huic respondet (dum in utero foetus hæret) sanguinis in jecore uterino, seu placenta, præparatio, in quâ à corpore uteri descendens succus (elabatur enim albuminis ovi ferè similis, non fo-

D

mâ

mâ sanguinis, quod autopsia & vasorum dispositio demonstrant; matris enim non ultra uterum, fœtus non ultra placentam extenduntur) cum sanguine, per arterias umbilicales, cum ad nutritionem, tum ad hujus operis administrationem, apportato diluitur & miscetur, primamque dispositionem sanguinis nanciscitur.

Admiranda solertis naturæ, in hoc opere, industria est, de animalis enim vitæ sustentaculo, bonæ matris instar, sollicita in ventriculo assumptum, prius paucò (respectu consequentis) & miscibili succo in pastam, mollem tamen, subigit, è quâ convenientiore & magis aptâ portione, tanquam torculari, expressione separatâ, fæces in cloacam abjicit.

Ser-

Servatam depuratamque instar lactis albicantem in adenibus deinceps affuso sanguine elaborat & exagitat, in modum nostrorum pharmacopæorum coquorumve, qui materiam medicamini vel juri permiscendam, primum paucoliquore excipiunt ad meliorem missionem, addito tandem condimento, & reliquo liquore, omnia simul debite subigunt: sic etiam in adenibus dilutæ sanguine materiæ copiosiore affundit natura sanguinem, additâ pro condimento bile; ne verò quidquam impermistum præterlabatur, & corporis thalamum ingrediatur aut commaculet, per hepatis meandros minutissimos, innumerabilesque filtratum, perfectius miscetur, & tandem in venam cavam

(cordi deferendum, cum reliquo revertente) promovetur.

CAP. IV.

Bilis sanguinis condimentum, hepatis excrementum non est: vesiculæ syntaxis: quomodo in ea bilis generetur: ejus necessitas: per meatum biliarium ducitur in hepar, & per alium chylo miscenda: de porta & cavâ venâ: hepatis usus.

Paradoxon proferre fortè videbor, quando sanguini bilem pro condimento addi statuo, quæ tam à veteribus quam neotericis excrementum (quamvis utile ad movendas fæces) judicata est, tamquam animalium, quæ dulcibus gaudent & nutriuntur, naturæ omnino contraria; sed adferendas rationes, ipsâ autopsiâ stabilitas, demonstraturas existimo, bilem hepatis non esse excrementum;

tum, neque ab eo in cystim felleam deponi; sed ab ipsius membraneo corpore, ad hoc disposito; à sanguine, per arterias cysticas rami cœliaci propagines, advecto separatâ, in propriam cavitationem, pœnum & promptuarium, ut inde necessitate postulante, sanguini addi, & hæmatosim juvare possit.

Cystis cholidochus, vesicula biliaria, five folliculus felleus constat substantiâ membranê contractili & extensili; præter reliquis visceribus communem, propriam habet tunicam validam, quæ omni fibrarum genere firmatur; figuram obtinet rotundam, oblongam tamen, & tandem in longiorem apicem desinentem, constituentem cavitationem ad visum inaccessibleem; nam unicum

tantum habet meatum, seu ductum intus apertum, foris clausum, septus enim est valvulis bili egressum quidem concedentibus, sed regressum omnino impediens.

Vesiculæ huic concessæ sunt, præter à sexto pari ad sensum nervos, arteriæ & venæ cysticæ, illæ rami coeliacæ, hæ venæ portæ propagines, illæ sanguinem ipsi apportant, hæ superfluum & opere defunctum à vesiculâ in portæ venam regerunt: quod ex sanguinis motu, vasorum naturâ, constitutione valvularum, & adhibitâ in vivente animali ligaturâ omnes animadvertere possunt.

Præter has, quamvis constituentes partes nullas habeat, nihilominus turgentem bilem (quâ
usque

usque tumens & plena est) vel pressa, contracta, aut à copiâ irritata in meatum apertum sibi continuum exonerat, quam tamen à nullâ parte vicinâ remotâve accepit vel accipere potuit.

Vesica urinaria, quamvis intuenti undique clausa videatur, ut ad extensionem inflata ne quidem vento pateat, habet tamen ureteres, ductus membraneo corpori obliquè insertos, urinam renum vi à sanguine secretam deferentes; sed vesicula hæc, exceptis arteriis, quæ nisi sanguinem, prout in vasis continetur, afferunt, nullos meatus habet, per quos aliquid accipere possit.

Hiscæ positis concludendū puto hepatis non esse excrementum bilem, nec ejus separatoriâ vi à

D 4 san-

sanguine secerni: quoniam in eo nec segregandi locus, neque ipsa separata bilis, neque ullæ viæ, per quas in vesiculam ducti separata posset, reperiuntur. Deinde, cùm aliunde vesiculæ bilis non affer-
tur; neque aliud quam sanguis (quem copiosè satis arteriæ tri-
buunt) in solam ejus tunicam ad-
mittitur; credendum existimo
ipsius tunicæ idiosyncrasie à san-
guine bilem segregari, & per ejus-
dem poros, quasi exsudando, in
cavitatem deponi & in usum as-
servari.

Ne quæso alicui mirum & ima-
ginarium hoc videatur; sic nobis
destillat in os saliva; sic humorem
præparando chylum exsudat inte-
rior ventriculi tunica; sic urina in
renum sinus deponitur; in absces-
sum

suam etiam pelliculis hoc modo
diversa coacervatur materia, pro
partis unde ea dimanat naturâ.

Hujus in vesicula collectæ bilis
necessitatem evidenter ostendere
credo, quod omnibus animanti-
bus insit, usque adeo ut proverbio
suam formicæ bilem inesse dica-
tur: sed videamus an, sanguini
eam addi, ex evacuationis modo,
necessariò non sequatur.

Strictior vesiculæ cervix magis
elongata meatum biliarium con-
stituit, porum cholidochum di-
ctum, in hoc sitæ sunt valvulæ,
quæ præterquam, quod per mea-
tum hunc nihil in vesiculam in-
gredi patiantur, ipsius effluxæ bi-
lis regressum præpediunt: quod
videndum se exhibet, quando ex-
pressam ex vesiculâ bilem digitis

reprimere conamur; nullo enim studio in eam repelli potest.

Meatus hic in duos dividitur ductus, quorum unus, primùm in duos, dein in plures & innumeros divisus surculos per hepatis parenchyma excurrit, ut minutissimè divisa bilis per hepar permeans, cum affluente è portæ sanguine, in cavam venam moveri posset.

Alter ulterius progressus, in jejuni principium obliquè, inter utramque intestini tunicam, transversorum duorum pollicum spatium, deductus inseritur; uti unum, cum per pancreas excurrente ductu, in intestino foramen efficiat; quò expressam cum lacteo humore bilem confundat, & per dictum ductum pancreati, vel foramen
egres-

egressam venis lacteis cum chyli præterlapsi succo præparandam exhibeat.

Duos simul liquores sine confusione concurrere, dein, succum crassiorē intestina exprimere, & venas lacteas admittere, non vero tenuiorem, absurdum, imo impossibile, mihi videtur.

Decet huic albo insipido & dulci liquori bilem addi, cum ut hujus acrimoniâ & flavus exsuperans color, albo crudo incocto-que succo in adenibus temperetur; tum ut illius adhuc tarda, pigraque constitutio excitetur & promoveatur.

Si alter, scilicet ad intestina progrediens meatus obstruatur, vel ab externâ compressione eo usque conniveat, ut bili via ad in-

testinum impediatur, contingit
ejus colorem & ferociam affuso
humore lacteo, in pancreate &
mezenterii glandibus, non pacari,
atque ideo (nam per priorē me-
tum tantō majori copiā in hepar
& inde cum sanguinis massā in
corporis habitum fertur) icterum
excitari, flavoque colore totum
corpus tingi.

Qui vero potum largiūs hau-
riunt (ventriculo enim citius ci-
bo elabitur) quam bilis hujus ef-
fusio tingere possit, aqueam &
non tinctam urinam reddunt: pa-
rum etiam ab assumpto cibo, pal-
lidius mejitur lotium, quia potu-
lento, prius majore copiā elapso,
bilis quantitas inæqualior est;
quam cum crassior promovetur
chylus.

Con-

Contingit itidem, quibus, ob
conniventē aliquā de causā mea-
tum, bilis nisi per intervalla ex-
oneratur; iis aliquando aqueam
nullo colore tinctā excerni uri-
nam, quæ, post parvum temporis
intervallum reſerato vel exone-
rante ſe ductu cholidochæ, colo-
rata rurfum redditur.

Dictis rationibus & allatis
exemplis, bilem non hepatis ex-
crementum eſſe, ſed in meliorem
& communem uſum, in folliculo
generatam coacervari prius, &
ſuo tempore tam chylo affundi,
quam hepati largiri, mihi perſua-
deo.

In venâ portæ concurrunt, mā-
gna ſanguinis copîa à liene miſ-
ſa, chymus in pancreatē alteratus
unâ cum in mezenterii adenibus
præ-

præparato, sanguis ab aliorum viscerum nutritione effatus, etiam ex hæmorrhoidalibus venis affluens, & tandem nonnulla bilis portio, quæ solùm confusa, neque sibi invicem debite permixta, non minimum corpori nocumentum afferre possent; quod sapientissima natura providens, hepar apposuit, per cujus interanea, tamquam per cribrum, quæ confusa diximus, agitata adeo comminuuntur miscenturque, ut in unam massam redigantur, quæ sic salutaris facta reliquo sanguini in venâ cavâ additur.

In hepate enim venæ portæ radices, & cavæ insignis rami innumerae propagines exporriguntur, quæ ejus parenchyma permeantes tandem junguntur, & sibi invicem adnaf-

adnascuntur : uti diceret unam venam prius in furculos plurimos divisam , postea rursus coëuntem.

- Patet hoc , si portæ vena , immisâ fistulâ , infletur , quod cava videatur in tumorem attolli : ipsis oculis etiam conjunctiones hæ cernuntur , si hepatis cocto omnis caro pectine cautè adimatur , quâ separatâ & elutâ , venarum se substantia perquam benè videndam exhibet , ut divisiones coitionesque exiles eleganter conspici possint.

Est itaque hepatis munus , suarum venarum beneficio , parenchymate munitarum , præparatam alibi materiam , (chymum scilicet & bilem , cum sanguine ad diluendum , maximè à liene , & aliis alendis

dis partibus affluxo, addito per arterias parvas, ad parenchymatis nutritionem, advecti superfluo) in unum naturæ familiarem liquorem, cæteri massæ sanguineæ addendū, redigere, citra ullam moram, coctionemve manifestam. Hanc nonnulli ex venarum propaginibus in hepatis substantiâ delitescentibus non unitis, (dum in his portionem sanguinis crassiorem morari, ut attenuetur, putant) probare conantur: quamvis tantum sint arteriarum ramulis correspondentes venulæ, per quas, aliarum omnium more, sanguis subito motu transit.

Hisce variis mutationibus coctionibusque alteratum, & in venâ cavâ cum eo, qui è toto re-meat, confusum, sanguinem alimen-

mentarium esse, & ad corporis nutritionem aptum affirmant, qui per venas eum in omne corpus distribui contendunt: sed cùm assertio hæc, ut mihi videtur, aliorum rationibus satis superque evicta sit, eam intactam relinquo.

Affirmat etiam exemplum fœtus, nam in utero simili sanguine nutritur, cùm tamen in lucem editis omnibus non solum aëre frui necesse sit, sed sine ejus admittance ne sanguis quidem nutrire possit.

C A P.

CAP. V.

Sanguini ut sit nutritivus duo necessaria : ejus mobilitas unde : fatui qualis inservit : quæ causa quod in lucem is prodeat : quis aëris in corpore usus : quare infans non perforato pedice & urinario meatu citò moriatur : sanguis venosus alendis partibus ineptus : nutritio quomodo fiat : quanta aëris ad nutritionem necessitas : ejus varii in mixto effectus.

UT corpori in alimentum cedere sanguis valeat , duo apprimè necessaria sunt , mobilitas, & urgens aliquod, quibus juvantibus ad loca nutrienda fluere aut moveri possit : hoc , dum à sanguine non dependeat, sed tanquam movens à mobili diversum est, ad hæmatosin nihil contribuit; illa , scilicet fluxibilitas mobilitasve, ad ejus constitutionem pertinens , ab hæmatopoëtica vi accedere

cedere debet, & hæmatosi acceptum referri.

Sanguinem mobilem fluxilemque reddunt serum seu aqua & immixtus aër (quorum hic meritò primum humidum dicitur.)

Calorè hisce annumerare non audeo; calidus in corpore sanguis interdum grumescit, quando nimirum est extravasatus; frigidus in piscibus, & in cadaveris venis contentus fluere non desinit; è venâ extractus in pelvi nonnunquam fluidus permanet, qui in vase terreo rariore collectus densatur.

Sufficiant itaque priores duo, cum hoc discrimine, quod à sero-
fiore sanguine membra mollia, flaccida, & torpida; ab aëreo (nam aër, in dissolutione rei, separatur
rece-

receditque melius) solidiora, robustiora & vegetiora reddantur.

Hic quamvis animantibus conveniat, & necessarius sit (cum ut partes nutriendus pervadere, tum ut, ejus compage dissolutâ, quod conveniens est assimilari & noxium separari excernique facilius posset) fœtui tamen dum in utero est, liquidum serosum à matre haustum nutrimentum nutriendis & augendis tenellis flaccidisque membris sufficiens est.

Cùm vero grandescit, præterquam quod, solidius alimentum desiderans, natura aëre indigeat, eo etiam opus habet ad facilitandum cordis & cerebri motum. Hæc enim continuò moventur, & alternâ diastole & systole exagitantur, neque à tenello existente fœtu

fætu impediuntur , cū corde enim totum peētus, cum cerebro ipsum cranium cute vestitum, cedentia attolluntur & concidunt.

Tempore solidescētibus membris, ossa indies majorem nanciscuntur duritiem, motuique magis resistunt: crescente interim corporis cordisque robore, pulsus & cerebri motus majores fiunt, quā procedente discordia, fætum liberioris motus appetentiâ instigatum, ad locum mutandum aëremque quærendum incitari, partumque urgeri contingit.

Infante in lucem edito, seridò notandum est, aëre attracto sanguinem humectari subtilioremque reddi, unde excrementa (quæ gestationis tempore fuerant pauca) augmentur, serumque, tunc minus

nus utile, excernitur copiosius: adeo ut, infantem natum non perforato urinario meatu, vel podice, (qui in utero vegetus & sanus vixerat) antequam suxerit pultemve ullam sumpserit, vel saltem non magnâ copiâ, brevi tempore extingui, cernatur.

Ex horum consideratione edoctus inhi egomet persuadeo, sanguinem hunc, neque ullum venis contentum (effatus enim & crassior est) partibus alendis esse aptum, nisi aëris debitâ copiâ absolute mixtus & vivificatus in earum etiam minimas particulas admitti queat. Nutritio enim non externâ appositione exequitur, sed cum nutrimentum non tantum parti, sed ejus etiam minimæ portiunculæ secundum omnem dimen-

dimensionem debitè additur & assimulatur.

Ab aëre, primo humido, corpore tenuissimo fluxibilitatē hanc afferri sanguini satis patet, primò, quia nullus in partes per arterias mittitur, quin prius eventulatus, & à fuliginibus inutilibus purgatus, cum eo perbenè elaboretur: dein, quia is assiduè sine aliquantulâ morâ hauritur, ut sanguini subigatur.

Si quis solummodo ad cordis motum & refrigerium necessarium dicat, piscium is exemplo evincitur: præterquam enim, quod hi usque frigeant, aquam assiduè ad singulas cordis pulsationes absorbent, & per branchia emittunt, quâ & refrigerio, si opus habeant, & cordis motui,

tui, fatisfieret : iis tamen à naturâ concessa vesicula est, in quâ aërem secum deferunt , ut sub aquâ degere possent, neque semper in superficie natare cogerentur, aëre captandi causâ : si enim, excipulo vel nassâ capti, aut alveolo servati, diutius sub aquâ detineantur, & aërem, recipere impediuntur, tandem vesiculæ aëre consumpto, suffocati, moriuntur.

Confirmant etiam aëris insignes effectus : lapidescibilis materia, ob aëris combinationem, aquæ instar fluxilis, vix ipsius petraë poris egressa lapideam duritiem obtinet, sine alicujus visibilis rei separatione, aëre facilè suâ sponte vel aliter disjuncto, ambientis sese copulante.

Sic

Sic & corallum, quo primum con-
tigit auras

Tempore, durefcit, mollis fuit
herba sub undis.

In humano corpore, per exiguos
poros, liquores exire confpici-
mus, qui corporis fuperficiem vix
egreffî, craffefcere & in muccum
converti, exiguis poris omnino
imparem, cernitur, fine tamen rei
alicujus ablatione manifefâ: quod
ideo aëri imputandum infenfibili-
ter feparato, cenfeo.

CAP. VI.

Sententia Columbi de vitalis sanguinis officinâ : rationes probantes : pulmonum constructio : de arteriâ & venâ pneumonicâ, hanc non esse arteriam neque illam venam : vena & arteria in fœtu duobus exortibus è cordis ventriculis prodeunt : segregationis causa : venarum, auricula exortibus apposta, qua illarum partes, non cordis.

IN pulmone aëris cum sanguine mixturem institui & hunc vitalem fieri, Realdus Columbus anatomicus celeberrimus omnium primus lib. de re anat. II. cap. 2. censuit : considerans enim venæ arteriosæ capacitatem, ob magnitudinem alendis pulmonibus imparem, alteri etiam usui eam destinatam judicavit : deinde quia pulmonis substantia sine vitali sanguine subsistere nequeat, isque interim in eo esse deprehen-

hëndatur, (nam qui tussiendo ejicitur, è pulmone floridus, tenuis, pulcher egreditur, qualem arteriosum Medici asserunt) hoc modo argumentatur: Si sanguis vitalis aliunde pulmone non tribuitur necessario in eo gignitur: sed aliunde non tribuitur, nam neque ab aortâ ramum ullum habet; neque per arteriam venosam (quæ ob valvularum constructione sanguinem à corde non admittit, pulsaret enim si admitteret) quidquam accipit; Ergo, &c. Gigni etiam sequitur, cum arteriam venosam sanguine, non fumis fuliginibusve, plenam & sine pulsu esse, (qui à corde proficiscitur) viva sectio demonstraret.

Hiscè confirmatus rationibus ait. (ipsa verba recitare lubet) *Æ-*

rem per nares & os inspiratum suscipit: nam arteria aspera vehiculo per universum pulmonem fertur, pulmo vero aërem illum unâ cum eo sanguine miscet, qui à dextro cordis ventriculo profectus per arterialem venam deducitur. Sanguis hujusmodi ob assiduum pulmonum motum agitur, tenuis redditur, & unâ cum aëre miscetur, qui & ipse in hac collisione, refractioneque præparatur: ut simul mixti sanguis & aër, per arteria venalis ramos suscipiantur: tandemque per ipsius truncum ad sinistrum cordis ventriculum deferantur: deferuntur vero tam belle mixti, atque attenuati, ut cordi exiguus præterea labor supersit.

Ubi major commoditas datur & occasio, ibi perfectionem hanc sanguinem nancisci credibile est: pulmonibus semper præsens aër, & con-

& conveniens compositio contingit: est enim ipsis caro mollis, levis, rara, spongiosa, triplici vasorum genere adeo intertexta, ut spongiæ instar aut spumæ in modum perforata reddatur. Vasa sunt vena & arteria pneumonica, & arteria aspera, quorum usus ex relatione sequenti facilè innotescit.

Arteria pneumonica (vena arteriosa malè nuncupata) prope basin ex editiore loco dextri cordis ventriculi orta, vix pulmones intrat, (paulum ultra ductum oblongum in fœtu apertum, in adultis verò oblitteratum, quo ea arteriæ aortæ continua inseparabilisque existens, utriusque unitatē ostendit) quin in duos ramos secatur, quorum alter ad dextram, ad sinistram alter partem abit, utroque

iterum bifariam secto, quibus in alios divisis, in munitissimos furculos dispergitur, per integram, ad extimam usque eorum substantiam excurrentes, & sanguinem huic operi contribuentes.

Hiscæ respondet multâ ramulorum serie per eandem substantiam dispersum vas, nulli alteri visceri commune, aspera arteria dicta, quæ fistula est oblonga, ex cartilaginibus semiannularibus, bronchia dictis, & membranis invicem connexis efformata, semper aëri patula, ex humiliore faucium sede incipiens, œsophago incumbens primum, mox supradicto modo etiam divisa & per pulmonū substantiam dispersa, ipsisque pneumonicæ arteriæ furculis combinata aërē ad hoc opus sanguini

guini addit, cum quo is, pulmonum motu subigente, perfectè mixtus attenuatur, ut fuligines & excrementū crassius (quorum hoc tussiendo expectoratur, illi expirantur) separari & in bronchia deponi possent, sanguis verò pulmones nutriendi causâ pervadere, & venæ pneumonicæ exiles propagines intrare, valeat.

Vena hæc, cavæ non solum substantia & constitutione similis, sed continua, ut sine laceratione disjungi nequeat (malè arteria venosa appellata) oritur è cordis sinistri vetriculi summo, principio carnosissimo, lato, (auricula à similitudine & propter sinistrum ventriculum cui annexa est, sinistra dicta) concavo, quod tanquã spincter se contrahens collectum sanguinem in

ventriculū deponens hoc distendit, non aliter quam vena cava à parte dextrâ : arteriæ hæc se comitem reddens, eodemque modo divisa (unâ cum arteriâ asperâ) per pulmonis omnes particulas vagatur, ut in capillaribus aut minoribus suis furculis, aliarum venarum more, acceptum sanguinem in majorem truncum deferat, & contrahente se auriculâ, ad singulos cordis quietes, in sinistrum ventriculum deponat.

In fœtu longè aliter hæc sese res habet : cui, cū serosum, sive à sero & modico à matre accepto aëre fluxile redditum (uti antea dictum est) nutrimentū pro tenellis mollihusque membris sufficit, pulmonum usus quiescit, ibi uterque cordis ventriculus, simul eodemque motu,

motu, tamquam unus (quem solum pulmone carentia animantia habent) sanguinem à venis in arterias movendo infervit.

Natura enim in venturū usum cum duos necesse deberet fabricare ventriculos, utrique venæ & arteriæ tribuit exortum, ut utroque à vena receptum sanguinem in arteriam utroque etiam exponeret: hinc factum quod, quemadmodum arteria pro ventriculorum numero, è dextro atque sinistro exortum nacta, etiam vena ex utroque diverso principio exoriat in eundem finem tendente: sic tamen ut pulmoni feriant (nutriri enim debet) ex arteriæ dextro exortu ramulus apportans, è venæ vero sinistro principio superfluum sanguinē reducens con-

tigerit; qui, crescentibus pulmonibus & dein majori munere fungentibus, in majorem excrescentes molē, anastomoses magnitudine longè superant, magis etiam, quia, in lucem infante edito, communes postea inutiles meatus (ductus arteriosus & foramen ovale) oblitterantur non solum, sed multum crescere desinunt: non tamen usque adeo mutantur, quin ductus obturatus magni ligamenti instar, continuïtatem arteriæ pulmonicæ cum aortâ, & venæ cum cavâ, solâ membranulâ clausus, meatus apertè satis demonstrent.

In hoc, ab arteriæ exortibus, venæ discrepant, quod hujus utriusque principium, amplo varicoso & (ob carnem, quâ tamquâ spinctere obducitur) mobili, cordique con-

continuo,apendice (auriculam vocant) stipetur: quorum dextrum finistri capacitatem longè superat, causa fortè est (nam violenter sanguis dum ad cor impellitur, hujus operatione & contractione, impeditus auriculas extendit) quia totius corporis motus & contractiones, pulmonum, licet aliquando ultra modum inflentur, violentiores sunt.

Auriculæ venarum potius partes sunt quam cordis, quia cum illis cavitatem habent communem, à cordis verò sinubus, valvulis sunt separati; dein solis venis, non verò aliis vasis, contingunt, in quarum substantiam carneis fibris aliquantùm excurrunt; adde quod auricularum motus à cordis distincti diversique sint. Hæc con-

fideratione digna, quia ad veritatem quæstionis propositæ indagandam, viam & lumen præbitura sunt, non omittenda censui. Sunt quidem & aliæ, quæ mediatè ad hæmatosin faciunt partes, quia sanguinẽ, ab inutilibus, rebusque noxiis liberando, elimant & puriorem aptioremq; reddunt, præter dictos pulmones, (scilicet renes, vesica, intestina, cutis, palatum, interna oris tunica, aures, nares, oculi, &c.) quæ sunt dispositæ, ut ab allato sanguine, simili in nutrimentum assumpto, reliquum utile adhuc in venas deponant, inutile aut in suos sinus, aut per corporis circumferentiam excernant, sed quia longior earum foret narratio, brevitati studens eas præteribo.

C A P. VII.

Ad loca nutrienda sanguinem debere moveri : quando & quomodo vita incipiat : bullula in auriculam migrat, cui in subsidium venit cor : hujus situs & compositionis ratio : quale instrumentum anima cor.

DIximus modò aliquod urgens, quo ad loca nutrienda jam mobilis omnibusque numeris absolutus sanguis moveretur, esse necessarium; suâ sponte enim eo non fluere, neque à partibus attrahi, sanguinis natura (gravia solum, nisi urgeantur, deorsum tendunt) & autopsia demonstrant. Quo modo id ab animalis ortu incipiat, & per integram vitam perdurèt, sub diligentis etiam scrutatoris judicio, narrare lubet.

Vita, incipere & primam inchoa-

choationē fumere, videtur, quando in animantis primordio disposito, juvante calore homogenea congregante, & heterogenea separante, liquoris nonnihil in id, quod jam solidescere cæpit, & venæ principium representat, irre-
pens hoc in bullulam seu vesiculam attollit, quæ, primum renitendo, dein sese contrahendo, in arteriæ primum rudimentum eundem liquorem agit, hoc denuò rediente & contrahente se vesiculâ, reïteratis sæpè vicibus, à rudimentorum deliniatione, crescente magis motu, partes nutrimentum & majorē perfectionem adipiscuntur; liquorque sanguinis consistentiam & colorem, à quo dum carnosarum accretio, vesiculæ (quæ nonnullis animalculis suffi-

sufficiens per vitam perennat) auriculæ formam induenti caro, cum cordis primo exordio, adnascitur, quod auriculæ in subsidium, ut sanguinem ulterius propellat, creatur.

Huic muneri ut par sit, locatum est, non in corporis medio seu centro, quod umbilicus obsidet Anatomicis, sed in pectore, loco capiti propiore, huic tanto commodius sanguinẽ tributurum, qui suâ sponte in decliviora facilẽ fluit; dein ut in eo costis septum impeditẽ in pericardii capacitatem moveretur.

Carnem duriores, ita tamen ut contractilis sit, accepit rudẽ Minervã elaboratam, non aliter (Si licet exemplis, in parvis, grandibus uti) tamquam toscanã archi-

chitecturâ constructa columna,
 quæ, portando pondere, rusticè
 ædificio fabricata supponitur, sic
 carnea hæc moles, ut suâ vastitate
 ingentem laborem, cui destina-
 tur, ferre valeat, à naturâ animali
 concessa est.

Duos caro hæc facit sinus, dex-
 trum nimirum & sinistrum, quo-
 rum ille, quia sanguinem in pul-
 mones vicinos movet, minus cras-
 sos habet parietes, & dextro cor-
 dis lateri quasi adnascitur; sinister
 vero, quia in universum corpus
 sanguinem dispensat, multò cras-
 siore carne sepitur.

Sinubus hisce respondent com-
 munia vasa valvulis munita, venæ
 scilicet cum suis apendicibus seu
 auriculis, & arteriæ, quarum illæ
 foris apertæ intus clausæ, arteriæ
 vero

vero intus aperte foris clausæ, tam patentibus orificiis, ut, sanguinis transeuntis copiam non exiguam esse, ostendant evidenter.

Nulla præter hæc apportantia aut regerentia, communi operi accommodata vasa habet; solummodo ad nutritionem, sanguinem apportantes arteriæ coronariæ exiles, ab aorta, antequam pericardio excidat, exortæ, ejus basi inferuntur, cum suis conjugibus venis, quæ è cavâ, mox ubi cor transiit, enatæ cordis basi communicantur, ut superfluum sanguinem colligant, & venæ cavæ cordi regerendum restituant.

Sic constructum in pericardii sinu pendulum, solum basi seu latiore parte (pericardio & exortis vasis mediantibus) aliis partibus
in tho-

114 DISSERTATIO

in thoracis medio, connectitur; cæterum vero corpus, à lato principio, coni instar, in apicem seu mucronem, versus dextrum latus antrorsum exporrectum, desinens, & pericardii aquæ motum facilitanti innatans, ubique liberum existit.

Hinc fit, ut, in actione quando cor est (quæ omnium simul fibrarum contractione peragitur) ad immobile principium liber apex trahatur, sursum elevetur, &, tamquam saltum faciens, pectus externè perceptibili pulsu feriat.

Concludo itaque, cum partibus nutrimentum apponi requirat necessitas, neque parti ulli, corde excepto, ad hoc sit concessa commoditas (docet vasorum consensus, auricularum connexio; valvularum

larum dispositio, fibrosæ contractilisque carnis vastitas, conveniens situs, omnium debita compositio, & ipsis oculis sanguinis à contractione protrusio, in animali vivo, conspicua) cor esse animæ instrumentum sanguinem venosum ab auriculis acceptum, in arterias urgens & transmittens, cujus ea ministerio toti corpori nutrimentum dispensat.

Hoc solo cordis usu (cui obloqui ipsis sensibus est derogare fidem) qui majori ejus æstimatione capti obcæcatique sunt, minimè contenti, cor multò præstantiora munia obire, credunt, atque, toti caloris & vitæ authorem causamque efficientem esse, volunt: hoc verò quia spirituum & sanguinis adminiculo præstari putatur, & spi-

Spirituum & ipsius sanguinis officinam esse contendunt.

CAP. VIII.

Conringii pro cordis hæmotosi argumenta: eorum refutatio.

Q Uamvis ex narratione præcedenti rationes erui possint, quibus contrarii evidentiam demonstrare facile est, tamen non satisfacisse mihi videor, si ad argumenta, quæ clarissimus Vir Herm. Conringius in Helmstädiensi Juliâ Academiâ Professor plurimi faciendus pro hæmatosi cordis profert, responsionem non dederim: hæc ordine, quo ex ejus *de generat. & mot. nat. sanguinis libr. capit. 34.* ea excerpfi, recensere non gravabor.

I. Arte-

1. Arteriarum principium cor esse in confesso est; ab eodem principio autem non minus & venas derivari vel oculi testantur luculentissimè: est igitur cor omnis sanguinis quoque principium & primaria origo ac officina.

2. Firmat idem sanguinis omnis ad cor fluxio & ex corde promanatio: (neque enim ad ullam aliam partem aut ullum aliud viscus omnis sanguis tendit, non ex ullo alio omnis profluit) adest omnis motus boni obtinendi gratiâ instituitur, adeoque in corde omnis sanguis maximum bonum suum adipiscitur.

3. Ad hoc, cor primo omnium inter alias generatur partes, sanguinemque & gignit & continet, nullo alio viscere adhuc nato; ut in ovis altero tertiove ab incubatu die videre est, & doctissimorum virorum autoritate probatur:
est

118 DISSERTATIO

est autem hoc certo argumento, ex aptâ dispositâque materiâ, sine alterius visceris adminiculo, posse cor sanguinem conficere, imo omnem primum sanguinem, unde corporis partes constituuntur, quique adeo exquisitissime est elaboratus, à solo corde excoqui.

4. Constat præterea in nonnullis sanguinem generari, jam corrupto jecinore ac liene, modo cor sit robustum, ut calore suo, hepatis lienisque labem queat compensare: qualibet item circa cordis temperamentum passio facit, ut, aut bene, aut secus, sanguis totius corporis excoquatur. Itaque vel hoc solo, in sanguine conficiendo, vim ac facultatem cordis colligere liceat.

5. Alendi aptitudinem à corde esse, argumento est, quod nulla pars corporis nutriatur nisi sanguine in corde ante elaborato. In fatu sanè sanguis, materia

teria partium, primò omnium in corde spectatur, & ipsummet hepatis parenchyma, procedente tempore, hinc generatur. Frustra omne quod nutrit, in corde est elaboratum, nisi elaboratione illâ sanguis præparetur, ut possit eò rectius alere. Constat porro eum, qui ex hepate jam profluxit, sanguinem, saltem sæpe si non semper, crudiores esse, quam ut in partium nutrimentum possit cedere: nec tamen omnis ille vel denuo ab hepate coquitur vel manet inutilis, à corde itaque adipiscitur ut fiat idoneus.

6. Quia omnis calor animalia ab uno est corde, dubitandum non est, omnem sanguinis ultimam perfectionem à corde esse, adeoque cor esse primariam sanguinis omnis officinam.

I. Quantum ad primum attinet;

arteria reperiuntur & principium habent, ibi & prius reperitur & principium habet sanguis, atqui hoc in corde. Ergo, &c.

Resp. Non sequitur ubi sanguis primùm est conspicuus ibi ejus esse exortū, non aliter quam si argumentaretur, à trunci principio oriuntur radices (si comparatione hac uti liceat, venæ sunt corporis radices) ergo arboris succus nutritius.

Exoritur sanguis ab invisibili principio (prout ego cāpio) nam, per poros venularum rudimenta, ex animalis primordii particulis, liquor sanguini analogus (vel potius sanguis cum particulis adhuc tenellis quadrans) concurrat; hic extentione bullulam seu vesiculam (quæ tempore formam

F auri-

consequentis causa dici potest, non contra.

In ovo, antequam cor formatum est, conspicitur primum pulsans vesicula, quæ à sanguine dilatata rubescit, seque contrahens, omnem rubedinem deponit; albescit denuo, & disparet; indicium sanguinem ante vesiculam (quæ auricula, non verò cor, fit) existere, & ipsam à sanguine rubescere non verò sanguinem à vesicula.

I I. Firmatur quod dictum est; quia sanguinis ad cor fluxio est, aliunde suam habere originem certum est: cum pace mihi respondere liceat: ad nullum viscus omnem sanguinem (ubi is mutationem aliquam subit) quàm pulmonem tendere, nec ex ullo alio,

omnem numeris absolutū; quantumq; fieri potest perfectum profluere, quam pulmone, & ratio dictat, & autopsia demonstrat.

Fætus, cui sererior sufficit sanguis, pulmonis operâ non indiget, neque corde mutationis causâ opus habet, modò dispensante ejus motu frui possit.

Non movetur equidem ad pulmones sanguis, nisi ut melioretur, si iis carere potuisset adultum, multo sanguine pollens; animal, modo, quo dum in utero degeret, in venturum usum fætui non essent fabricati.

Peragitur hæc melioratio, non intentione pulmonis, sed agentis animæ: partes sanguine oneratæ eum, aut renitentiâ, suâ mole, aut contractione, ulterius, ut inde liberen-

berentur, movent : sic cor, ab exprimente auriculâ, sanguine ad distentionem impletum, ut ab istâ molestiâ liber fiat, eundem promovet.

Instituitur itaque, in bonum partis moventis, motus, non vero semper rei motæ, quod in recrementis evidens est : alterius etiam gratiâ partes non agunt, sed, in proprium commodum, quæque familiaria admittunt & noxia abigunt. Sub isto numero comprehenditur cor, cujus intentio non est, quando in aortam sanguinem impellit, partibus nutrimentum præbere, sed sibi illatâ molestiam arcere ; cæterum gubernantis animæ munus est, organis ritè dispositis, singulis partibus alituram largiri.

III. Partes omnes in principio obscuram quanquam habeant delineationem, conspicitur tamen primò pulsans vesicula, quæ temporis progressu, carnosior facta utriusque auriculæ formam adipiscitur, quare, si aliquid primùm nasci dici mereatur, ante partes alias auricula generatur, quæ, præterquã quod omnium prima movetur, etiam ultima à motu defistit, non vero carnosâ illa pars ventriculos constituens, in cujus carne motum omnem (quamvis is ab eo, qui primus in embrione & ovo conspicitur, diversus sit, & eundem subsequatur) & sinuum dispositione omnem potentiam & facultatum scaturiginem collocant.

Sed neque hæc ipsa sanguinem
gene-

generat, sed à toto confluentem accipit à quo etiam producitur.

IV. Vitiato jecinore vel liene, non tamen ultra metam corrupto, sanguinẽ generari bonum, aut non excessive pravum, certum est: unius interdum leve vitium, cæteris juvantibus sanis, natura sine magno detrimento tolerat: sed hepate vel liene omnino aut graviter corrupto, corpus aut cor posse sanum esse vel robustum non credo.

Constat liene obstructione laborante, quoniam sanguis inde non benè diluitur, cor palpitacionibus vexari: mala etiam, quæ partes toti inservientes afficiunt, toti corpori obesse solent.

Quando, pluribus ad unũ opus contribuentibus, earum unâ vel

alterâ malè habente, si tota non aboletur operatio, (diminutè vel depravatè sæpè peragitur) cæteris sanis hoc imputandum est; cordi id ascribere est inconveniens, præcipuè quando nondum constat ejus operâ ad sanguificationem esse opus.

Asserere inde grave est quamlibet, circa cordis temperiem, passionem facere ut sanguis aut benè aut secus excoquatur, nam plures partes sunt, quarum perversâ dispositione aliarum eucrasia evertitur, modo in consensum trahantur: quid vetat corde malè affecto, propter viciniam pulmones vel alias affici, quæ ad hæmatosin pertinent? dein ut plurimum cordis temperiem, ab alterius depravatâ, vitiari contingit, ut cordis affectus

affectus alterius symptoma, non vero causa sit. A quâ parte læsâ læditur actio, ab eâ sanâ editur.

V. Nullam partem ali, nisi sanguis cordis ventriculos transierit, in confessio est; nutrimentum elaborari etiam, ut melius alere possit, nemo credo negat; sic etiam in fœtu sanguinem in vesiculâ prius conspici, & dein hepatis parenchyma, imo, ipsius cordis carnem temporis progressu inde generari verum est: sed quoniam inde desumpto argumento probetur sanguinem, aut in auricularum sinubus aut cordis ventriculis, aliquo modo mutari elaborarive, aut aliquam alendi nancisci aptitudinem, non video.

Neque quidquam urget ex hepate persæpè profluxisse sangui-

nem crudiores ; is, multis reïteratis circulationibus excoctus & à recrementis purgatus, idoneus redditur, neque opus habet ut in hepate denuò coquatur aut in corde perficiatur ; solum, ut hujus ope, postquam in pulmone novam singulis vicibus polituram nactus, in arterias impellatur, necessarium est.

V I. A corde omnem animantibus calorē accedere verum est, non quia cæteris visceribus magis calet, sed quia, per accidens scilicet, hujus motu is in partibus, per quas subitò transit sanguis, excitatur : signum evidens sanguini in corde à calore perfectionem non accedere, adeoque cor primariam sanguinis officinam non esse.

CAP. IX.

Instantia supra datam responsionem è Cartesii Methodo desumpta : quare venosus arterioso sanguis crassior : sanguificationis organum cor non esse, neque ipsi consummationem imponere probatur.

PRO instantiâ super hac responsione inserviet, quod à Clarissimo Nobili Viro R. Cartesio in probationem sui ignis, queni à Deo in animantium corde conditum, omnis motus & actionum (sic etiam circulationis sanguinis) authorem *method. pag. 47.* adfert. Differentia quæ observatur inter sanguinem qui è venis exit, & eum qui ex arteriis promanat, aliunde oriri non potest, quàm ex eo quod transeundo per cor rarefactus & veluti destillatus fuerit, atque ita subtilior, vividior & calidior sit, statim atque inde exiit,

hoc est, cum in arteriis continetur, quàm esset paulo antè quàm in eas ingrederetur, hoc est, cum in venis stabulabatur. Et si probè attendatur, comperietur, hoc discrimen non apparere manifestè, nisi in viciniâ cordis; minus autem in locis ab eo remotioribus.

Assumit clarissimus Vir arteriosum sanguinem venoso tenuiorem esse; neque abs re, siquidem venosus effætus nonnihil aëreæ substantiæ deposuit, & quam adhuc servavit; fortè, fuliginosior & tardior, vivacitatem priorem non retinuit; cui accedit, quod liquoris nonnihil insensibili transpiratione, etiam cum sudore & urinâ separatum & excretum sit: si crassitiem aliquam in partibus exterioribus refrigeratus acceperit cum frigore hunc deposuisse.

ccn-

confido, antequam ad cor deven-
tum sit.

Concesso arteriosum venoso
tenuiorem esse, tenuitatem arte-
rioso accedere posse negat, nisi
quod à cordis calore sit rarefactus
& quasi destillatus (de cordis ca-
lore paulo post agere decrevi-
mus) ratio ejus est, statim ab exi-
tu subtiliorem, vivaciorem, & ca-
lidiorē esse quam antè intro-
itum. Si clarissimus Vir introitum
prioris & exitum posterioris ven-
triculi intelligit, concedimus san-
guinis consistentiam, imo colo-
rem nonnullam accepisse muta-
tionem, non verò in corde, sed in
pulmonibus ob rationes antedi-
ctas: si vero de singulorum exitu
& introitu loquatur, expressè ne-
gamus, sanguinem ventriculum
dex-

dextrum consistentiâ aliâ egredi, quàm intraverat; neque unquam demonstrabitur sinistrum ventriculum sanguinem crassiores ingredi, quàm paulo post egreditur.

Sanguificationis organum cor nominare quam sit absolum exinde patet, quod ea, non ab unâ parte seu instrumento, sed à pluribus perficiatur; dum enim plures sanguinem constituentes res concurrere, & diversimodè elaborari cōveniat, (quemadmodum non omnis fert omnia tellus) nec una pars, res specie tam diversas suppeditare, nec tam diversas operationes præstare, nata est.

Si tantum consummationē sanguini à corde imponi quis dicat, hisce credo argumentis evincetur.

Primò, quia in corde sanguini
 nihil

nihil quidquam additur vel adimittitur : in ventriculo adjicitur cibo potuique assumpto liquor ex ejus tunicis in capacitatem exsudans ; in intestinis tollitur quod crassius & ineptum est ; in pancreate & mezenterii adenibus chymo sanguinis justa quantitas additur, quæ ad majorem dilutionem in portæ ramis, administrante liene aliisque visceribus, egregiè augetur, ut tandem ab hepate, additâ, mediante suâ cysti, bile, absoluto per dedalios meandros cursu, exinde una, undique similis, massa constituatur.

Cordis operâ nihil hujusmodi sanguini advenit, dum nulla sunt administrantia vasa, quæ vel quidquam adferant, vel ab eodem separati aliquid abducant.

Arte.

Arterias coronarias iisque junctas venas præstare hoc nullus puto existimat; minores enim sunt quam ut communi & tam magno operi inservire possint.

Solent per quam benè authores, Medicinæ proceres, ex vasorum magnitudine, dum cernerent longè majora parti cuiquam contigisse, quam pro administrando nutrimento indigeat, metiri, alterius gratiâ, à nihil frustra faciente naturâ, id esse factum: liceat sic etiam nobis, ab eorum exiguitate sumpto argumento, concludere, non alteri muneri, quam alendo cordi coronarias esse datas: tanto magis, cum partibus aliis secundum hanc ferè proportionem vasa tribui constet.

Si sanguini à corde impartiretur

tur perfectio , ad minimum aliquam inde subiret mutationem , cum nulla percipi possit, sed qualem ab auriculâ accepit dexter ventriculus, talem in pulmonis arteriam exonerat , talem etiam , qualem sinistra largitur auricula, sinister aortæ sanguinem tribuit : mutationem vel color vel consistentia proderet.

Qui cordi hæmatosin ascribunt , ventriculo ejus sinistro majorem inesse potentiam statuunt ; sed videsis, quanta exinde sequatur absurditas , pulmones imperfecto alerentur sanguine , quia ab aortâ , vel sinistro ventriculo ne quidem arteriolâ accipiunt ; neque retrogradè perfectum , sanguinis motu & valvulis semilunaribus impredientibus, habere possunt.

Ratum

Ratum itaque sit & certum, cordis ventriculos sanguini solummodo meatum, quem cum venis & arteriis habent communem, exhibere; carnem vero eundem fortius impellere: cum enim venæ auricularum adjumento in longè diffita membra sanguinem invalidæ impellere non possent, cor ipsis pro juvamine adjunctum videtur, ut viribus pollens majoribus auricularum defectum suppleat.

S E C T I O N I S I I I.

C A P U T I.

Anne cordi major insit quam visceribus aliis calor : affirmantes veterum rationes impugnantur : Cartesii de calore sententia : hanc quam applausibilem faciunt, cordis compositione & rationibus renitentibus : auricularum motus cordis prior & posterior.

DU C I T nos ordo ad tertii propositi examē : Anne cordi major quā visceribus aliis insit calor ! Quæstionis hujus affirmantes partes eo usque sustinent veteres quotquot sunt & nostri ævi philosophi, ut tamquam axioma à nemine vocetur in controversiam, & quemadmodum nummos, ad id quod cognitissimum est, probant vulgò, eodem quasi modo huic sententiæ,

tia, tanquam firmo omnibusque cognitissimo fundamento, superstruunt unanimiter omnes cordis præëminentiam & principatū super aliis partibus, omnesque eidem potentias ab omni ævo concessas, & nostris etiam temporibus ascriptas.

Arist. de juvent. & senect. lib. cap. 4. ex corde principium caliditatis, & animam tanquam in hac parte ignitam, dependere dicit.

Galen. lib. de form. foetus c. 3. Cor quasi ignis focum animalia fortita esse asserit.

Ab hoc calorem, quo corpus animalis ad tactum calidum apparet, in omnia membra diffundi vulgò existimant.

At tactus de calore sententiam
ferre

ferre potest, neque fides abroganda de proprio objecto ferenti iudicium: aperto vivi animalis pectore, tantus calor in corde tactu non percipitur; neque exploranti major quam aliorum viscerum observatur.

Medici omnia quantum possunt sensu dijudicant, & quod imperceptibile est nullum esse dicunt: annon jure major in corde calor esse negatur, quia tactu imperceptibilis? Non inferendum est manus cuticulam nimis esse densam, neque eandem frigidior; per moram innotesceret, multum enim refrigerati luculenti ignis calorem non statim sentiunt, quem postea non ferunt.

Animadvertendum etiam est ad cordis substantiam, num sit adhujus-

hujusmodi calorem satis apta: potenter agenti respondere debet idoneum subjectum, caro tanto calore ferendo non est, si ab eo humorum fiat ebullitio, ipsa caro facile elixaretur vel assaretur: non satis est lampadi oleum, sed & elichnium requiritur subsistens & in flammâ durabile.

Calor hic cordis est ingenitus vel affcitus, ille à novo adventitio succo tandem diminueretur & extingueretur, siquidem aliquid addi non potest quod æquè calet, nam à corde ipso tamquam ignis foco calefieri debet; atqui omne agens reactionem patientis ferre debet, unde tandem obtunditur; tepidum etiam caloris æstus mitigare notum est.

Aliunde debet accedere affcitus,

titius, sed unde, quæso, is procedet? anne à parte minus calente mittetur? anne pabulo sustentabitur extraneo? aliud pro nutrimento cordi non advēnit, quam per arterias stēphaleides; neque earum sanguis alius est, quam qui toti corpori in nutrimentum exporrigitur.

In aliis partibus calorem similem vel majorem fortè excitaret, sunt aliæ concipiēdo calore aptiores, sicciores nimirum; quo etiam densiore inhæreat subjecto calor, eo intensior est.

Clarissimus vir *Renatus des Cartes* cujus ingenium non solum admiror, sed & phylosophiam maximi facio, *lib. method. pag. 42.* author est, in corde humano Omnipotentem excitasse sive collocasse calo-

calorem seu ignem non lucentem (haud absimilem illi, quo foenum incalescit, quando non siccum satis congestum est, aut quo mustum super vinaceis relictum ebullit) omnes corporis actiones exercens præter cogitare, quod solum hominibus, tamquam ab animâ rationali procedens, inter animalia proprium esse autumat.

A calore hoc sanguinis guttas in cordis sinus illabentes ait statim inflari & dilatari, (aliorum liquorum modo quando guttatim in vas excessivè calens cadere sinuntur) unde tam arterias (nam eodem tempore portionem in eas aliquam dicit illabi) quam cordis parietes attolli, valvulas tricuspidales intermedias aperiri, & in toto diastolem excitari; sanguinem vero,

vero, quia in arteriis refrigeratur, detumescere, valvulas dictas claudi, tam cordi quam arteriis induci systolen, sigmoïdes & semilunares valvulas aperiri, ut novo sanguini liberum faciant introitum, contendit.

Hunc sanguinis motum necessario sequi, ait, ex organorum dispositione, quam oculis videmus, calore digitis perceptibili, & sanguinis naturâ, quam experiëntiâ cognoscere possumus.

Placuit multis hoc effatum, applausibilis equidem est motus in animalibus causam è re evidenti colligere, quam ad animam, cujus nos nescire naturam fateri cogimur, confugere : cui accedit quod animalis vita, à calore inchoari, & in frigus terminare,
 G quam

quam evidentissimè cernatur. Sed ab organorum dispositione, perceptibili calore, sanguinisque naturâ, (ad quorum tribunal Cl. Vir causam suam dijudicandâ offert) tamquam staterâ benè pensatâ re, sanguinis quidem talem circulatorium esse motum, sed à longè aliâ causâ procedere, patebit.

Videamus dispositionem. Cordi concessa sunt quatuor communi operi vasa inservientia, duæ venæ, totidem arteriæ, binis ventriculis, dextro & sinistro aptatæ; utrique vena contigit & arteria, à venis acceptum sanguinem in arterias pari quantitate exponunt: venæ dotatæ appendicibus sive loculis carnosiss (auriculas vulgò vocant) contrahendi vi præditis, præter innumeras (quibus, propter

COM-

commodiorem sanguinis promotionem, scatet,) valvulas in cordis introitu habent quinque, quæ à sanguine transiente spontè aperiuntur, à conante regressum clauduntur; quarum tres sigmoides venæ cavæ ad orificium dextri ventriculi, duæ semilunares venæ pneumonicæ orificiū sinistro ventriculo occludentes, contigêre.

Arteriæ neque in meatibus valvulas, tamquam inutiles, (quia ipsarum actio est ubique una; nam omnes simul eodemque tempore dilatantur; simul omnes, eodem momento, ad priorem constitutionem tendentes contrahuntur, vel ob externam prementem molem collabuntur) ullas, neque appendices seu auriculas, sed earum loco, cor affixum habent, in cujus

exitu ab utroque sinu tres tricuspides patentes itidem adnexę sunt valvulę, quę, à sanguine regreditente, propter arteriarum contractionem, clauduntur.

Organis sic ritę dispositis, ipsis oculis æquus judex tumentes sese auriculas cernet contrahere, & contentum sanguinem nullis resistentibus valvulis in ventriculos exprimere, atque cor exinde in tumorem attolli, & in diastolen exfurgere; hoc distentum, dum onus suum conatur contractione excutere, clauduntur à compressione, quę prius patuere, valvulę auriculis appositę, spontę viam concedentibus, quę arteriis respondent.

Sed quia necesse non est, ut paribus viribus utrique concurrant
ventri-

ventriculi; dexter in solos pulmo-
nes eosque vicinos sanguinem de-
ponit; sinister vero toti corpori
ministrando inservit, eundem ex-
tremis longeque diffitis, imo resi-
stentibus partibus largitur.

Hinc monet cordis dispositio
hauriendam esse rationem, quare
tantâ carneâ mole sinister sepiat-
ur, cum dextro tam tenuis, alteri
comparatus, contigerit paries.

Notandum insuper, ob eandem
rationem, valvulis cordis opera-
tioni resistentibus, impares dona-
tas esse fibras (scrobulos & lacer-
tulos vocant) in sinubus è parieti-
bus exortas & valvulis insertas, ut
sint tamquam funes & retinacula,
quæ inhibent, ne, in contractioni-
bus, eæ ultra metam adaectæ, reti-
nendo sanguini forent inutiles: in

finistro enim ventriculo copio-
siores & multo firmiores repe-
riuntur :

Arteriæ dum patentibus val-
vulis hoc sanguine affatim & in-
sultu implentur, in molem attol-
luntur, in diastolem exsurgunt,
pulsusque faciunt; renitentibus
vero & sese contrahentibus iisdẽ,
clauduntur, à sanguinis compressi
mole, valvulæ earum oribus op-
positæ, &, ne is denuò in cordis
finis recurrat, impediunt.

Hunc, propter cordis disposi-
tionem, conspectaneum in motu
ordinem, imo ipsam actionem,
agendique modum, in vivo ani-
mali, præcipuè majore (quia cor-
dis collapsi & exsurgentis magni-
tudo melius potest discerni) &
moriente (quando sunt tardiores
motus)

motus) non solum visu, sed etiam tactu percipere facile est:

Cor fibras suas contrahens, & coactis viribus basi innitens, quo tempore mucronem attollit, perctusque, exterius perceptibili pulsu, percutit, fit ad visum mole minus, & ad tactum præterquam quod contractius & durius sentiatur, ejus diminuta quantitas, cum elevatur apex, apprehendente manu perbellè observatur sciscitaturque.

Addamus rationes. Partium omnium actiones cum contractione peraguntur, quare cordi hoc denegabimus? constat carne contractili, quæque musculorum firmior & validior est; hæc si ab inflatione & detumescencia sanguinis attolli & concidere debe-

ret inepta foret; tam vasta consistentia, forti & vehementi actioni, magis convenit; flaccidior passioni aptior est.

Si à præcedente auricularum contractione, quâ sanguinem eæ exonerant, cor in molem attolli videatur, non imputanda diastole est calori dilatanti: auricularum motum præcedere, & semper à principio præcessisse, in ovis singulis consequentibus diebus apertis luculentissimè apparet.

In hisce primùm vesicula pulsans conspicitur, cui in dextram auriculam mutatæ tandem cor adnasci cernitur, quod & ratio monet, nam auricula eundem pulsandi rithmum, quem vesicula habebat, servat, cor ab eo diversum & distinctum motum habet.

Auri-

Auricularum quia motus prior est, à cordis motu non dependet, ab eâ agente cor immediatè attollitur, non vice versâ, nam immediatè à corde nihil accipiunt.

Manifestū hoc etiam est, quia, corde non amplius pulsante, imo mortuo, adhuc auricula quælibet suo ventriculo respondens pulsat. Non pulsante plus ventriculo sinistro pulsat proxima auricula; eâ mortuâ, sinus dexter adhuc vivere cernitur; quo cessante super-vivit dextra auricula; hac à motu abstinente vel ad minimum conspicuo, observatur tremulus nonnullus in sanguine motus, à levi auriculæ morientis conatu in mobili sanguine (ut opinor) excitatus.

CAP. II.

*Quanam ex sententiâ de sanguinis ebullitione
Cartesii consequantur absurda.*

VIdeamus quanam doctrinam
hanc de sanguinis ebullitione
sequantur absurda.

Cogitur clarissimus Vir statuere uno eodemque tempore peragi & cordis & arteriarum diaστοlem: quod si verum, inutiles sunt harum ostiis appositæ valvulæ, quod, cum natura nihil facit frustra, absurdum est asserere.

Notum est arteriis nullas contingisse, quia earum una, ubique per totum corpus, est simul incipiens & desinens diaστοle & systole, quæ si per cordis sinus simul extenderentur, non minus ibi valvulæ, quam in arteriis, frustraneæ essent.

Adde

Adde quod nulla etiam illarum valvularum esset necessitas, quia nihil in arteriis, quod sanguinis regressum urgeret, reperiretur; contrahendi vi non pollent, clarissimo viro authore; neque in corpore conceditur frigus constrictione reperiens, quale etiam clarissimus Vir non desiderat, sed solum minorem calorem, quo sanguis detumescat, ut systolen faciat.

Secundò; sequitur valvulas tricuspidales arteriis junctas à refrigerato & detumescente sanguine claudi; quod est illo tempore, quando eas claudere sanguis minus valeat, aut opus sit, scilicet quando minus plenæ sunt arteriæ: verbo dictum sit, cum non conceditur occasio, nec potentia; nam

propriâ non clauduntur contrahendi vi, neque cordis, (quam in epistolis ad Lovanienfem Medicum negat) neque arteriarum sanguinem urgente.

Præterea; si cordis systole fiat quando in arteriis refrigeratur sanguis; fit hoc, aut quia in iis, densato sanguine, conceditur è corde egressuro locus; aut quia unâ refrigeratur, qui in cordis sinubus est sanguis, ut unâ concidat.

Si prius verum, subsequitur cordis systole illam, quæ in arteriis est; hoc est, distincto tempore fit; quasi dicas; à frigore densatur sanguis, qui in arteriis est, qui que inde fit mole minor, hinc aperiuntur valvulæ & elabitur è ventriculis sanguis alius, quod omne uno tem-

tempore fieri nō potest; probatur, quia, si valvulæ tricuspidēs post cordis diastolē statim clauduntur detumentibus adhuc arteriis (nisi illa cessaret non clauderentur, nam sanguis egrediens, & extraneo non minus in agendo pollens non sineret eas claudī) fieret utraque clausio & apertio harum valvularum in arteriæ systole.

Si posterius verum; quare non refrigeratur à frigidioris sanguinis guttis ingredientibus? venarum siquidem arterioso frigidior, magis etiam in pulmone refrigeratus; atqui ab hoc ebullitio augetur: unde sequitur, quod, in uno eodemque objecto, minus frigens majores edat effectus magis frigido.

Denique si, quod à calore liquescit

quiescit aut rarefit, id ipsum à frigore durefcit & densatur: tenuitatem à cordis calore acceptam, in arteriis causâ frigoris etiam amittet sanguis, quod si verum quomodo poterit poni inter venosum & arteriosum differentia, quæ Doct. Harveio pag. 47. metho. objicitur?

Non accipimus responsionem (pag. 136. & sequent. epistol. quæst. I. Beverovic.) datâ ad objectionem Medici Lovaniensis (eiusdem libr. pag. 124.) in quâ præterquam quod concedat Clarissimus Vir sanguinem ex arteriis per extremitates in venas influentem nullam ibi pati mutationem, ait, *in venis semper esse aliquas guttas, quæ ex arteriis non fluxerunt, quia nempe ab intestinis in illas semper aliquid humoris illabitur;*

bitur; itemque venas omnes unâ cum hepate instar unius vasis esse spectandas: nec non, contra positionem (pag. 47. method.) propriam; sanguinem debere easdem qualitates, quas acquirit à corde, in omnibus arteriis retinere. In hepate sanguinem fieri rubrum, atque ideo in venis nisi rubrum reperiri.

Ab intestinis ad corporis venas non est via nisi per portam & hepar, quod ipsum nisi ramum à cavâ habet, cujus sanguis contra flumen natare non didicit, neque illi magis, quam è corporis habitu remeanti, valvulæ patent.

Præterea, si densatur & incrasatur sanguis magis, quò longius à corde recedit, quomodo capillares imò multò minores arteriolas ingreditur, etiam corporis poros.

poros permeabit ut alat? corporis enim minutissimæ portiunculæ, secundum omnes dimensiones nutriuntur & augentur, non externâ appositione.

Pedetentim etiam sanguinis motus progredieretur, si ebulliendo & refrigerando peragi debeat (velocitas, quæ à calore datur, à frigore adimitur) præcipuè si guttatim procederet; etiam si tantum guttæ maxima pars simul è corde egrediatur, licet guttæ magnæ sint. (si guttæ, guttarum terminos non excedunt)

Sed quare guttam tantum uterque ventriculus sanguinis admittit? nihil obest quod non integer antequam ebullire possit impleatur: in procinctu est sanguinis copia, auricula premens, lata via, & paten-

patentes valvulæ ; præterquam quod tantam quantitatem cordis aucta & diminuta moles, atque arteriarum per totum corpus elevatio transire demonstrent.

Apertâ majori arteriâ omnis sanguis effluit, quod guttatim, quamvis etiam magnæ guttæ essent, fieri non potest.

Quidnam quæso fit de sanguine cordis substantiam per coronarias arterias intrante. Anne & is ebulliens in majorem molem attollitur, & retro movetur? Anne verò in cordis carne, ubi maximus debet esse æstus (quia inde ventriculi calent, dein propter quod unumquodque tale est, illud maximè tale est) refrigeratur? non est credibile: venæ arteriis magnitudine respondentes non alium quam

quam ab aliâ carne remeantem accipiunt.

Hiscè adde, quod ligaturâ in vivo animali interceptâ aortâ, oculis cerneretur ebullitio, nec tam subitò cessaret præcipuè adhuc pulsante corde.

Cor è corpore exemptum, nullo ventriculorum servato ordine, si secundum longitudinē, vel transversim, utcumque libitum fuerit, in plura frustula disseccetur, nullis servatis ventriculis qui occludi debent antequam latera elevari possint, in auram alias abiret ebullitionis ictus) unumquodque frustulum aliquandiu salit, imo sese contrahendo & erigendo ambientis aëris molestiam conatur excutere, postque singulos insultus (quibus frustula minora fieri
facile

facilè cernitur, præcipuè si majora inspiciantur) laxatum concidit, ab opere desistit, & post quietem exilem, primò satis brevem tandem longiorem, erectionem repetit ; si interim acu vel stilo pungatur, aliâve molestiâ afficiatur in diversos novosque se erigit subsultus ut injuriæ externæ se opponat, sine ullo caloris, ebullitionis, aut dilatationis indicio.

Non aliter in corpore cor integrum solet, à distendente sanguine illatâ molestiam, sese contrahendo, arcere, postque singulas actiones ab opere desistere & quiescere, quo tempore denuo ab auriculâ novo sanguine impletur & obruitur, ipsique rursus contrahendi occasio offertur.

Con-

Contractionis hujus cum calor, ebullitionis & dilatationis author, (cujus omnino contrarium effectum patet esse) causa dici non potest; ab animâ opifice, actionum omnium causâ efficiente, secundum ubique ab omnibus receptam opinionem, ego ad contractionem vivificatum corpus impelli existimo.

Nullæ corporis dispositi actiones peraguntur, nisi cum partes arcent aliena & molesta; contractione una pars alteram movet extenditque; in contractione & subalternâ quiete consistit vita, quæ, à contractione inchoatâ, quiete terminatur.

Ab hac opinione non abducit me Clarissimus Vir suâ quæstione Lovaniensi Medico, *Epist. quæst.*
Beye-

Beverovic. pag. 127. propositâ pro exemti cordis motus causâ disputans : quo pacto ab animâ humanâ ille motus pendeat , qui etiam in cordis partibus divisus reperitur , cum animam rationalem indivisibilem esse , & nullam aliam sensitivam vel vegetantem sibi adjunctam habere sit de fide ? Cæterorum animantium motum animæ non videtur hac quæstione derogare , difficultatē solūm movet super animâ humanâ , quæ me minus angit , hæc enim sub nullâ dimensione comprehensa & incorporea , quando non amplius suo corpore finita est , nec circumscriptionem , nec divisionē ullam pati potest , nec passura est antequam extremo die suo corpori denovo finita judicanda resurgat.

CAP. III.

De calore sanguinis : caloris definitio : elementorum qualitates in mixto manent : unus in omnibus calor solo gradu differens : quomodo calor è sanguine eliciatur.

Hisce ego satis superque probatum esse confido, nullos in corde elaborari spiritus; nullamque sanguinem in eo pati mutationem, multo minus perfectionem acquirere; denique majorem in corde quam aliis visceribus nullum esse calorem. Quid de principatu, & imperio, quo in corpore pollere dicitur, sentiendum restet, sit penes æquos iudices.

Unum adhuc solvendum superest; unde scilicet calorem nanciscatur sanguis, & unde partibus vividus

vidus reficiensque calor accedat, si à corde eundem non habeat: certum enim est calorẽ cum sanguine in partes omnes deferri, partium inde calorem augeri, easque inde refocillari; quò etiam plus habemus sanguinis eò nos plus calere.

Calor tactibilis qualitas, calidique subjecti forma, elementi ignei est effectus: definitur Philosopho qualitas activa, homogenea congregans, heterogenea segregans: motu hæc peraguntur, motu mixti compages dissolvitur, & singula devincta ad sua primordia moventur, cùm ignis activâ suâ vi mixti (quod contrariorum unione constat) partes movendo concitat & disjungit: singulis ad sua tendentibus, facillimè igneæ par-

particulæ, ubi major est confluxus, junguntur, unde ignis vires assumens, majorem combustibilium particularum motum, excitat.

Præbuit hoc fortè ansam Doctissimo Viro H. Regio quod (*disput. medic. prim. thesi 17. & fundamentor. physic. pag. 98.*) calorem vocaverit variam agitationem seu motum insensibilium particularum.

Mihi non motus aut agitatio esse videtur, sed aliquid, quod motu è subjecto producit modo dicto: è quo facile capitur ratio, quare, quò motus sit fortior & celerior, faciliùs in rebus calor excitetur; nam heterogenea quanto citiùs magisque separantur, igneæ particulæ, in omnium rerum fabri-

fabricam convenientes, commodius conjunctæ vires suas exerunt & calorem inducunt; qui auge-
tur, quando, aliarum rerum com-
pagein dissolvendo, sibi igneas
particulas, ex istâ materiâ effluen-
tes, copulat.

Constant enim cuncta quatuor
elementis, quorum singula suis in-
tegris concurrentia viribus, quan-
do mixtum constituitur, qualita-
tes integras servant, & datâ occa-
sione exerere nituntur, naturali-
terque exerunt, quantum compa-
ges ferre potest, & quamvis eas
potentiori formæ subicere co-
gantur, non tamē intereunt, neque
etiam unum in alterum mutatur.

*Nullius exitium patitur natura vi-
deri.*

Ignæ particulæ in tantum ab aliis

H

con-

concurrentibus elementis obtunduntur, ut tamquam sopitæ nullas exerere vires possint, & ne sensum aliquando moveant, imo omnino extinctæ videantur; quæ tamen motu & contritione, præsertim in rei dissolutione, aliâve juvante causâ, unitæ, non solum calefaciunt, sed interdum urunt & flammam movent.

In nimis fortiter mixto, quam ut dissolvi queat, illæ externi ignis adjumento adeo nonnunquam intenduntur, & in actum moventur, ut alias elementares mixti partes longè superent, quæ tamen, externo agente ablato, ad naturalem constitutionem mox redeunt.

Quamvis ignis actiones, pro gradus excedentiâ, tam in animali,

mali, quam in re inanimatâ, varias edat, in omnibus nihilominus unus idemque calor est, elementaris scilicet, neque præter eum ullus alius reperitur, sive constituens, sustentans, seu interimens dicatur; sive cælestis, naturalis, temperamenti, innatus, insitus, influens, sive præternaturalis, febrilis, universalis, particularis, sive alio quovis nomine indigetur, solo modo & graduum exsuperantiâ distinguitur, non secundum formam.

Neque aliter differt, qui externo tactu percipitur in vivente, ab eo, qui ad compositionem partis alicujus confluit, cujus forma etiam post mortem aliquamdiu persistit, quamvis omnis antea perceptibilis calor effluerit, to-

tumque cadaver frigere sentiatur: donec putredine ejus compages dissolvatur, & singulæ particulæ ad sua primordia recedant, quo motu igneæ conjunctæ calorem faciunt tactu perceptibilem, præcipuè eventilatione prohibitâ; eâ enim liberâ, in auras diffarentur antequam uniri & sensibilem calorem efficere possent.

Si in corpore vivo alicubi contingat infarctum putrescere, id tandem eruptione factâ turgens, cætero humori mixtum ejusdem calorem auget; nam acrimonia, aut alienâ qualitate molestâ partes irritando; & ad celeriores propulsionem eas incitando, sanguinis efficit motum citatiorem, unde major calor inducitur: non aliter (si non magis) quam si cibibus

bus potiusve calefaciens, multas igneas in se habens particulas, pro nutrimento assumptus esset.

Quemadmodum extra animalis corpus excitatur produciturque calor, quando scilicet suis vinculis liberatur, sic is in eodem motu creatur, & è nutrimento educitur: hoc à partibus (ab animâ vivificatis & impulsis) agitur, concitatur, minutissimèque dividitur, in quâ actione, celerè & indefinente motu convenientes ignei (liceat sic dicere) atomi, vires suas, uniti, calore manifesto, elucescere faciunt.

C-A P. I V.

Quae requirantur ut sanguis possit calefieri : sanguis unde mobilis : quomodo fiat nutritio : minutissimè sanguis divisibilis.

R Equiritur in actione hac seu caloris in animali productione , primo sanguinis mobilitas ; dein aliquod movens ; denique viarum dispositio per quas moveri & quibus, tamquam terminis, movendus contineri possit.

Mobilitatem partim à seculo habet, sed maximè ab aëre, qui in pulmone sanguini additur, hoc mediante in tenuissimas partes indefinitè divisibilis omnes etiam quam densissimas partes pervadere potest.

Tanta est inter divisibilitatem mobilitatemque affinitas, ut quò
ali-

aliquid facilius minutiusque dividi natum est, eò est mobile magis. Mobilitas summopere sanguini est necessaria propter nutrimenti distributionem.

Nutritio enim humoris nutritii cum singulis partibus unio est & assimilatio : quòd nutrimentum unum simile vivens deveniat, cum parte nutriendâ, non externâ appositione peragitur, sed id membrorum etiam minutissimas particulas eatenus penetrare & pervadere debet, ut iis secundum omnes dimensiones addi & uniri queat.

Observandum itidem est non totum quod advehitur uniri, habet siquidem in se idem sanguis varias & diversas particulas, quarum nonnullæ isti, ceteræ alteri

parti magis convenientes & aptæ sunt, nullæ tamen, nisi similes quæ sunt, appositæ adhærent, & debite assimilantur, reliquæ ineptæ ultra tendentes in venas remeant: si major, quam quæ exhausta est, copia additur fit accretio; si verò portio prius adhæsi una rapiatur, fit decretio & partium extenuatio.

Sanguinis mobilitatem demonstrat ipse præparandi modus, non enim in vasa lactea nisi tenuior mobiliorque chyli portio admittitur, quæ postquam mesenterii glandes & pancreas prius transierit, percolato venoso sanguine diluta, & aliquantulâ bile mixta, vastam parenchymatis hepatis substantiam percurrit, & tandem in pulmonibus aëre imbuta mobili-

bilitatis requisitam perfectionem adipiscitur; quàm autem mobilis, divisibilisque sic præparatus sanguis sit, docet quæ in singulis partibus nutritio & auctio hoc mediante peragitur.

Quantum etiam ea divisio ad caloris præbeat educationem, ipsa experientia testis est, attrita siquidem & levigata medicamenta multo citius potentiusque agere quam integra conspiciamus.

Galenus locum afferre lubet, qui, lib. 1. de med. simp. facult. c. 11. sic habet: eorum, quæ facultate calidâ esse in confesso est, nullum omnino nos calefacit priusquam tenuissimè sit comminutum; piper integrum corporis appositum nullam caliditatem edit: si pollinis instar cuti linguæve inspergatur excalefacit; præcipuè si fricetur.

CAP. V.

Quare moveri sanguis debeat : præcipuum movens instrumentum cor : transeuntis copia unde colligatur : cordi auxiliantur arteriæ : harum agendi vis probatur : quid ad motum singula præstent partes.

MObilitas hæc sanguinis ad caloris productionem non sufficit sola, nisi enim is à quodam urgente impellatur & motu celeri concitetur, nō calefieret, particulæ quoniam igneæ nisi conjunctæ calefaciunt, motu eæ celeri eliciuntur, dum enim præ aliis celeritate pollent, ante alias exsiliunt, & vinculis liberatæ coeunt, ut vires exercean.

Quamvis, ut moveri possit, sit dispositus sanguis, quia tamen vitâ destituitur (non minus quam spiritus, si ulli in corpore reperiun-

fiuntur) semet ullo modo movere non valet : ab animâ enim omnis est actio : neque aliquid nisi animatum sentire, aut se movere potest, solum ea corpus & ejus partes vivificat, quibus ordine & debite aptatis suas potentias in actum ducit.

Hæc anima motrix & impulsrix ad opus hoc in primis cordis utitur ministerio, quod vastâ contractili carne dotatum, acceptum ab auriculis sanguinem, sine aliâ, quam semet à molesto pondere liberandi, intentione, in arterias onus hoc, sese contrahendo, promovet, tam crebris & celeribus pulsationibus, ut ex illis, nec non contracti & dilatati cordis comparatione, ostiorû patentium magnitudine, & arteriarum per to-

tum corpus ad singulas cordis contractiones, tangibili elevatione, factâ conjecturâ colligere facile quisvis possit, quàm celeriter perenni motu sanguis partes omnes pererret atque transeat.

Cordi in actione hac secundant arteriæ & cæteræ partes omnes: illæ impletæ & cordis agendi vi distentæ, quando contrahuntur & vicinarum mole premuntur in singulas partes pro re natâ eundem dispensant: pneumonica scilicet in pulmones, aorta in integrum corpus, nullâ gravitatis, aut levitatis factâ differentiâ: neque enim levior sursum, aut gravior deorsum tendit; sed uno impetu sine aliquo discrimine ad minùs renitentes, aut magis inanitas partes movetur.

Ne.

Ne quispiam existimet, quoniam dictum antea est, ab impellentis cordis actione, in arteriæ vulneratæ diastole, sanguinem impetu proflire, atque ideo sanguinem propellendi omnem vim à solo corde manare, neque arterias ad id quippiam tribuere, quoniam; dum implentur, exsilire is videatur.

Non concluditur inde sanguinem in arteriarum systole ulterius non moveri; collabuntur enim & contrahuntur. ut denuò in diastolen insurgere queant, & quamvis tunc è vulneratâ arteriâ tam magno impetu, ut salire possit, non egrediatur, elabitur tamen quemadmodum è vena, & quantum coincidentia labia effluere admittunt.

Quanta

Quanta arteriarum in protrudendo sanguine sit potentia, manifestè ab injectâ ligaturâ patet, vix enim eâ, in vivente, arteria etiam magna constringitur, quin statim ultrâ vinculum, tempore, quo vix tres quatuorve pulsationes peragerentur, omnino innanitur, quamvis à corde, impediēte fasciâ, nullum procedentem sentiat impulsus.

Partes omnes & singulæ nutriendæ, dictarum arteriarû actione, sanguine seu aliturâ usq; adeo imbutæ, ut etiam distendantur & intumescant, alienû omne & molestû naturaliter exprimere & expellere tentant; nam præterquam quod renitentiâ & suo pondere receptum seu contentû humorem removere natæ sint, quia plures
in se

in se particulas etiam dissimiles sanguis, quæ in substantiam viventem verti & assimulari non possunt, continet, ad hoc tanto magis invitatur, quia, sine cessatione, aut requie, indefinenter novus priori succedat: hujus veritatem remeantis è corporis habitu in venas sanguinis proventus docet.

CAP. VI.

Sanguinis motui destinata via: quomodo ea disposita: quare venis non arteriis valvula: quare ea cordi: quousque vasorum ductus extendantur: quid pro corporis habitu capiendum: non necessaria ad sanguinis motum manifesta anastomoses: de iis Cartesii, item Harveyi sententia.

PArtes vias constituentes, per quas sanguis meare, & quibus tamquam terminis contineri ejus.

ejusque calor conservari possit, sunt cor, arteriæ, totius substantiæ pori, & venæ cum suis appendicibus.

Vena cava cum suâ auriculâ, dexter cordis sinus, & arteriæ pneumonica simul meatum faciunt, quemadmodum vena pulmonis, ejus affixa auricula, cordis sinister ventriculus & arteria aorta alterum. Horum singulus unus est & continuus, omnino impeditus, ipsis oculis conspicuus, valvulis tantum pluribus in locis recursum impredientibus obsitus,

Hæ in venarū cavitatibus plurimæ & innumeræ sunt adnatæ, cum, quia partium corporis inæquales sunt motus, tàm, quia externo compressu, ob tunicarum molliem facilè connyent, unde fan-

sanguinis non solum motus impediri, sed is magno corporis damno retrorsum premi posset, nisi à naturâ valvulis id præventum esset.

Hæ ad cordis introitū & egres-
sum tantum ob primam rationem
sunt adnatæ, scilicet quia auricu-
larum, cordis & arteriarum non
est unus sed diversus motus: arte-
riis nullæ sunt concessæ, quia uno
impetu à cordis actione elevan-
tur, atque eâ cessante simul con-
trahuntur & concidunt; dein quia
propter substantiæ duritiem vici-
narum partium mole non facile
sicut venæ comprimuntur.

In meatibus hisce sanguini à
corde aut arteriis nihil quidquam,
præter concitator motus accedit,
omne quod habet per venas addi-
tur; non quod ipsæ aliquid de suo
tri-

tribuant, sed totum, quod in meatu seu capacitate continetur, à partium substantiâ defluxit.

Ductuum descriptorum principia unâ cum venis incipiunt, sicut termini unâ cum arteriis desinunt, quæ utræque partes similes sunt, sic dictæ, quia sibi ubique sunt similes, & quælibet earum pars simili nomine, vena & arteria vocitetur.

Ubi igitur illæ eatenus partium substantiæ inferuntur, & divaricationibus seu divisionibus plurimis adeo implicantur, ut nomen & similitudinem omnino amittant, pro substantiâ, quæ ad partis nutriendæ structuram confluit, accipiuntur.

Ibi cum venis incipiunt ductus, & cum arteriis desinunt, nomen-

menque amittunt, & quemadmodum, quod iis continetur sanguis, sic, quod solidum in toto ultra dictos terminos est, corporis habitus & substantia nuncupatur, quæ poris undique pervia, sanguini per dictos meatus advecto, sed in pulmonibus prius subtilisato & mobili reddito, per intima sua penetralia transitum concedit, ut etiam minima partis portiuncula secundum omnem dimensionem nutriri & augeri possit.

Nō necessarium esse existimo, anastomoses arteriarum & venarum ad intuitum manifestas statuere, si quidem per ipsam corporis substantiam is exquisitè divisibilis permeare potest; per carnosam quidem velocius, quàm per compactiorē, tantâ tamen actionis

nis

nis concordia, ut una alterius operi non obsit, aut (dum corpus sanum existit) illud impediat.

Clarissimus vir R. *Cartesius* hæc anastomoses tam ponit esse necessarias, ut, per has solam esse datam viam ad sanguinis circulationem perficiendam credat; imò tam manifestas & patentes, ut, ex arteriis per earum extremitates in venas influentem nullam ibi pati mutationem, & si venosi & arteriosi sanguinis sit aliqua differentia, hanc ipsi, quia aliquid ab intestinis & hepate affluerit, acquisitam asserat (quod paucis verbis refutavimus.)

Inventi hujus laudem Medico Anglo tribuendam dicit, quod glaciem illam fregerit, scilicet dubium solverit, quare venæ non
ina-

inaniantur, & arteriæ non rumpantur, cùm omnis sanguis, qui cor transit, ex illis, in has influat.

Verum quidem est, quod Venerandus *G. Harveius*, suæ circulationis doctrinam magis possibilem susceptibilemq; averfantium mentibus dum reddere conatur, (quoniam aliqui, ut ipse ait, nil nisi adductis autoritatibus admittunt) Galeni locum (*de usu part. 6. cap. 10.*) afferat; ubi is in toto mutuam anastomofin atque osculorum apertionem arteriis simul cum venis esse dicit.

Sed Venerandus vir solummodo, in quantum pròdesse possit, locum illum citat, quamvis per corporis habitum transire sanguinem ejus mens sit: neque sine ratione,

tione, siquidem dicto modo fiat nutritio.

Præterea manifestū est, quod, si pars quæpiam, ubi nulla omnino conspicua est vena, vulneretur, sanguis inde exsudet, aut effluat: fracta ossa, totius corporis partes siccissimæ & solidissimæ, carnem, sanguinis indicium, in fragmentorum labiis producunt, (quam mobilibus fragmentis adnatam non semel vidimus) quæ illa concrefcunt & invicem colligantur, hæc tempore ossescente & in callum degenerante.

C A P.

C A P. VII.

Motu calorem excitari probatur, tam in non animatis quam animalibus : de loco, ubi is educatur : conclusio.

Constat itaque sanguinem esse summè mobilem, & in minutissimas particulas indefinitè divisibilem ; cor etiam, arterias & omnes totius corporis partes eundem indefinente, forti, & quam velocissimo motu, per meatus primum apertos & impeditos, dein corporis substantiam exiguis poris perviam & transitum, dum sana sunt omnia, non impedientem, ciere & potenter urgere.

Motu calorem excitari manifestum est : videmus, quæ fricantur, incalescere ; collisos filices scintillas emittere ; gravi concitato
motu

192 DISSERTATIO

motu etiam ligna flammam concipere: cum tamen, sicuti etiam stirpes, metalla & inanimata, quia immobilia sunt, frigeant.

Animalia etiam minora & imperfecta, licet vitam fruuntur, ob inotus exiguitatem, non modo non calent, sed ad contactum frigent, non obstante, quod ad eorum constitutionem & fabricam satis copiose igneae particulae confluerint: quod millepedes, locustae, cantarides suo probant exemplo, si introsumentur, aut externè humano corpori applicentur, urunt & exulcerant.

Si cursu aut alio quovis exercitio corpus exagitetur, unde sanguis celeriori motu cieatur, totum corpus inde magis incalescit; quod itidem fit, quando cibus acribus

bus & medicatis vel meraciore potu, copiosiore nutrimento, aut aliâ de causâ, sive salubri, sive morbificâ, partes corporis irritatæ sanguinem solito citius promoveant.

Authore Galeno de morb. causis lib. *universa corpora plus incallescere solent motu improbo, vel ex putredine, calidioris corporis viciniâ, vel ex astrictione, alimento calido.*

Si proximas causas enumerare quispiam desiderat, hæ sunt, quæ particulas igneas jungunt, aut in actum educunt; alimento administratur materia, è quâ motu ex eliciuntur; calidi viciniâ ad edendas vires juvantur, mixti vel partis formâ manente; impeditâ eventilatione præcavetur, ne diffentur, & in auras abeant.

Motu itaque calorem è rebus educi certum est : sed ubinam, aut ubi loci in animali id contingit, an in cordis ventriculis ? Siquidem hoc sine morâ movetur, primum præcipuumque promovendo sanguini inserviens organum est ; dein quia omnis ad illos sanguis confluit.

Verum est cor, non primum quidē ordine, sed præcipuum movendi sanguinis instrumentum, dispensatoris officio fungi, cujus operâ in univèrsū corpus nutriendis partibus elaboratus distribuitur : sed quoniam manet ibi compacta & integra sanguinis massa, cujus compositio caloris augmentum quantum potest, impedit & averfatur, cordis ventriculis ascribi non potest, quod san-

sanguini calorem augeant , vel quod in illis ex eo calor eliciatur.

Existimo ego, ubicumque nutritio fiat, ibi evidentissimè hanc actionem peragi, atque partes, dum nutriuntur, incallescere: tunc sanguinis compositio dissolvitur, isque minutissimè divitur; tunc etiam compedibus liberatæ igneæ particulæ & unitæ, vires suas calefaciendo exerunt.

Quod si, pro temperamenti exigentiâ, partiumque compositionis & unionis tolerantiâ, debite peragatur, calor blandus & naturalis excitatur, actiones etiam totius corporis omnes, secundum naturam rectè, prout in sano requiritur, eduntur.

Sin vero sanguis quantitate qualitateve, tam propter inter-

mas, quam externas causas, peccans, vel exercitia immodica, animive affectus majores & quę concitatiores, quam par est, motum excitare possunt, calorem modum excedentem accendant, corporis actiones turbantur, febres inducuntur, & in qualibet parte, secundum temperiei & meatuum dispositionem, symptomata moventur: quorum enumeratio dum metas nostras excedit, satius erit demonstrasse, cor, in animalis corpore, nullam habere præfecturam aut principatum, neque spirituum officinam, neque sanguinis fontem esse, quia majori nullo præ cæteris visceribus calore pollet.

AP-

APPENDIX.

Anne Harveius sentiat cordis ventriculos in systole dilatari, ut sanguinem recipiant, & in diastole constringi ut eundem extrudant: tale è Cartesii suppositis sequi: cujusnam potior de systole & diastole sit sententia.

NON video quâ ratione sit inductus Clarissimus Vir R. Cartesius, ut asserat Venerandû D. Harveium sentire, cordis ventriculos in systole dilatari, ut sanguinem recipiant, & in diastole coarctari, ut illum in arterias extrudant. Staterâ hanc rem pensemus æquâ.

Clariss. Vir, cor propter sanguinis ebullitionem, à calore ejus infito excitatam, intumescere & in diastolen attolli, eo tempore, quando percutitur pectus & ex-

ternè pulsus sentiri potest, existimat.

Venerandus *Harveius*, cor, eodem tempore, quo pectus ferit, fibras omnes tendere, semet erigere, undique contrahi, depleri & inaniri, atque in systole esse, asserit.

Idem tempus, quo hic systolen fieri contendit, ille diastolæ tribuit.

Anne propterea *Cartesio* licitum est *Harveio* ascribere, quod ejus menti contrarium est? ac si cor dicat dilatari & sanguinem recipere in systole, quia *Cartesius* eo tempore systolen fieri contendit, quamvis ipse diastolen tunc fieri asserat & demonstret: pari jure idem de *Cartesio* posset dicere *Harveius*, sed videamus in quem

quein sit cudenda hæc faba.

Venerandus Doctor *Harveius* animantis corporis indagator argutus, in cordis motu duo observat tempora, unum motus, scilicet quo cor seipsum movet & in actione est; alterum quietis, quo ab actione cessans movetur & extenditur ab auriculis sanguinem immittentibus.

Hæc tempora ait manifestius posse distingui, accuratiusque observari, in frigidioribus animalibus; omnium optimè, in aliis calidioribus, quando mori & languidius tardiusque cor pulsare incipit.

Tunc enim temporum periodi sunt longiores, qui in vegeto propter brevitatem vix discerni possunt; tunc etiam cernitur, per-

actâ systole, cor ab actione desistens quiescere, atque (in animali scilicet moriente) esse laxum, flaccidum, enervatum, & quasi inclinatum jacere.

Hoc tempore, ait, auriculæ se tendunt, constringunt & sanguinem in ventriculos impulsu movent, quos dum distendunt diastolen faciunt: quâ perfectâ, scilicet quando summè distentum est, cordis motum incipere dicit, quo tempore undique sese contrahens & basi innitens erigitur, minorisque magnitudinis & longiusculum, mucronem sursum elevat & pectus percutit.

Tempus hoc systolen, prius diastolen vocat: prius incipit depleto corde, & ab opere quiescente, desinit corde impleto; alterum

rum tunc exordiens corde fibras omnes tendente & contrahente peragitur, & opere peracto desistit.

Sit penes æquum judicem, an ne Venerandus *Harveius* sanguinem in systole in cordis ventriculos dilatatos recipi, & in diastole, dum illi coarctantur, in arterias extrudi sentiat: præcipuè quando, pendente sub judice lite, determinatum non sit, cujus sit potior sententia.

Enucleemus Clarissimi Viri de systole & diastole placitum, & scrutemur annon id, quod in alio carpit, è propriis scriptis manifestè consequi pateat.

Siquidem diastole & systole sua habent tempora, quibus mensurantur & à se invicè distinguuntur;

tur; videamus quomodo principium unius & terminus alterius discerni, ex ejus supposito, possint.

Diastoles & systoles differentiam dignoscimus, vel solo tactu, pingui, ut ajunt, Minervâ, (quod in arteriarum pulsu magis usu venit) vel adhibitâ ratione.

Priori modo, quia cordis (uti etiam auricularum & arteriarum) extensio diastole est, systole vero contractio, quod magis summæ extensioni tempus prope est diastoles, quemadmodum systoles extremæ contractioni proximum statuitur; diastole in media ad dilatationem viâ incipit, & in mediâ ad contractionē desinit; reliquum systolę tempus adscribitur.

Altero modo, qui adhibitâ ratione

tione est, incipere judicatur (quando secundum Clar. Viri sententiam sumitur) incipiente ebullitione, scilicet quando intumescere cum sanguine cor exorditur; systolen vero, quando, à refrigerato sanguine, concidere incipit.

Quo velis modo capiatur, necessario sequitur sanguinem in systole cordis ventriculis admitti, & in dilatatione seu diastole, eundem in arterias demitti.

Super priorem modum non cadit dubitatio: posteriori modo sequi restat demonstremus, quoniam apertis verbis hoc ipse non asserat.

Sed pag. 44. & sequenti lib. method. inquit. Simul atque duæ sanguinis guttæ sunt ingressæ, nimirum in unamquamque cavitationem una, quæ

statim rarefiunt & dilatantur propter calorem, quem illic inveniunt, quâ ratione fit, ut totum cor intumescere faciant, simulque pellant, & claudant quinque valvulas, quæ sunt in egressu, unde manant.

Videtur Clarissimus Vir asserere sanguinem intrasse antequam ebullitio incipiat, postquam, enim inquit, intrarunt guttæ, sanguis rarefit, qui facit diastolen, unde in systole intrasse manifestum.

Docet etiam consequentia : sanguis in ventriculos intrat, cùm apertæ sunt venarum portis appositæ valvulæ ; egreditur vero iisdem clausis, arteriarum apertis : atqui Clarissimo Viro valvulæ venarum in systole cordis apertæ, in diastole clausæ, ergo sanguis in
cordis

cordis systole ventriculos intrat non in diastole.

Præterea ab intrante dilatato sanguine arteriarum fieri diastolen supponit, systolen vero in iis refrigato: quare in arteriis, è quibus systoles causa manat, introitus & condensationis tempora magis distincta erunt, quam in corde, à quo causa diastoles petitur, introitus & dilatationis?

Sed quid multis demonstrationibus opus est? Doctissimus H. Regius Medicinæ in Ultrajectina Universitate Professor Cartesianæ Philosophiæ egregius sectator fund. physicor. lib. pag. 183. expressis verbis diastolen pulsus partem dicit, *quâ cor à rarefcente sanguine ex venâ cavâ in dextrum, & ex arteriâ venosâ in sinistrum in systole illapso*

illapso secundum latitudinem & profunditatem dilatatur & intumescit.

Et paulò post. Neque hæc pulsus pars ex eo pro systole cordis habenda est, quod abscisso vivi animalis cordis mucrone, ventriculi ejus hic arctari sentiantur & conspiciantur. Nam diastole cordis non ex ventriculorum dilatatione, sed ex ipso cordis tumore, qui etiam arctatis ventriculis contingere potest, est æstimanda.

Concludendum itaque est Clarissimum Virum (nam sanguinem accipere non possent, quin dilatentur, præcipuè à guttis, uti ipse ait, satis magnis ; quia viæ sunt valde amplæ & vasa, unde proveniunt, vehementer impleta sanguine & à quibus detumescunt, dum inaniuntur auriculæ) statuere, quod in Venerando Doct.

Harveio

Harveio carpit, ventriculos in systole dilatari, ut sanguinem recipiant, & in diastole arctari, cum sanguis in arterias extrudatur.

Annon optimo jure Venerandus Doctor *Guilielmus Harveius* dicere posset *Clar. Ren. Cartesii* de motu cordis sententiam proprio experimento jugulari: quo infantis *Harveii* opinionem expugnatam & jugulatam ire contendit? Quoniam eatenus jam devenimus, ut horum doctissimorum virorum discrepantes opiniones sciamus, videre non erit abs re, ex utriusque collatis rationibus, cujusnam sententia de systole sit ap-
plausibilior.

Cum fere ab omni ævo cordis diastolen, quando extendendo & tanquam follis sanguinem in ventricu-

trículos trahendo, repleti dicere-
tur, atque id illo tempore, quo pe-
ctus ferit & foris pulsatio senti-
tur, receptum esset fieri; obser-
vavit Venerandus *Harveius*, isto
tempore non diastolen (quâ cor,
dum ab opere & contractione de-
sistit quiescens, à sanguine, au-
ricularum systole, in ventriculos
immissio, in majorem molem ex-
tenditur) neque cor distendi, ne-
que sanguinem recipere, sed sy-
stolen peragi: quæ cordis est
actio, quæ sanguinem in ventri-
culos receptum, in arterias pro-
pellit, easque in diastolen attol-
lit.

Animadvertendum, ait, cor
cum se movet, contrahi & tendi,
(aliarum partium more, quæ si-
militer in actione contrahuntur)
unde

unde fit contractius, quod tàm ad conspectum quàm contactum patet, quia minoratur & durius & magis renitens percipitur.

Hanc consequentiam probat exemplo musculorum, qui dum se contrahunt, duriores & magis renitentes percipiuntur: præterea, quod fibræ, dum contrahuntur, abbreviantur & incrassantur, sic etiam cordis substantia & parietes, eo tempore, incrassantur.

Ventriculos sanguine non impleri eo tempore probat, quia artiores & constrictiores fiunt & minus capaces, dein quia inaniri videntur; per inflictum enim vulnus cum saltu sanguis exit cordis contractione expressus: denique albidius fit cor, quod dum impletur sanguinei coloris fit saturum;
in

in piscibus & frigidioribus animalibus magis conspicuum.

Omnes partes, dum in actione sunt, vigorantur, quiescentes verò flaccidæ & molles sunt; pulsationis tempore cor, quia in actione est, vigoratur, contrahitur, semet erigit in tantū, ut pectus percutiat.

Hæ sunt, ex tractatu de motu cordis & sanguinis *Harveii*, excerptæ rationes, quibus inductus, cordis motus duo esse tempora, demonstrare nititur, unum motus, quo sese cōtrahendo pectus ferit, in quo systole peragitur; alterū vero quietis, quo diastole fit, & cor sanguine impletur & distenditur.

Clarissimus *Cartesius* cordi nullam attribuens actionem propriam, sed ejus motum à nullâ præcedente potentiâ sive animæ facul-

facultate, sed mechanicè excitari afferens, à calore, ipsi implantato, sanguinem dilatante & ejusdem ebullitionem excitante, in diastolen cor attolli & pulsare pectus existimat, hisce motus rationibus, uti eæ in respons. ad Med. Lovan. epist. habentur.

In cuniculo vivo postquam cordis mucro fuit abscissus ejus basis manens adhuc vasis appensa pulsavit satis diu, atque in eâ commodissimè aspexi duas illas cavitates, quæ ventriculi cordis appellantur, in diastole fieri ampliores, & in systole arctiores.

Et paulo post: Nota, ut hoc experimentum rectè fiat, non solam mucronis extremitatem, sed mediam partem totius cordis esse abscindendam, vel etiam amplius: idque in cuniculo timido animali, non cane esse tentandū:

In canibus enim ventriculi cordis varios habent anfractus, quorum singula cavitates dilatatione sanguinis ita extenduntur, ut interim generalis cujusque ventriculi cavitas angustior reddi videatur. Denique: Atqui tunc illud dilatari, vel ipso tactu probari potest, manu enim prehensum multo durius in diastole, quam in systole sentitur.

His Doctissimus D. Regius fund. physic. pag. 183. addit: Si tum temporis cor & arteria vulnerentur, ex tumido corde & dilatatis arteriis sanguis eodem tempore exsilire conspicitur.

Præterea pagina sequenti: Quo tempore arteria impulsus cessare sentitur, eodem momento videmus latus cordis, sternum spectans, concidere, ibique maximè, ubi orificio aortæ respondet;

spondet ; dextrum vero latus & sinistrum , versus dextras sinistrasque costas , collabascit ; mucro recedit à basi , totumque cor , teste sensu tactus , laxum , flaccidum & molle evadit . Vulnerato autem corde & arteriis , nihil sanguinis tum temporis ex iis egreditur ; & vulnera eorum concidunt .

Hæ sunt utrimque allatæ demonstrationes , eædem ferè , in contradicentium tamen probationem , à viris fide dignis ; quid dicemus ?

Et vitalo tu dignus & hic .

Priori modo , sive pingui Minervâ (uti dictum est diastolen & systolen interdum distingui) si eæ considerentur , (scilicet si diastole dicatur , quando cor summè tumet , systole verò quando minùs tumet) videbuntur Clarissimi Cartesii

tesii & Doctissimi Regii allatæ rationes aliquid inferre posse.

Sed si ratio adhibeatur, cognoscetur systolen incipere in summâ diastole, scilicet, quando cor summè à sanguine extensum, fibras tendens sive contrahens, eundem in arterias exprimit; desistit verò ab actione hac, quando, ulterius tendere seu contrahere fibras non valens, easdem laxat, novæ diastole occasionem præbens, quæ incipit quando cor agere desinit: eo quiescente peragitur, finitur, dum novam contractionem cor exorditur.

Hoc modo diastole systoleque consideratis, etiam cæcus videt, Venerandi *Harveii* sententiam firmissimis demonstrationibus esse stabilitam, & concludendum;
dum

dum diastole fit, cor quiescere, sinus impleri & patentiores fieri, parietes extendi & tenuari, ipsum secundum omnes dimensiones mole augeri: in systole, actione propriâ se movere, vigorari, parietes contractione incrassari, ipsum minorari, mucronem erigere, sinus angustari, & expressione depleri, sanguinem in arterias protrudi, easque interea inde in diastolen exsurgere, eo tempore, quo eriguntur auriculæ.

Magis erunt hæc manifesta, si consideretur, in vivente aut vegeto corpore, cordis latera non concidere, neque, eo uti profertur modo, laxum, flaccidum & molle collabascere versus dextras & sinistras costas; sed hoc in moriente animali solum evenire: cujus exempla

exempla profert *V. Harveius*, ut tempora proprii motus & quietis cordis evidentius distinguerentur, & manifestè, dum tarda sunt omnia, cor se movere & contrahere in systole, in diastole vero ab actione quiescere, demonstraret.

Animali sano cuncta hæc tam citò peraguntur, ut vix à contractione desistat cor, quin, ab urgente sanguine, contrahentibus auriculis, per patentias vias, impleatur nictu oculi interdum citius: ita ut impletionem & depletionem discernere arduum sit, si non impossibile.

Eodem etiam tempore è cordis & arteriæ vulneribus sanguinem exsilire verum est; in illius systole, in hujus verò diastole, ab eodem urgente & se contrahente corde:

corde: hoc enim inanitum, dum ab auriculâ impletur & attollitur in majorem molem, quamvis exeat interea sanguis, saltu tamen non profilit; auriculæ actio quippe non satis valida est: deinde inaniti sinus, qui implendi sunt saltum impediunt; sed validior cordis contrahendi vis sanguinem per utrumque vulnus exsilire facit, è proprio, dum sanguinem exprimit, ex arteriæ, quando illam implendo extendit.

Addamus etiam nostras quibus R. *Harveii* stabiliri sententiam posse judicamus.

Si rarefieret & majorem molem acquireret in dextro ventriculo sanguis (sit idem de aortâ dictum) majus orificium debuisset pneumonicæ arteriæ tribuere na-

K

tura,

tura, quod transiendo sanguini esset patens satis : ipsa quantitas, in diastole quæ intravit, exire debet sequenti systole, cujus si moles augeatur, portâ indigeret majore pro sanguinis augmento : non minus, quam videmus cavæ venæ foramen, quo cordi aptatur, respondere amplitudini partis, quæ supra cor est, & simul ejus, quæ infra cor est.

Accedit, quod contrarium cordi habere motum, & concidere auriculas, quando cor attollitur, confessione ipsius *Cartesii* constet; atqui eo tempore, quo cordis, secundum *Harveium*, fit diastole, eæ deplentur & collabuntur, dū vero sese contrahendo pectus ferit, replentur & intumescunt. Ex hisce manifestè apparet, esse concluden-

dendum, cor, eo tempore quo pectus ferit, sese contrahendo movere, sanguinem in arterias exprimere & in suâ systole esse : quando vero ab actione hac desistit, & quiescit, à sanguine impleri & extendi, cavitates ampliores, latera verò tenuiora reddi, totum mole, secundum omnes dimensiones, augeri & in diastole esse, longè aliter, quam Clarissimus Vir opinatur.

FINIS.

K 2

Differ-



Dissertationis de Corde
Sectionum & Capitulorum
E L E N C H U S.

AD lectores alloquium, in quo tractantur, honores & reverentia artis inventoribus debiti: sentiendi libertas plurimè habita: artis Medicæ fundamentum veritas: Harveius circulationis sanguinis author: hac multa veterum statuta inversa: authoris scribendi causa: Medicinæ compendii brevis norma. Pag: 3

S E C T I O N I S I.

CAP. I. De re quapiam laturus sententiam qualis: cor nondum benè perscrutatum: quanti illud aestimarint veteres: ejus etymii expositio: unius partis in aliam nullum dominium: cor
pars

INDEX.

pars servilis : facultates non influunt.
Pag : 25

C A P. II. *Spiritus etymi acceptio :
ejusdem veterum definitio : in corpore
tale non reperitur : veluti triplex in
qualibet parte substantia, sic etiam in
sanguine : spiritus & calor malè con-
funduntur : spiritiosa substantia à
sanguine inseparabilis : spiritus animæ
& corporis non est vinculum nec ani-
mæ instrumentum proximum : ani-
malis facultas per spiritus non ducitur
in actum : quomodo sensationes fiunt.*
Pag : 36

SECTIONIS II.

C A P. I. *Sanguinis definitio : hæmato-
sis quid : quomodo peragatur : quo-
modo in fœtu exorditur : alendi apti-
tudo, non color, sanguinem facit :
in unâ parte hæmatosis non perfici-
tur : coctiones additione & detractio-
ne fiunt.*
Pag : 51

K 3

C A P.

I N D E X.

C A P. II. *Alimenti prior coctio mediante ventriculi humore, non calore & contactu perficitur: ad cibi dilutionem non sufficere potum, qui ipse dilui debet: acidus sapor in ventriculo non à liene: anne aliquid à ventriculo feratur in lienem: ejus usus.* Pag: 58

C A P. III. *Venarum lactearum usus: quis pancreatis, & glandularum mesenterii usus: chymosis rudior sanguificatio: quid chymus: sanguinis in jecore uterino præparatio: naturæ circa alimentum ordo.* Pag: 67

C A P. IV. *Bilis sanguinis condimentum, hepatis excrementum non est: vesiculæ syntaxis: quomodo in ea bilis generetur: ejus necessitas: per meatum biliarium ducitur in hepar, & per alium chylo miscenda: de portæ & cavæ venæ: hepatis usus.* Pag: 76

C A P. V. *Sanguini ut sit nutritivus duo necessaria: ejus mobilitas unde: fœtui qualis inservit: quæ causa quod in lucem*

I N D E X.

*lucem is prodeat : quoniam aëris in corpore
usus : quare infans non perforato po-
dice & urinario meatu citò moriatur :
sanguis venosus alendis partibus in-
eptus : nutritio quomodo fiat : quan-
ta aëris ad nutritionem necessitas : ejus
varii in mixto effectus.* Pag: 90

C A P. VI. Sententia Columbi de vi-
tali sanguinis officinâ : rationes pro-
bantes : pulmonum constructio :: de
arteriâ & venâ pneumaticâ, hanc non
esse arteriam neque illam venam : ve-
na & arteria in fœtu duobus exortibus
è cordis ventriculâ prodeunt : segre-
gationis causa : venarum auriculæ ex-
ortibus appositæ, quæ illarum partes,
non cordis. Pag: 94

C A P. VII. *Ad loca nutrienda san-
guinem debere moveri : quando &
quomodo vita incipiat : bullula in au-
riculam migrat, cui in subsidium venit
cor : hujus situs & compositionis ra-
tio : quale instrumentum animæ cor.*
Pag. 102

INDEX.

C A P. VIII. *Conringii pro cordis hæmatosi argumenta: eorum refutatio.* Pag: 116

C A P. IX. *Instantia supra datam responsionem è Cartesii Methodo desumpta: quare venosus arterioso sanguis crassior: sanguificationis organum cor non esse, neque ipsi consumptionem imponere probatur.* Pag: 131

SECTIONIS III.

C A P. I. *Anne cordi major insit quam visceribus alius calor: affirmantes veterum rationes impugnantur: Cartesii de calore sententia: hanc quænam applausibilem faciant, cordis compositione & rationibus renitentibus: auricularum motus cordis prior & posterior.* Pag: 139

C A P. II. *Quænam sententiam, de sanguinis ebullitione Cartesii, consequantur absurda.* Pag: 154

C A P.

I N D E X.

C A P. III. *De calore sanguinis : calor
loris definitio : elementorum qualita-
tes in mixto manent : unus in omnibus
calor solo gradu differens : quo modo
calor è sanguine eliciatur.* Pag : 166

C A P. IV. *Quæ requirantur ut san-
guis possit calefieri : sanguis unde mo-
bili : quomodo fiat nutritio : minu-
tissime sanguis divisibilis.* Pag : 174

C A P. V. *Quare moveri sanguis de-
beat : præcipuum movens instrumen-
tum cor : transeuntis copia unde col-
ligatur : cordi auxiliantur arteriæ :
harum agendi vis probatur : quid ad
motum singulæ præstent partes.*
Pag : 178

C A P. VI. *Sanguinis motui destinatæ
viæ : quomodo eæ dispositæ : quare
venis non arteriis valvulæ : quare eæ
cordi : quo usque vasorum ductus ex-
tendantur : quid pro corporis habitu
capiendum : non necessariæ ad san-
guinis motum manifestæ anastomoses :*
K 5 de ins

I N D E X.

de iis Cartesii, uem Harveii sententia. Pag : 183

C A P. VII. *Motu calorem excitari probatur, tam in non animatis quam animalibus : de loco ubi n educatur : conclusio.* Pag : 191

A P P E N D I X.

Anne Harveius sentiat cordis ventriculos in systole dilatari, ut sanguinem recipiant, & in diastole constringi, ut eundem extrudant : tale è Cartesii suppositis sequi : cujusnam potior de systole & diastole sit sententia. Pag : 197.

Differ-

*Dissertationis Errata sic
corrigitur.*

Pagina 14. lin. 1. *lege* currerent.
Pag. 26. lin. 11. *lege* Ratum. Pag. 46.
lin. 19. *lege* medullæ. Pag. 73. lin. 15.
lege rubescenti. Pag. 96. lin. 15. *lege*
materia. Pag. 5. lin. 8. & Pag. 12.
lin. 4. & fortè alibi *uti* pro *ut* posi-
tum est.

